

第四編 • 94 •




## 民

### 或

叢

書

第四編



春覺齋著述記 貞文先生學行記 展廬三集 長廬三集

上海書店

#### 畏

林

紓著

廬

\_\_\_\_

集

OT - 4 1/4 Con prop.

影小十七廬畏



杨敬在初的好得了西面对有何 報写華 宣 舒此何物而被放於而若考以少任气人目而於 且以为自然谬论哲过你各为和上而好名人 心深的名的形是而传统之心情的为心的为古 多后卷心的鱼粉传的宿室室江野柳仍甘西 兴路正路布的金四两领

光度各人自然 四年七十 園

足量二に手

哀 讃 矣 家 之 蓋 其 悼 交 吾 以 由 誼 博 血 兩 以 兄 性 反 歸 之 約 爲 之 文 文 也 畏 章 如 章 廬 不 此 語 關 畏 語 而 學 廬 敍 出 問 其 悲 于 之作 許 也 肺 我 集 腑 耶 中 音 籴 高 不 敍 吐 夢 氽 悽 知 旦 家 梗 文 序 令 故 先 德 但 人 甚 不 述 詳 忍 吾 卒 兩 其

												التسويد
中文 新疆 11500 平平 经来	鹿邑徐尚書奏議序	百大家評選韓文菁華錄序	<b>拜菊盒詩序</b>	同學錄序	雙忽雷本事序	傾宜軒文集序	鳳岡劉氏族譜序	左傳摘華序	<b>述</b> 險	腐解	目錄	畏廬三集
•												
										•		

王灼三傳	石顯山人傳	<b>\$公六十寄序</b>	贈李公星冶序	<b>贈</b> 張· 全厚載序	送魏君注東奉使比利時序	送正志學校諸生畢業歸里序	送林生仲易之日本序	贈金生錫侯序 此稿久遺鶯得補入	書昌黎處州孔子廟碑後	謁林日記序 法國郭休君著	守岐日記序	

,

	答徐敏酱	答姪翥鴻書	與唐蔚芝侍郎書	答 大學堂校	王烈始傳	南昌陽君若臣家傳	許節母張夫人傳	吳星亭將軍傳	昭武上將軍姜公家傳	陳墨莊先生傳	宋牧九先生家傳	丁鳳翔傳
TV 1988 11 1:40 mm 25K		ē	郎書	大學堂校長蔡鶴卿太史書		臣家傳	八人傳	傳	姜公家傳	傳	家傳	
F				<b>T</b>	•							
									-			
							,					

Α.

清建威将軍提督銜補用副將閩縣楊公墓誌銘	林夫人墓誌銘	清奉直大夫學部主事閩縣周君墓誌銘	清中議大夫翰林院檢討前新疆道御史梅陽江公墓誌銘	清林文直公察誌銘	清榮祿大夫江西廣信府知府二品銜安徽候補道國縣李公墓誌銘	清廣州教諭李君墓誌銘	清彩士唐先生廟碑	清朝議大夫花翎三品銜湖北試用道玉呂張公配顧淑人合葬墓誌銘	<b>上</b> 國品	上陳太保書	答甘大文書	日本日本   二十六   日本日本   -

province a take a status

.

. . . .

AND MAKE IN 1 MINUT AND THE	公祭江杏村侍御文	祭丁和軒文	記雁宕三絕	御書記	遯園記	<b>箴</b> 宜女學校碑記	致遠亭記	蘇園記	潛廬記	黄笏山先生蟿記	南湖舊隱圖記	六合十齡童子賊中尋弟記
1												

**%** 

:

.

J

腐解 畏廬三集 閩縣林 紓著

**蠡曳者性既迁腐又老而不死之人也一日至正志學校召諸生而詔曰嗚呼世變屹矣僁悖** 

昌矣聖斥爲盜矣弑父母者誦言爲公道矣俗問寇耳然何怤愉者之多也吾方懺懺然憂其

澌 坐而 цij :聽之耶將息吾躬而逃之窮山耶將泯吾喙而容其詆躝耶將和 不 知變也役方詪詪絡絡以余爲狂悖而悠泛也嗚呼余將據道而直之耶抑將守吾拙 光同 塵偶彼厮濫 耶 將

虞吾決脰洞腹而與彼同其背誕耶諸生其爲我析之語未竟有笑於座者曰迁哉先生 

時耶噬聖而牙吻張哮道而聲名揚騁私崇怨者財張王醜言怪節者方披猖撓蠖旣肆孰訟 (枉崖檢盡去始成爲放先生固爲衞道然譯起而攻先生者且以爲淺衷浮表而莫人容也

其

干年之聰明者孔 獲暴陵縱而行此洶洶也以腐爲正莫悉時趨之所從也仲尼何才聽之衰冕而端拱也 邱也 「翦暴夷兇剷彼輩之深仇也聚無數之青年而從之冶遊縣萬年之道 錮 數

日で日間に一日

統而肆其盲求先生踽踽涼涼

無輔

無傷而曰吾惟時之救而乘險抵嚱者方將以先生爲

戎

首且羣起而掊之先生胡殘翄然開關而致寇先生啞然而笑曰汝胡言之怯也墨突弗黔篤

於匡時而孟子疾之楊子惜毛弗利天下苟害天下毛亦弗拔而孟子黜之老言擴而冥佛官

益爲孟韓之所急予乞食長安蟄伏二十年而忍其飢寒無孟韓之道力而甘爲其難名日衞 幻而深韓愈乃襄老而關佛楊墨佛老匪獸匪禽而孟韓攻之若束溼焉然則悖倫侮聖者當

作晨雞焉萬夫皆屏吾獨悠悠當虎蹊焉七十之年去死已近爲牛則贏胡角之礪爲馬則鶩 道若蚊蚋之負泰山固知其事之不我干也憾我者將爭起而吾彈也然萬戶皆鼾吾獨嘐嘐

胡蹄之鐵然而哀哀父母吾不嘗爲之子耶巍巍聖言吾不嘗爲之徒耶苟能俯而聽之存此

一線之倫紀於宇宙之間吾甘斷吾頭而付諸樊於期之函裂吾胸爲安金藏之剖其心肝皇

天后土是臨是監子之掖我豈我之斬

#### 述澰

冀人為事言将絕望焉余少而知瞿畏天之心與年俱增然天之所以赦予者亦至其说通也 余恆告諸子曰恆人怙過天或恕之憫其愚也君子怙過天有時或殛之怒其知過而憚改其

或爲人所不 測隨處若有神鬼陰相之卽予亦莫可自解則僅能歸之于天而已同 治庚午 余

奉府君余及室劉孺人遷左廡侍府 十九 一歲府君 疾自臺灣歸 時家橫 Щ 君疾四更歸寢遲明起齒震震作聲孺人猝問 屋 小 た麻 惟能容榻一 几之外當侧 行 im 就榻 亦 旣以 作 Ī 死 耗 灰

二人醚之不告母太孺 色相嚮不能發語蓋火發燈鎔板壁洞可徑尺四週已炭然去余帳僅盈尺乃不褻而 人防驚及府君嗚呼果不測者余夫婦不足惜府君奈何 越十 自滅 ·日府 余 君

盌矣積 疾 革 余恃有 于 年 幼弟 大 小 十餘 乃露香稽顙告天請以身代不驗旣遭憫 病 病 必以血醫言肺痿矣不可治越戊寅乃不 凶遂病肺 樂而愈貌益豐 日必咯血 或猛 至者盈 萁 主 死

天能至此 之醫見乃赫然不信吾之尚生也嗚呼十年處險病之中其視一夕幸脫于火者爲何 耶丁酉母太孺人癭臛于喉際旣脪洞見其咽醫言血且大崩潰時余夫婦侍疾已 如謂 非

經月矣不 審爲 計則起五更蒸香稽類于庭而 出沿道 拜 於轉至越王山天壇之上請削 其科名

之籍 從者以蓋庇 乞母 以 善 余斥去之夜 終 勿使頸 寒鴟 血崩暴以怛老人如是者九夕第四夕盛雨及之余堅伏雨 鳴于 樹間 從者股慄余憂火中炎木棉之裘盡溼乃不 自覺十 中 亦 起

月二十七日母孺人逝幸不見血余伏榻下經時不能哭蓋此時一心感天幾不知余母之舍

余而去也居喪之六十日余夜祭太孺人罷哭歸苫心忽跳動作響二月昏黑自謂死矣已而 小蘇醫至言心房且因悲而裂余日否不孝之人無此至性不足憂也然亦病眩暈至六年而

見臂以滲漉之故則積土以增之土積可二尺許而見臂之椽不能支也且陷忽兩 止嗚呼以上所述述一身之險耳至吾珪子之險有相髣髴者珪之宰大城也衙齋之椽 羅孫鬨 小如

門外珪怒起斥之去牀不十武椽折千斤之積土立下几榻皆碎珪得無恙又大城產河豚珪

躬乃並及其子意欲余長葆其畏天之心故用是以警之不知余感恩深畏念篤雖不之警而 甘之越日必具一日得五河豚珪方聽訟廚子私烹其二食之立死而珪不與焉嗚呼天相予

警心未嘗一日忘也辛酉二月余戚周太史女孫病猩紅熱死家人奔避都盡太史夫人挈其

氏之室空矣驅此病人是置之死地吾不之忍雖得禍甘也周之子孫相次愈而余子女及孫 一子一孫至余家越日皆大病醫言不去之且霑染及人時余家上下幾三十人余毅然日周

病者七人既起復仆第六子璈及幼女病且殆凡四閱月余醫藥之費幾及千金幸皆無恙余

勿以身 舒按三傳之列於學官者左氏爲最後出然而公穀:<br />
「傳已爲老師宿儒所寢饋其治左傳 也夫行險徼倖小人事也顧小人爲私而行險余則爲義而冒險其幸無事者蓋當禍時 仍長日讀書作畫若無事然余已嫁之女及諸姪皆極憂憤余徐日爾自行孝余自信天無傷 亦互 似蔑視二傳為不足重輕善乎宋朱長文春秋通志之序言日孟子深於春秋惜不著書其後 簡二傳 至杜元凱始尊爲不刊之書且謂經之條貫必出於傳傳之義例總歸諸凡推變例以正褒 左傳摘華序 作傳者五而三家存焉左史盡得諸國之史故長於敍事公穀各守師傳之說故長於解經要 中悔之心氣壯 實劉歆賈逵之力乃其篤 有得喪實則精於公羊者董仲舒平津侯也精於穀梁者劉向也而左氏之得列於學官 試險 丽 去 兵端 也 而 因作述險示之亦以堅勵其畏天之心 此邱明之志也其推獎左氏至矣蓋其崇左之心以爲膚引公穀適足自亂 神完邪诊或從而辟易然唯余畏天至故冒爲之子孫果不及余者則慎之 好成 不 如杜元凱元凱之心醉左氏謂其能先經以始事後經以終 無 貶 者

上文 五里一二十五四

1

文之塗轍所謂先經者卽文之前步後經者卽文之結穴依經者卽文之附聖以明道錯經者 **義依經以辨理錯經以合異眞能徹左氏之中邊矣鄙意元凱此言不惟解經已隱開後世行** 

春秋故有 即文之旁通而 此 作余則私意蘇氏必先醉其文而後始託為解經之說以自高其位置身在尊經 取證試覩蘇穎濱非宋之古文大家耶然有春秋集解之著雖因王介甫詆毀

令學者原始要終尋其枝葉究其所窮優而柔之使自求之**饜而飫之使自趨之若江海之浸** 

之世斷不敢貶經爲文使人指目其妄但觀蘇氏之敍集解述杜預之言曰其文緩其旨遠將

膏澤之潤渙然冰釋怡然理順味以上所云則余所謂元凱之言隱開後世行文之塗轍不信

無 然耶夫文家能優柔聚飫則古書之足浸潤吾身者已自不淺葉夢得斥穎濱謂左氏解經者 幾且多違忤疑出己意爲之非有所傳授不若公穀之合於經此言非知穎濱者也以解經

論公穀之文經解之文也以行文論左氏之文萬世古文之祖也唐陳氏岳作春秋折衷自述

文家矣僕恆對學子言天下文章能變化陸離不可方物者只有三家一左一馬一 日左氏釋經義之外復廣記當時之事備文當時之辭夫記當時之事而文之則已以左氏爲 韓而已左

極留意 氏之文無所不能時時變其行陣使望陣者莫審其陣圖之所出譬如首尾背馳不能係縲爲 力抒謀 羨其自然者或敍致一事赫然如荼火讀者人人爭欲尋究其結穴乃讀至收束之處漠然如 無罅隙處强入往往令人棘目相去殆萬里矣又或敍戰事之規畫極力敍戰而不言謀或極 爲其人之小傳位置恰好如天衣無縫較之司馬光之爲通鑑至敍補其本人之地望族 淡煙輕雲飄 之狙 迹不得又或一事之中斗出一人此人為 鳳 言之當於逐 則中間 | 両劉氏族譜序 詐能 必因事設權不曾一 而 作鎖紐之筆暗中牽合使隱渡而下至於臨尾一拍即合使人瞀然不覺其報瑣反 曲 略言戰或在百忙之中而問出以閒筆或從紛擾之中而轉成爲針對 三篇之後 渺無迹乃不 繪 而成形寫武士之驍烈即 日文是二二三元 細疏其能讀者自於故紙之中憬然侈為新得庶幾不負僕之苦心矣 知其結穴處轉在中間 **筆沿襲一語雷同真神技也其下於** 全篇 因奇 關建 而 如岳武穆過師元帥已雜偏 得韻令人莫可思議撲亦不 而不 得其出處乃 4 短篇 於閒 之中尤 閒 能窮形 有筋 中 神而行使 其敍戰 補入數 力狀 盡 姓於 奸 相 人尋 行 事 九 卽 而 人

漢之鄧氏有官譜應劭有氏族篇晉宋齊梁以來有百家譜除官者有百官譜皆私家書也 唐

太宗始命諸儒撰氏族志一百卷柳冲撰大唐姓系錄二百卷則姓氏之譜又成爲官書矣然 而孝子順孫无不重其家譜以家譜不修則昭穆之世次無考故或宦成名立必急急于此 玆

者吾友劉資穎以鳳岡劉氏譜見示屬余序之夫劉氏譜之最古者無 如劉子玄所撰 劉 氏

按據明審今此書不可復得據劉氏支譜則但云先世諱存者以唐季黃巢之亂率其子姓入 史及譜考上推劉漢 為陸終苗裔非堯後彭城叢亭諸劉出楚孝王嚚曾孫居巢後不承元王

閩其上無詳焉若果得子玄家史以覈之則光州之劉統系或可承接而得 固 示 ·待襲其祖烈久已蜚聲于閩矣前此三十年見劉氏八賢五忠圖衣冠奇古蒼髯而偉貌 也然而鳳岡 之劉

者列 坐其上有鳥 於終袍兩少年則魔之用之兩先生也兄弟皆從考亭以僞學之禁弗仕 而

仍袍笏者以曾舉神童科進士耳夫劉氏自執中先生開其源于是侍講修撰樂昌諸公咸事

也至于忠簡忠顯忠烈忠定皆名被汗青獨提刑以官徵不獲易名之典然而 正學時豫章延平考亭勉齋方以理學提倡八賢者繼踵而起閩中右族如劉氏之昌古未有 廟食百世其酬

窮也 較以爲無據然則劉氏之爲堯後劉子玄亦不自承而後世之稱劉氏固 後推衍至於十數萬家唐林贇作元和姓纂沿流溯源乃知林氏系出長林山而通志氏族序 **善人必熾之昌之永祚其嗣胤子姓旣繁則大宗之世次必使勿紊故歐陽文忠之自敍其譜 慎宜軒文集序** 林氏之宗亦聞之右族也八賢九牧並著于時今爲資穎序宗譜不禁悠然共思其祖 世胄遙遙 謂昧昭穆之敍則禽獸之不若其重譜至矣蘇明允之敍譜則曰兄弟其初一人之身也悲夫 方滄溟弇州之昌於明也天下文章宗匠若無敢外二子而立而震川則恂恂於崑山以老孝 至于途人也使其 人之身分而至于途人此吾譜所以作其意曰分至于途人者勢也勢吾無如何 也嗚呼古來忠義文學之士亦自計其身之善而寧及于子孫之昌熾求食其報者然天福 必有祖始之人爲之肇子孫但能各職其職各治其行兄弟敦睦自足永紹 無至于忽忘焉 きのは二二世 可也觀此則修譜不惟親其先而且親其後余家自比于公 1 無 一不以爲堯後 也幸其 其傳吾 德于 也 未 無

之間 廉起而 也浮囂者墓响 與抗二子卒莫之勝者固不能以淫贈者衊天下之正宗也袁趙蔣三家之昌於乾嘉 而和之陽湖諸老復各樹一幟爭爲長雄惜抱伏處踵 山無一 息曾與之

又豈為競胺之具然人卒莫勝者載道之文固非稀句繪章者之所能掩也今庸妄鉅子飣 競不三十年間諸子光燄皆熠而天下正宗尊桐城焉歸姚二公豈蓄必勝之心而古文一道 餖

之謬種和者噑聲徹天余則以爲其才不能過伯玉而其頑燄所張又未能先枝山也吾友桐 過於汪伯玉 一喽勃甚於祝枝山用險句奇字以震眩俗目鼓其實力斥 桐城不值一 錢而 無識

於正軌 城姚君叔節恆以余爲任氣而好辯余則曰吾非桐城弟子爲師門扞衞者蓋天下文章務衷 ,其致爲黔黑兇獰之句務使人見而沮喪者雖揚雄氏之好奇不如是也昌黎沈浸於

雄文然奇 而 能正 |蓋得其神髓運以關軸所以自成爲昌黎之文惟曹成王碑好用奇字乃轉

不見其奇彼妄庸之謬種若獨得此 之爲文也叔節家世能文爲惜抱之從孫所著慎宜軒文若干篇氣專 而寂澹宕而 而 岂不 有致不 知 (其所· 矜

奇立異而言皆支於名理是固能爾其祖矣叔節之言曰劉孟堂桐城人乃其文固未肖桐城

也余謂孟塗之文吾鄉張松寥已力諍之矣得桐城之嫡傳者惟上元梅曾亮顧其山水遊記

則微貨棚州夫學桐城者必不近棚州而伯言能之此非異也曾子固文近劉更生而道山亭

用其所長 記亦與柳州爲近蓋既深於文固無所不可叔節知孟塗則自知尤深行文能用其所長夫能 者桐城之長也用桐城之長則決不爲黔黑兇獰之句可 決矣今日徽官將絕古文

# 一道既得通伯復得叔節吾道庶幾不孤乎因樂爲之序而歸之

雙忽雷本事序

嗚呼辛亥之去庚戌一稔耳庚戌之十一月葱石參議飲予於雙忽雷屠時新得大忽雷未匝

雙也亦樂為 月屬予補作雙雷之圖參議昔得小忽雷予爲製枕雷圖並記之矣今雷雙而圖一予喜其得 補之顧未朞年而遭國 變予既避地析津而多議亦淪 落江左自是不見者七年

此七年中長 安如置棋權綱准弛人情騷擾予一置不問閉門譯書成四十三種而多議 於海

議之鬢絲有數莖白矣嗚呼建中興元之朝大局斃於宿奸老蠹之手朱泚李希烈可謂禍 上亦校訂羣籍影刊宋元本叢書又彙刻傳奇劇曲集數十種亦告成丁巳春相見京師而 盡 参

5

惡周矣益以李懷光之叛有唐之國祚乃愈岌岌而區區雙雷竟幸存於民間猶之貞元父老

之再見天日也有明及清之季雙雷竟同歸諸遺民之手然則此雙雷有終見亡國之一日矣

人而 設竟落之館荒家則塊然兩樂器耳寧復有建中興元之感愴使見者不勝其悲然異寶之附 **傅其託身也必不** 苟戾戌之冬大雷甫歸參議而辛亥之秋變起鄂中已無復興元 之堂

予知參議摩撫雙雷其悲梗又當何如參議沉博而嗜古積諸家記載詩文成雙忽雷 本事

參議舊宅已屏不居閣前、楡柳皆有可憐之色乃不知海 卷其間有遺逸不可迹覓者咸索而顯之於世物之聚於所好若有神鬼陰爲之合斯亦怪矣 上枕此雙雷者尤有可憐者在 也孔

東塘生于明季固 有 心人也得小忽雷而製爲傳奇多議自云因刻傳奇而遂得其器今參議

先朝遺老奔走往來其傷心故國 有甚於東塘之哀明故於雙雷愈形珍惜則予之所謂異

寶必附人而傳其信然,耶請還質之參議

爲

同學錄序

[11] 學之爲錄 非弟子、記也學子宗 一先生之見邈率其言則有弟子之記令之學校爲之師者

宜 當僞學之禁屬弟子尊聞行知不必及其門余非考亭其皇諸生則蔡元定也同學錄旣成 所奪顧四年爲期至趣想諸生去此而就他校必有用吾言以自治者則雖離而仍聚矣考亭 畏倫紀盡斁將自卽於禽獸爲可悲也近人竊據講席至尊天策金輪爲明主馮道爲真宰相 拜菊盒詩序 生乞余弁言略 道爲 宗仰八家歸於醇正之域諸生中頗有解余官者嗚呼世亂亟矣藩鎭據有分域余不之畏所 卓文君為列女之冠是張李贄之兇燄敢為是言其於文字也復倡馬班革命之說斥孔子之 不一人傳其學者不一事弟子同也非一師之語錄且亦非其門籍特四年聚畢四年而散識 其姓名里居猹古月泉社之題名耳余蒞此校匆匆四年矣所職則發揚宋五子之學治文則 統 隆恩殿外故事小臣無與陵祭者乃臣紓及臣毓廉幸得蕭其衣冠跪澆陵樹是 拘 |内辰冬十月||十一日我 . 舉則倫紀幾乎熄矣余爲此懼日省省焉不敢惜其殘年爲諸生策勉俾不爲瞽說之 書數語歸之其餘意則見之贈序云 德宗景皇帝忌辰臣紓及臣毓廉匍匐 陵下臣鼎芬引拜 先帝在 諸

三文景品二二层

天之靈清臣以不死之年聽犬馬之戀恩臣紓臣毓廉蓋萬死不能報也是夕宿臣鼎芬之清

於敍 爱宰紓及廉 悲古 體 發源古樂府或追摹昌黎琴操 成賦詩紀事又明日毓廉將其詩自淶水寓紓讀之奇麗有光氣言情之作則巧 其流宕奔越 處則 稺存柳門也近來南士大昌宋

詩吾 友成 多祿 獨 不謂然紓 則謂 詩筆因時變遷自漁洋荔裳 出 力追開 元然 m 趙秋谷馮 舍

漸

趨

澀體自是以

來臨川後

山之派

流

衍至

廣

而紓

每讀臨川後

山

詩亦未嘗不

心

醉

卽

亦不 知其所以然殆真樸之氣入人深也此作於二家一無所似然仍成爲拜菊盧之詩者則

呂惠 自成一格不逐時超固有其不可漫滅者在也實則詩者性情之所寓當時如宋之舒亶李定 阿蔡京兄弟父子皆負奇才其詩詎 L無可傳 而終不傳文文山之詩時 時摹仿老杜 間 有

臨時率然 二之作不 盡協律而寸緣尺素人皆珍惜即吾郷之黃忠端文摹尙書幾於不 口 句 讀

詩亦趁 其 **興致** 人 之珍惜等於文山 顧 示以其 人 歟 毓 廉之品之學紓 所 il) 折 今其 詩 亦 紓 所

珍惜者也必斤斤繩以宋人之軌 迹則謬矣今冬臣紓臣 |銃廉 再觀 崇 陵 相 與 突於 陵下

幷袖 此卷奉還彼此同爲孤臣則互相珍惜者當不僅以其詩 矣

百大家評選韓文書華鈴序

**科讀**祝, 九明 罪 知錄 其詆韓文日 「論易而」 近儇形驫而情霸 其氣輕其口誇其發疏躁頗 疑 枝

**山**木 也漢人如揚 飲 狂 藥 馬班劉以鴻麗之作俗眼爲所震眩漠不省其轉軸關鎖之所在 何 以 哮 · 噬如是已見汪伯玉詆蘇 字不通始恍然于明人贋 心醉古澤以爲 爲 兩漢 之過

唱 便飾以鮮榮之辭語卽可倫儕于漢氏其視韓歐八家之步步皆就繩檢心病其拘而莫之屑 「呼此祝汪終身由之所以不知其道也漢文能內轉若張平子之製渾天儀關軸處中莫究

其巧 明人 重外 而遺內故心乎漢氏但襲漢氏之皮毛而已昌黎者竟死追逐揚雄氏所爲文

實未嘗新 類 揚 雄 蓋 雄文肆于賦筆而縮于法言造語重 而結響堅此昌黎之所慕 也 m 循 病

身用其道故其所爲文頓接若不相屬能蘊至理于不言之中貶褒弗見明文每從旁側寓 其多異宋 則 歸 本于孟子孟子與 (陳相 論並耕干波萬瀾吐茹蓄洩神化至不可方物昌 一黎終 其

無窮之慨且因事 設權每製一文必創 一格近斷而遠續伏於無心而應于弗覺變化微渺

神框鬼藏焉宜乎矗才之不能尋迹而 得也舒治韓文三十年能解韓文而 不能爲韓文今寫

とに 二 智を 公司

老無用尙集諸生講南華左史及韓歐之文每授韓文一篇輒加評語至數百官務發其覆而

後已嘗語諸生韓公之文武夷之溪玉華洞之泉聲也武夷山溪每曲輒變玉洞之泉則 伏流

諸君子編爲韓文精華錄乞敍于余意豈以余爲能韓耶顧余之于韓直守藏之更日親藏寶 于石片之下雖繁其耳聽固未當得泉解此始可語韓否則未見其能韓也屬者海上六一社

初非己有而頗能詳其狀至于近世自鳴爲文章鉅子者亦窮迹兩漢吐棄八家吾恆笑爲祝

## **鹿邑徐尚書奏識序**

**汪之鈍奴固不如吾歳吏之有真知而灼見也** 

**吾鄉林文忠公督兩廣時以焚鴉片事與英人忤卒爲言者所中荷戈萬里賜環之後身督全** 

師往平赭寇乃薨於半道鹿邑徐尚書仲升爲文忠年家子繼公之後督粵與英人力爭入城

赭寇之亂督師武昌因而劾係詔獄嗚呼二公皆有大功於粵其才武均足以平寇亂乃皆不 之議單舸登英人兵殼執理抗辯而英人折服全粤得以無事身膺五等之封名動九闆亦以

竟其功詎天心滋養此十五年金陵之逋寇不假之二公之手使蕩平耶然而二公之功名垂

弱亂生於阿言阿卽俯從而損國體之謂也公奏議中要言能洞外人之情曉之以利害察中 外人請求恆置不答彼以爲默許動以兵力要脅則苟且承順又公疏所謂俯從也韓非子曰 因之以弭而文忠伊犂之行卽稍操切耳公言蓋爲文忠發也至於俯從則慶邸長外務部時 文忠以後左文襄之處外頗激壯見節槪而幸無事者文襄於塞外用兵頗爲外人所服衅端 耶公外交之要言曰固不可失之操切致起衅端亦不得過於俯從有損國體此二語盡之矣 已聞公督粤之功視自稱爲海上蘇武者有同霄壤不期七十之年得泚筆以序公集何其幸 嗚呼余大清布衣耳犬馬戀主之心至今耿耿得清室忠懇大臣遺事讀之靡不涕零況幼年 宇宙矣余摯友吳航李星冶所交往多河南名流一日出公奏鐵將公文孫崇愼意請序於余 死之日而後有名也其前行多修矣嗚呼公之大名豈待暴於伸雪之日蓋粵人之思公雖婦 要動中韜略蓋曠代將才也嗚呼陸宣公之經濟卒老忠州李鄴侯之功名終隱衡嶽君子亦 鑒其心而已身後終有必白之寃公果於宣統元年得開復總督原官管子曰伯夷叔齊非於 國之勢出之以和平外不見箸於恫喝之言內不自隕其正直之氣至平潯梧殲 羅鏡指陳兵

是其一二世

L

J

**穩靡不知公為文忠之續矧弁阻人尊其先輩其念文忠亦正如粤人之念公故敍公集時** 不

能 不於吾宗文忠無眷眷也

守岐日記序

鳳 挧 側 思之岐州漢 日右扶風魏仍之晉爲秦國後魏置秦平郡後改岐州 西魏為 岐陽隋

岐州大業初仍為扶風唐初曰岐州天寶改為扶風至德仍日鳳翔郡尋改鳳 皆曰鳳翔至今仍其舊也地形險偪隴關阻其西益門扼其南漢回雜處宗教既異回之防漢 翔 府明清以

來

恆有入伍爲軍官者 經嘯 引則劫脅其部曲以從亂故赭寇之據有吳會亂 萌甫 靖而關外

恆虞待以異族而漢之視回尤輕貌而獸畜之以故日相冰炭外回一動卽煽內回回部人亦

之回 1餘熾 矣同 治初元江 南盗麩垂空而餘賦竄入關中回人方曹伏思 亂則 争起 而 應之而

吾年伯友山中丞適被 命守岐中丞知兵而耐勞犯雨蒙霰力阨嚴城尤能以忠義振發其

冀賊就

士氣用智略以脫於危難嬰守固城至十有六月接師既至重圍得解然督接師者煦煦爲仁

撫可以得旦夕之安直楊嗣昌熊文燦之用心岐事幾敗其手時多禮堂方以 善戦

公之亮笵清風紓三十年前已傾服無地矣不圖舊時轄下之諸生今日竟敍公之大集因公 益思吾道義之友不期淚下如綆矣 也已未之秋 太守又與紓 **題義與城存亡乃天佑孤忠瀕危得安履險如夷卒使身名俱泰爲吾閩之福星而公子韻舫** 天下急燉趣進討鳳翔之賊遂竄入甘涼岐幸無事 (幼安觀察入都則中丞之季子吾友韻舫之愛弟也相見道故出此 為同年生太守出守莆陽以疾卒紓臨哭其櫬於中岐之山至今黃罏之悲耿耿 朝命以公陳臬閩中嗚呼公生平資忠 命序 嗚呼我

一謁林日記序 法医郭休君著

古云禮失求諸野今則禮失求諸外矣老友勞玉初有德國之友蔚禮賢陳太保有英國之友

記屬序於余其書論禮樂皆深於古合何其言之類也郭君之言曰禮猶器也燦爛其外 莊士敦其人皆崇禮夫子以爲曠世之聖人今陸公子欣復以法國之友郭休君所著謁 林 而 内 日

所謂 燦爛者即所謂動容周旋中醴也苟乏中正無邪之質禮何由行又何燦爛之有又曰 禮

則有原質之精神按樂記中正無邪禮之質也莊敬恭順禮之制也莊敬之爲用實由

中發外

2年11年代2日

從心出有心之禮足以提醒道德之精神此亦樂記所謂德煇動於內而民莫不承聽理發諸

外而民莫不承順者也夫不提何由承不醒何由順唯理發於外鄭注指容貌之進止言疏曰

子以實事爲教以至善爲訓人相愛人吾今而後知以理爲教者同 理發諸外非道理之理謂容貌進止之理也容貌進止一本於正卽爲道德之精神矣又曰孔 一可通同 有效而 簡 捷

多矣 遺鉱 設建 数二 之字 煩似 項斥 p 嗚呼是言也卽起游夏莫贊矣蓋言實事則無高遠之談止至善則造

倫常之極所謂可通者以人性之本有爲之導所謂有效者以大道之必至爲之驗人道之效

捷於神道之效郭君誠揭其常而挹其深不惟取途正而亦析理醇也嗚呼聖人遠矣旣非教

宗尤未曾篾人以禍福郭君官宗仰夫子者無束服之威人人咸屈於一力之下嗚呼夫子道

其成 也非力也惟醇惟正惟必由始謂之道且屈亦非屈人震夫子之道內慚其心屈於天良非屈 力故以元伯顏之兇頑兵屯孔林將發夫子之宮聞其爲至聖而 止此亦云屈 於威力乎

**今吾國秀少皆讀書識字竟人人敢爲叛聖之言無伯顏之勇而** 一致爲伯顏之所不爲其自 命

為新道德者直反常滅倫無道不德極矣奚名為新嗚呼吾夫子之德既足以取信於英德法

憂其冺夏之兇余老矣憂道日深乃得陸公所屬郭君之書爲之竟夕不寐此書匪但衞道者 諸哲學之人依護而記二人下可能予之致之後華之微為不以其態天之能蹈然之亦亦無

讀之而愜心卽叛道考亦將見之而滋愧吳

# 書昌黎處州孔子廟碑後

鳴呼廟食百世豈孔子意哉人之尊孔子者當尊之以其道不能但崇之以其廟昌黎謂

夫子寧以道市天下後世哉夫能植可殺者其神稷能平九州者其神社四千年以次莫有變

之通祀唯社稷與孔子句龍棄以功孔子以德似湧食香皆其效也汝而酬之其道近市嗚呼

也而今之社稷壇則廢而爲園游矣孔廟釋菜之禮亦久寢不行小惟有樂無尸且並樂與拜

特昌黎永叔固不之料也近世衣冠之流憫道之衰乃倡爲孔教會誠是矣然而夫子之道之 跪之禮亦亡廟貌清寂轉不如佛舍之日宣其然唱旦少遠於社稷壇之甲耳嗚呼廟之不足

今使人舍穀食而日饗館電熊掌猩唇之屬其能久甘而不罷耶若日製设食刊未有厭其常 尊尚不以其廟奈何轉屈之以爲教宗蓋道味之甘平如稻穀且人之需道以生者 11遊空氣

+

中達者爲之導而覺之聽者不以爲戾亦踵行之故數干年以來中國之易姓者十餘未敢有 而 屏去之也道之中有倫· 常馬 倫之爲言序常之爲言肅序則不亂庸則不怪人日沈浸於道 聖凪皇帝

鄙噦孔子之道以爲悖猶人之不能舍穀食而別有所甘出空氣而自斿於勮也

日用 而非崇夫子余恆觀天下奇詭之事初亦震眩其耳目久之亦不謂奇轉似常直之足以符久 飲孔廟之井自撤曲柄之蓋存之廟庭爲孔子榮嗚呼夫子豈榮此一蓋耶道存天下使倫常 無所乖戾夫子卽不廟而道光也舞角權奠衣碰嘯维而所行者勾與道及是之渭崇朝

老莊縱橫刑名法律之學皆足震動一時而夫子之道獨詹而不厭亦就人之常性利導之而 加以圍範故久之而無所苦今必曰常不可爲也且朽腐而卽於鬼墟當夷倫蠖常恣其所至

以爲自由此盛氣之少年力足自活百無恃賴故口不擇言迨老而求援於其子孫而子孫亦 卽用自由之道反諸其身輾轉相轉戾氣壅積不至於夷絕不止矣嗚呼君子所以不敢爲 放

足以持久文仁義豊四文信皆舌之曰常而长尊玄之為非常会老劣於辭口詩論不能派人 言高論不惟患其遺毒於後亦防其及身而先試之此吾夫子之道所以用常以勝且知常之

多型暮之年知吾夫子之道涉無害於世也因謂昌多碑記而悲痛害之

贈金生錫传序 此稿久通觉得補入

古來忠 臣 烈士世 俗 每竊笑為是而 不 知其用心之苦也忠臣之心非 弗愛其 身 與家 必 爲 是

決 脰 洞 腹博 身 後 不 可聞見之名抑 復何 樂而 前踣 後踵不撓進不恇退卒就其志成其忠亦

視伉 審が義 以爽叫呶凌瓿一切貌爲愛侈者亦遠矣黨禍飫與邏騎四出所謂忧爽之士戚戚患其染 之極至無可復戀耳吾友壽伯茀先生生時與語國家蹙蹙之狀恆慚慨引爲己責其

豫走散 爲 嗚呼 代匿 此我 而吾伯茀固京辇所目爲黨魁者特巍然以待門誅而不及及敵兵犯闕闔門 太祖皇帝聖澤悠遠乃克植此忠烈之士吾自吾伯茀之死於滿洲人士更 無 蠢

識 者乃 今不 意復得之於金生錫侯生剛 峭 有膽幹 遇義 Fil 不計後患而猛赴之吾慮其邊越

復者此蓋重愛吾伯茀之辭今吾不能不襲用其言爲金生告也滿洲人士爲國家貴胄與同 漏 也天下 糜爛至此詎患無得死之時伯茀之死人猶有斥其不留身爲國家供奔走圖 興

休戚宜其有感恩之思而常屬報國之氣顧淺激斟謀者多其究也滴挑禍爲累國 家 生平日

恆深痛之今生尤不當弗審利害 |無益以戕其身明矣余大淸布衣身 依 皇帝土壤 Æ 得甘

食美睡未嘗不 荷 皇帝之恩今年五十猶不爲老亦思留身爲國家用矧生青年蘊文明之

美抱忠怨之氣其可輕於自爆耶

送林生仲易之日本序

丁巳冬余開講演會於京師授左史南華及漢魏唐宋之文林生仲易來與會憬然若有悟於

座間者戊午二月別余將東行求學於日本治法律之浮余曰東人寧止以法律長耶蓋

其嗜

古之心甚於中國之學者陸氏聚古書名皕宋之樓而東人以十餘萬金溝之而去果不以吾

新不鋤而盡之不止不惟不可得新乃並其養者亦垂亡矣林生從吾游又將留學于東吾度 國之學爲鄙者又何爲購之顧吾國之習于東者則欲歸燼中國之所有者以爲留此足以病

其心 必解東人之意义必不以所得于我者一為嚮人之所奪也会老暮而醍錮每遇東歸 Ż

士呱 慚沮遜避不致與語今生忽來求言于余以導其行寧非趣吾謗而樹之敵乎雖然君子

之行人也不能行作了不其愈彰生皆無忌中國之所不耳其人之惡國者用以自要善國並

以自存否學斯幸矣若夫竊東人之緒餘故爲奇創奪常之論以文之侈其得諸東者貽笑東

送正志學校諸生畢業歸里序

人于生义何取焉故于其行也揭吾懷以告之

古未有恃才藝足以治天下者故孔子言藝必先之以志道據德依仁然後遊藝藝包射御 書

數至欲以巧捷殺人之器制御天下而卒覆滅其身與國者由其不德仁之云而惟 數而言推之如羿奡賁育之才勇墨翟公輸般之技能皆是也然四人之高于般翟者胡啻萬 藝之尙也

則以藝逞者必以藝瓊今吾國之所側重者亦必曰匪藝弗强匪藝弗富人人竄竊四人之藝 夫藝之精者蓋出一人之神智以省天下之力作道 在益人則謂之仁若藉是遂其哮噬之慾

名而又弗抵于完邃之域夫彼方用其神化之藝以求死而吾又從而效其劣陋者冀以自立 余不悲其愚而悲其舍生而圖死也古所謂道者必盡人之可循生道也知其非是不

生則

荾

中有道即 務極 其神化者而吾道亦靡所不在彼方亟亟然求 所殺人者吾亦函亟 一然求 所以

自生者則 藝之爲藝亦適足以成吾仁 而衞吾道且旣 知道矣鳥有不造其完邃 ifii 但取 其 劣

一大 本語 二二地元

陋以自 封 耶 然則 藝由 道 成非道义不足以成藝矣令諸生畢 四年之力頗聞古聖人之道 且

日夕與諸生聚若慶家之有佳子弟焉而諸生之視余尤厚今且別不舉其大者以爲言徒煦 略 一窥西人治藝之樊矣或有挾資以西遊者吾又甚願其勿右西人之藝而左吾道也余老 矣

煦敍 其 私交無爲也至於立身行己之道則固言之矣乃不復贅于此

送魏君注東奉使比利時序

嗚呼中國 一之文敝 久矣余懼其長此 而澌盡也欲自奮以廣古人之傳因聚其同志立 社 于 京

為貴官督奉使持節于美洲者也志堅而 魳 講 左 史 (南華漢) 魏 唐宋之文有魏 君注東 守問勵業而惜時惟學之務退爲若不足蓋時彥之 **木者雖** 風 雨陰晦 中 必至而 就講 席乃 不 自 知 其 身

卓出者經月不之見詢諸人則又奉使于比利時矣語其友陶君別余且請爲言以贈行鳴 呼

衆俾之焦爛無遺觜焉國亡亦 比之爲國 曾不及吾華 一小郡乃其君臣士庶→人咸县不撓之勇槪 無所甚恤等 ,非所謂志堅而守固者耶今天發雄渠之魄 一舉而覆强鄰數萬 III Ž 比

之君長得復完其國魏 君適 於此 時 萩 使入 其都覩其殘 燼 之餘將 復其舊觀必有懷乎

天心之厭亂而有志者終且不爲人所撓屈益將本其所學發抒其意用以勵勉吾之國衆則 魏君之意也茲以毛生以亨西行之便因爲之言以遺之 能 經年之聽講而求肆于文字間者其必用之于此時矣夫比惟君民之協治雖國于穢芥之地 紀 僵 其所見俾知强者之所由覆有志者之所由存則視樓攻媿之北行日錄爲多亦余所 而復蘇吾華席百倍之廣乃一家自相寇陷其視比之君民宜發塊矣余願魏 君能歷歷 以室

**聞張生厚載序** 

張生厚載旣除名于大學或曰爲余故也明日生來面余其容充然若無所戚戚于其中者余 異之因為之言曰學制中學或四年或五年而業畢自高等躋于專科則歷年或八九焉以學

就徵至京師主金臺講席蒞學者可四百人主五城講席十二年先後畢業幾六百人主大學 制論則言畢以學問論蓋終身無畢時矣矧能畢與否於一己又無所係屬者耶 計余自辛丑

講席九年先後畢業者干餘人又實業學校二百七十人今之正志學校又四百人矣視婁東 之門左千人門右千人不審如何然其中陟通貴而享重名者多獨揭陽姚君愨成都劉洙源

一日で年五二二世紀

以古文鳴同縣黃秋岳以詩鳴姚劉二生均畢業于大學者咸落拓江湖間而劉生尤窮蹙可

憫黃生則名動京都祿足瞻其家而仁其族然皆及余主文科時未三月而去乃其所造如此 而 張生又奚衉焉君子之立身也當不隨人爲俯仰古之處變而安者寧盡泯其怨客之聲顧

山泣者考亭喟曰友朋相愛之情季通不挫之志可謂兩得之矣今生之所遭直除名耳非有 有命在不可幸而免也西山何忤于沈繼祖劉三傑乃因考亭而急其獄迨蕭寺餞別有爲 西

道州之行也生歸朝其父母于家處其兄弟怡怡然臨窗讀孔孟之書亦君子所謂樂也其視

反乎此者必有問焉宜生之無所威戚于其中也

**贈李公星冶序** 

若泯然不以鄉爲恤而望其心天下此必不可至之數君子鳥乎由之吾友吳航李公星冶年 余聞愛人之君子其試手也必先其鄉鄉者目所接也由目接而推及於耳聽則仁被宇內矣

垂八十聞其鄉之被水死者可千數則蹙然而悲焦然而思爲之陳請于外交部部長陳公移

書南洋華僑得助賑金萬五千圓時吳航方修海塘以禦水水力衝冒塘旋修旋圮非更得二

然歷宰腴區可以致鉅萬公曰濫取之民不名爲貪直名爲盜盜不可爲仍守吾貧之宜且稱 **鬻其書用助塘工其志蓋可悲矣公以縣令起家** 干金者塘工莫蔵民田則盡滷矣顧僑民所助金悉數別有所儲公累請莫得不願爭也則自 余不宦去盜益遠特偉余而弟余余亦固願以兄事之然余年七十以畫瞻其家視公之驚書 皇帝既讓政會以省長長安徽歸而仍貧

料公六十壽序

以救其鄉則余嗇而公普序爲兄弟不爲公之辱耶當請公爲余釋其疑

知有君父不知有禍福所上諫疏擯權相彈驕王爭國本攻篡賊去死岌岌髯坐鎭如山嶽不 **髯以忠孝節義高天下復佐之以文章余年玉七十閚人多固無如髯之超羣絕倫也髯一生** 

據者爾戊午六月六日爲髯六十誕辰紓胸中有無窮之言若怒潮之湊危峽梗而莫出累欲 為動如是峻絕之品而紓居然得而友之又見其平安卽於老暮天相吾黨之善人良有其可

書而累止者數矣今姑摭其瑣瑣者言之示紓之文字固不足以形髯之懿也紓六謁 四止髥之葵霜閣 國忌之日亦髯之家忌髯旣哭 陵下退易素服茹素拜其二親遺像於 崇 陵

上是第二度

密室中紓亦尋迹而私朝之不禁凄然感髯之忠孝也髯視我如兄弟未當有獎拔之言 日日

忽示 ,壁間紓所繪永願庵圖題其背曰天下第一流人林紓畫紓駭歎謝曰天下第一流人吾

人矣髯大病之後 精 神日益 一健旺必可臻於大耋上傅 皇帝下足爲紓餘年之師法紓生平

髯爾

既此何物;

政有是稱髯笑自是以來舒之畏髯如畏師保防

墜檢見屏於髯將不

名其爲

敬天篤禧必有驗今爲髯禧亦敬謹爲 皇帝禱也

石顚山人傳

山人氏陳諱文臺字又伯溫陵人余師也山人長身玉立疎髯古貌善詩工書能寫高松及聞

竹亦間 Щ 人師 之三年時謝琯樵自漳州至省會主山人家琯樵作畫下筆如快劍之斫蟛螨俄頃十 爲翎毛花卉初師汪瘦石先生瘦石山水精工雖大屏巨幛成有韻致蘭竹近徐文長

得其祕中年作蘭竹與謝鷺莫別真贋迨琯樵殉節溫陵山人始變其法自成一格五十時除 餘軸畫時自幂其窗令洞黑以紙條撚細股蘸油燃之隨筆 左右 虚而復然山 人日侍筆 硯 霊

夕薄醉忽自仆於地殭若死人明日醒言有童子以験馬至門言府主奉邀作費至則一古廟

余以 酿雏 亥客杭州歸山人年已八十有四見紆泣曰余昨夢騎童子復至殆死矣遲爾來歸將有所言 十六年得 憂之及余以詩十首上山人山人曰可矣氣道而舒聲遠而響堅孺子不能殀也紓事山人二 乃爲象 春山行至 現山人爲傷黑牽牛 Щ 一祠王於堂家有樓曰養雲庭下植竹十餘竿風來磨遷作聲初得紓紓方病 人醉 Щ 耳越六 古廟 先生乎劉夫人者山人簉室年六十矣山人曰孺子終解事目 人翎毛用墨法變之以入山水山人見而異之以爲孺子能不同於法也紓於己 如夢中所見入廟則闌楯楹軒初無謬鬷額爲地藏王廟山人熯拜而 人疾篤執紓手而泣紓曰吾師達人當不以殘年爲戀意者他日事 一旦軸童子將奉府主出言府主稱可復以騎送歸若疆夢焉明年 咯 血 Щ 出

林紓曰余自二十至三十此十年中月或嘔血斗餘不親藥疾亦弗劇然一日未嘗去書亦未

劉夫人

八如事

必為 當輟筆不畫目計果以明日死者而今日固飽讀吾書且以畫自怡也然每造養雲樓劉夫人 余治饌 Щ 人被酒縱論六法 余亦自忘其疾山 人晚年貧甚舒嚴必竭其綿薄終劉夫人

之世而止一 日訛傳余死 於京師 劉夫人扶杖哭余累日既得余書及金始止哭嗚呼知己之

とうるよこへは

感豈惟山人卽劉夫人者至今余之心喪亦耿耿也

王灼三傳

王君灼三字薇庵閩縣人家於玉尺山余幼從薛則柯師讀書於玉尺山之廬君出入必過 先

篇出於天性丁母憂哭經月不已背俛若橐駝百日杖而始起且其事二兄如諸父也丙子余 生之門余悅其風度凝遠卽思友之越明年事朱韋如師則與君同筆硯遂訂交焉君孝友誠

授徒於君家君別出館於史氏兄某浸潤其婦言乘醉肆醫君婦且以盆水覆其衾褥余奔告 君於史氏君夷然方授其徒尚書若無事焉尋歸朝嫂問薪價貴賤旁及他事已聞妻哭於房

始徐入自理衾褥曝之日中笑而語余曰家無奴媼幸吾力尙能及此也若不聞有訟閱 者余歸告母太孺人稱君孝友太孺人爲之動容太息不止壬午余領鄉薦君以科考第三名 之事

格於額莫得廩餼余假得二百餘金助成之時余將入都尚不得裘也丁亥君病瘵且死以八

--**金授余日與二兄同居資屋値三年綜八十金令罄吾所有償居停矣余泫然問後事不答** 

明日逝夫人潘氏將縊以殉君余破犀進奪其繩曰先生卽不祿固有紓在也夫人哭曰夫子

**雅隆時亦巨後事付之畏廬矣余大哭視君殓後弓其孤元龍歸衣食而動誨之凡十二年且** 爲籌得四百金權子母以供夫人君沒之三年余爲嫁其女元龍長更爲之娶婦已而元龍領

鄉薦以詩鳴於時然余去家二十年矣

籽曰光緒已丑余公車北上元龍仍居余家食時恆擲肉以飼狗余子珪止之元龍不悅怫然

**珪同宿至夜午余哭失聲珪驚問狀余曰我夢王先生言爾凌其孤將甘心於爾珪泣** 將歸余妻笞珪而留元龍余歸聞狀計此二雛不協元龍不能終居吾家也乃預留香於几與 而 自 明

余日但注香告先生後不復爾則無事矣其果蒸習長點自憐而元龍盜竟其業以去嗚 之難如是微先生之知己吾乃行許於骨內耶 呼撫

#### 丁鳳翔 伴

孤

丁君鳳翔字和軒閩之溫陵人也任俠尚義遺產萬金則盡蕩之壯年暗阿美客日靡數金

誦爲近體詩骨力堅蒼顧貧不自給則爲人署狀伸殢理枉所得多近於義然時時勸人以息 日忽大悟盡斧其吸器病臥三日以齒鮫布衾都 碎已而强起就飲食遂不復吸貳 杜討皆成

きく言語にいば見

1

訟求者遂不復蒞其門忍飢偃臥吟聲達於戶外於朋友中獨喜余余資氣不見直於衆因之

絡诼紛集君起與抗辯至握拳抵几幾於用武余轉以語獻止之方余喪妻及其仲子君日再

三至慰撫之詞錐骨內不能擊也性嗜山水母出必與余偕坐松陰談當世事者同中肯奏論

史能發古人所未發之祕已亥余客杭州君送之江滸堅囑苟得詩必以萬之母导示書必徧

示其所知辛亥國變君寓書於余日世變決不止比吾日求死不得矣丁巳正月君以絕命詩

寓余言将赴湖南自沈於相江余力止之顧死志已央越三月慶起挈壺酉重興至共山橋飲

於江上小亭酣置杯徐步入水衆趨較已不及明日尸俘於馬江面如生改人子陳贊文取而

葬之年七十有三枕底得別余書詞致凄惋以幼孫見託且誓言冥報嗚呼貧交盡矣既爲文

祭之餘哀莫抒乃並爲之傳

**舒日前十六年四月余獨坐寓棄心忽忽如有折動似君死耗至者乃萬二十金與君至時君** 

果咱發於齊復間且殆得金乃不窘於醫藥疾問以審抵余疑有先知余復萬三十金也人後 · 支子之自是以來印目不唇臣也表及百臣文六十金貞十三年矣君上日軍長及司余必

之如拱璧嗚呼貧賤之交能以死力衛我者舍君無第二人不屬以孤憤之故追蹤屈平竟使 焦以詩中有醉臥江霞語時君果午睡得余詩及金復大驚以篇怪看是法至劣書每至余鹭

#### 宋牧九先生家傳 余增 無窮之悲也

君諱運貢字牧九號幼邨一號金吾姓宋氏鄭州人也父伯晉公本生父昂千公有擊行 崇尚

道 學工詩能文有集行世士林稱曰杏邨先生祖健亭本生祖冠生有忌德爲西亭子以忠義

老芽旌于朝者君生而瓌潤端審七歲諸經皆成誦癸酉科試第一補博士弟子員爲學為勵

兼及岐黃之術光緒丁丑中州大蔣後苦疫然乞治于君者局待愈君沈影而志甲世淹貫通

書加之丹 為文汴中老宿咸莫之遠乙酉以坊萃入都考取八旗官學教習則是居則盡取先代藏 。鈴復廣搜遺帙而手錄之學乃益博戊子以州判謁選入都充正白旗官學教習宛

瞻卯

平陸文烈公管學善其導誘考績連最以知縣分甘肅公昕 夕讀律貫徹律意羅山丁公試以

判決事平疑獄數十丁公乃大駁服丙申與鞏昌採運振 糧事 奔迁屈 # 中 而荒村、稻園

皮對形式 冹 大旱君任平糶事 ル君雖 露宿 憫 君劬 無憚卒得米數十萬石 規以少息君日吾不懈此一日而小民卽獲此一日之溫能識 飢民賴以存活主者偉其能塗屬以源源倉糧局 者适之明 君 夙

逞而縣中俊秀者又咸令萨學于是鎭原大治茹水者漢王苻故 **弭之也王寅補鎭** 数 漏 且及民則招致教士禮待之官齋中他邑恆以教案受平鐫而 原縣上德通理以仁明化其下民爭以慈父视令君矣桀黠者戢 **霑濱者衆已亥攝寧朔縣事而團禍作于庚子君**防 尼在意 等. 用条西! 水去 獨 乙實君先 城遠 **媽及于寧朔戕** 然伙 足莫敢自 事 秋汎 有以

掌校之費蓋君爲政因利乘便以不苦民幻 **植埋廢亂那中** 游微其能 近飛行絕迹有司苦于掩捕 上烈魔 妙思志原行 水河逐南徙 君 亷 知其悍然生平精技 力思治剽虜財 得 - 腴田 |數百: 畝 (撃計劇) 黄胸拉 《收其款》 災 充 おし

**凝積漸逼城君集民夫萬餘人躬自董之以堅隄捍** 

亦奠能近縣官恆思以計 取 之縣 西 有 鎭 <del>日新城</del>與 日 原接壤或窟于此殺人越貨靡所 不 爲

賊當

日挾其徒黨入城偽

引驟若求害于方

者縣

人問識其爲黃滿拉也然夙已見痛于巡防

垂

得而逆則 及野子は行っ、県口 差上沒面主方不中謂其役可以明日預告不助度在其市思

釋卷 能東趣入川而又阻江途陷武部洮岷諸縣而狄為隴門戶昌誓具城存亡已而官軍先 秦隴 骡面 和則進抱其腰膂和之徒日李鐵牛力尤偉君令下引賊足俾莫得騰踔而升星閉倉元延设 誘之入署勿動聲色王明范丑及庖丁李太和肯忱健多力君令丑湯上醫或目明趣而 暴 謹 言倡者齒吾劍衆爲色沮已而張勳伯督軍上君功得六等文虎章君官甘肅垂三十年 **霄**咸少年英偉君命與謝某袖 君竭力供芻秣餉糈而城亦得完方事急時城人議以城降賊君心己縣官知死節耳敢以異 得則空縣送之癸丑 **省數手** 慈惠仁其父老子弟每受代民恆呼號感涕不 一縣官蓋知縣中人莫己敵者伏發果就擒兵民神君所爲莫之則矣死受代萬衆籲留莫 連 一釋聲經及歷代典章制 陷寧遠伏羌天水泰安諸縣賊氛近狄道召部署民兵将與賊搏時賊爲官軍所 勿動 生平學問宗五子近思錄呂新吾呻 日でする一二二三三 任狄道是冬會匪絕洮水撲城得心雪怪陣澤却之明下夏五月白浪絕 一短棒棒賊股復遣兩從子伏捕其黨之入援皆明日黃脩然引 度下及桐 城陽湖諸家之文曆不悉心 聴行 吟語陳文恭 君之吏迹未嘗爲鈎 五種遺規雖 研窮生平著述已刋 摭 一一一一一 糾 剮 之行 中 - 仍手 发至 以 阨不 而 者 亦 廉

457

臨涇集 卷隴石集 一卷未刋者問 山樓文集二十卷開山樓詩集二十卷件槐軒日記若干

卷諫草二卷瑣記二卷京寓隨筆二卷筆記十卷自訂年譜一卷家書二十卷勗兒瑣語 卷

判牘書札若干卷嗚呼博矣子三庚蔭譯學館畢業舉人法部主事司法部簽事大理院書記

官庚倉肄業京 師俄文專修館庚原肄業宛平高等小學校君以丙辰八月卒毒六十有二歲

今未嘗釋手其教長于珪則以文恭手札自謂 林紓日呂新吾之學本閱歷陳文恭之學尚實際其源似出于橫渠紓年二十始讀呂子書至 得不傳之祕 而君乃先我好之嗚呼宜其爲 循

更為文人爲孝子悌弟道皆本之兩先生也今者天地閉賢人隱而 君巋 然為世君子而 又凋

謝既以文傳君蓋悲不自勝矣

陳墨莊先生傳

君諱 法書 |姓陳氏墨莊其字也直隸之天津人父薪樵公鄕之長者以淹和方重聞於時然貧

時俗屈此克家兒也時薪樵公客 甚君 少而 潁 異有志智衆未八分而 цi 州遇 族叫御史公秋帆先生獨偉視之以爲氣骨軒岸必不 亂 iii| 揺 H 里門泣而 語君曰余蒙疾而客又遇默幾 魚

J

冠耳顧家日益窘君未嘗一日自貶其風槪覥顏求賞於人時君已變業習賈月有所入配周 瀕於險今家居更無以脫貧薄爾將奈何君曰凡百有兒在翁弟自漸攝毋憂漢時君年纔逾

夫人以 貸無以償使 一指佐之薪樵公菽水之供得無闕而君終始未嘗賞也嘗曰天下惟計償者始能貸 B 叫囂於吾門此轉貽吾親之憂不 如毋貸專以寧吾親也人多建之以爲名言

事而用 君既以勤慎治所業境亦日裕躬任二喪皆如禮且厚君既起家貧困中稔生人艱難愴楚之 心愈歸於仁恕有劉姓者窮餒不可自哪且貧黃不堪追逋之澤將圖死公憫之爲償

於天性 其貴 不受勞鳴 而配周夫人尤能佐其艱鉅曲成其所志子寶泉以博士弟子員在日本學習師範科 一呼君惟不輕求貸於人而貸人者轉寬假而不求償不其仁且恕耶君孝友出

之以示其子孫使有以選率先代之遺規因以傳屬余嗚呼世 任北京高等師 範學校校長 事 君以 孝聞君卒時年五十有二旣葬瓊泉哀其父之志事 變既屹表彰隱德吾雖不文敢 欲傳

逃責哉君以光緒戊子四月十九日卒與配周夫人合葬於霍家窪 林紓日天下 惟極貧始見節概君以衰親待養而年又甫冠親族既遠之而不相饷蕭然孤立

モン当品にことう

非有主於中者其屈節易也公獨軒岸自立忍貧以圖養而卒酬其志天之厚相孝子此 其驗

也鳴 呼紓亦窶人耳固深知貸之不可輕也幸步先生之後塵未嘗少貶其節以至於老暮旣

為 先生傳 頗用 是 以 自 慰 也

昭武上將軍姜公家傳

公諱桂題字翰卿姓姜氏皖之毫縣人也毫距城東南十二里日姜家屯者姜氏之所族居也

奇之待之異于常童咸豐季年赭寇窟吳中皖北被兵而姜家屯當敵衝 僧忠親 王悉師 南

公生而魁偉沈毅能處衆鄕里小兒咸懾其儀表雖嬉戲事咸擁戴

而承望其風旨贈公永茂

王鳶肩公色權奇自憲時公年二十餘合里中壯士百餘衆迎王師王奇其狀貌授以 紅. 衣除

弗

<del>陀</del>翦撲稱爲猛敵王下教所部能剋黃雙寨者膺上賞公應教且行王將選鋒公日得百 人足

矣乃果以百人行抵近村夜驚村犬使羣吠以疑賊百人者狙草間勿動賊偵訛莫得備懈公 悉衆超濠登陴販不及甲相驚以王師乃大潰王錄功予以五百騎逐 躋 偏神從征 張洛行

-

一、入潼關文襄率湘楚精銳討賊公仍以毅軍從征 書諫 洛行 **小聽行檄統南陽** 情也是役保提督換淸字巴圖魯勇號光緒紀元 登城下創劇以刀劙患處者三彈終不出創口平然天陰雨溼患處輒作隱痛至老猶然么弗 FI 也 乃以毅軍追 命公以所部 既死衆無所屬推 進曰洪秀全憚洛行 逐進 自此 梟賊 之弗省國瑞果及禍一 就李李動乃大置 始 也所部以五色旗標其衆張製黃色大纛高丈許衆十餘萬往來割疾王莫能 也 積 五百 襲張總愚轉戰皖豫直魯間所嚮克捷六年捻平復隨忠勤四 功保總兵加長勇巴圖 練軍馬 人屬陳國瑞國瑞不知書激訐烑固 洛行族子總愚軍中號爲 **虓闞假以王號** 隊擒 酒 時咸多公之先見四年改隸郭寶昌軍宋忠勤聞其勇招隸麾下 張 樂延 劇 、賊王豹虎子公生不要撫士卒勞則先之食則居後當進 張洛 此難以 魯見號時 行 至酒 小閆王者也然頗憚公威棱無敢接同 力取賊姻李世英者爲某舊識餂之以利賊 數行 秦隴 攻肅 陜四 内回 底定 州 好嫚罵所部切齒稍稍引去公瀕行 伏發洛行父子皆就縛斬 飛彈貫右股公裹創力戰犯矢石 短好夕回 公省母于皖中道河 朝 征公之立 命左文襄 南豫 之以 治三年 な拡李公 么. 功桑 狥 制公 洛 可 以 Ė 區 先 匐 隴 行

子の語言、言

過娘子關時舉軍竟日不食左右得乾糗以進公却之曰舉軍皆飢吾何爲獨飽然捻前寬 不

此歸之光緒三年公仍統南陽練軍歲乃大無積八月軍不得餉時公立壁處與亳密邇乃飛 可得路乃反攻公大呼陷陣飢卒皆會捻大創而逃旣得市鎮公始釋甲與士卒同飯 公士益以

勤合軍尋接統銘軍以餉絀遣散二十二年應袁項城之招入新建陸軍統左翼世所稱 **警告其舍人由亳中輦粟以濟軍軍** 得不 飢光緒九年旅順爲敵有公以衞隊潰圍出 奥 北洋 宋忠

五大軍此其一也歷屯泰安青州潍縣百姓便之庚子之變賊氛瀰漫京畿公以精卒入衞賊

既西狩全權大臣調赴北京公外和客兵內清積匪中外稱但以收京功加太子少保銜紫禁 圍呂道生于博野公喟曰此非所謂義民賊耳遣騎論之不可遂縱兵搏擊博野圍解 兩宮

城及西苑門騎馬賞穿黃馬褂三十二年加尚書銜三十三年拜會辦江防事宜之命開府江

寧之浦 白狼之兵于陝豫間卒平大亂拜熟河部統蒙邊以靖先後授陸軍上將昭武上將軍管 口鎮三十四年調任直隸提督兼統武衞左軍即宋忠勤舊部也 皇帝既讓政 理將

軍府事授勳二位晉勳一位歷授二等白鷹章一等文虎章一等大綬寶光嘉禾章九獅軍刀

將風不事雕飾既解兵柄艱于歲入然猶力籌四萬金賑亳州水患年七十有九以辛酉夏曆 未當把卷咿唔然在通州熱河曾設立隨營學堂以爲行師者必須識字蓋公之行事有古名 公誠樸出于天性不爲奇節畸行然行軍之智勇動與古合證以西人吳法亦往往奇中生平

十二月十九日薨一時鉅公爲之銘誌公子某獨以家傳屬之于余

林紆日文士不爲達官立傳以非史職也然爲家傳用待史家之采則古作者亦間有之余恆 從城南遊藝園中遙面將軍白髯偉貌危坐觀劇至漏三下堅挺無動精神蓋天授也尉遲老

**計寄託絲竹蓋有牙孽之人使公失倚離權者然公終以元勳宿老終其天年于公又奚憾焉** 

### 吳星亭將軍傳

將軍姓吳氏名祥達是亭其字也為浙江淳安縣人父若傳公生二子長起達公序次尽豐時

赭寇犯浙城陷公從父兄走匿山中已聞賊退若傳公出偵賊蹤乃不知賊中詭爲是言以詗

**濯葬途與兄起達分析流轉至浙中應募隸劉松山部下大小數百取積功補遊擊加** 難 人也若傳公既爲賊得索賄莫遂死于野次公心動兄弟蒙險近賊所得尸而哭昇至而坐

までを装っている

二 十 二

西域底定公得假歸里遇兄起達于田次方伸鋤而芸則抱提大哭傾棄貨馬得百餘金爲兄

置室留數日過吳氏宗祠上雨旁風圯於兵後公具牲醴再拜而泣曰裔孫幸不死于 锋鏡

決 修 此 祠 時 爲 甲 申 法人敗盟公改隸 張蘭陔軍門麾下血戟被創且殆 || 青樂弗 死 事 平置

字左營阨守虎門和議旣成遂以軍駐惠州庚子州之劇盜曹伏構亂者號萬人提督鄧萬林 功弗錄公夷然無 動軍門異之中日構 **緊**復檄公過嶺時 軍門方任粤東 陸路提督命公以哲

陷陣奪其纛而舞呼曰賊旗靡矣兵士遂大鏖撲呼聲動天賊衆盡靡捷聞惠人空巷出迓鄧 恇怯駭爲猛敵至無敢發其戍邏之卒嚴符趣公勦定公卷甲馳至黃沙洋賊衆四合公怒馬

頗快快抑其勳効弗錄惠人大譁鄧不得已上其功保副將請 **書模具疏** 力請 得 旨俞允賞加精勇巴圖魯勇號移統潮州信字三營平賊于興寧州 加勇號 廷議 斥駁已而 得 陱 呆 尙

記名總兵癸卯岑西林督粤盜復張于惠州 西林奏革陸提督程尤和以公代領其 衆 未等年

獲劇賊陳馮王海徐大王志戴梅香皆猾豎也西林上公功奉 陽鎮總兵潮 州鎮總兵南韶連鎮總兵豐潤是公人駿郎印學等民打作用馬州技権丁表缺 旨補授高州鎮總兵歷署高 日文質显二二世紀

林紓曰余於啓泰公子非有素也遠道貽書來請余文夫以公之出鉞凝或量奏功捷國史寧

患無名顧必資寒素之一言述其將安用然所感動余懷者實惟將軍之孝方其冒狂刃 而求

父尸固已置死生于度外故能死孝之士亦萬萬決其必能死敵將軍之所向克捷即本其當

日求尸之勇槪因而成功經所謂戰陣無勇非孝也將軍其有感于斯言而遂立其武節歟

許節母張夫人傳

杭州許生以栗孤狷拔俗人也能文習北魏書善爲擘窠大字己未秋來從余講左史南華及

爲緩小跋生乃更出夫人臨命時遺詩並夫人事略求傳於余余曰吾文猶引重之馬所載以

漢魏唐宋之文禮余甚恭一日出其母夫人花卉實册幽妍流媚似惲冰其家法仍南田也余

行遠者必忠孝節烈之人今母節如是則載以行遠吾職也夫人氏張諱崇蕙字佩芬號芝蘭

黨能詩善畫既歸許君滄江生二子二女長即以栗許爲衣冠右族顧乃赤貧許君以鹺尹需 室主安徽之歙縣人父雲陔及諸兄皆頂淸望爲歙聞家夫人生有至性以孝行稱於宗族鄉

**次淮左月俸僅數十金夫人奉姑教子家政井井一本勤約間及岐黃之術鹺尹君虛劣善病** 

夫人恆為處方然終沈察不起卒時年甫三十有二夫人旣孀然羣從仍推主家政产 資因之

飽故累及外家且貧醫吾分醫暨可以自活吾不忍爲口腹計舍羣從而自私也栗方四歲夫 m 盡兄小雲 勸 歸 母家夫人日衰姑安可離 也孀 而 鞠孤吾正欲其 (飽) 
起製 難寧忍以諸 兒溫

弟以松同入邑庠顧科舉廢夫人乃遣二子入新學校奉其姑太夫 人即授以毛詩枕 上喃喃課其背誦七歲通四聲十二能成尺牘十八歲七經咸成誦十九 人隨其叔氏 ( ) 趣安徽 水豐 與

Ł 族 延聘 爲 女校實師 冀以寬其悼女之戚夫人以 衰姑 在 養不 忍遽 出 謝卻之時 以栗方

任丁未永豐大疫太夫人及其次女和咸病夫人日夕侍老姑疾姑

愈而和殤夫人大戚時

滬

矯不亂蓋其神志定也復爲生輓一聯口授遺囑十餘事令長女幼芬筆記之皆敦勉以栗兄 就幕濟寧夫人竟嬰疾不起彌留手書一 詩寓其兄小雲有臨 危無別語乞憐埋枯骨字艷潤

弟以立身行己之要殁時年 四十 有四有芝蘭室詩稿 一卷遺畫多流散大江 南 北以栗所藏

詠 者多多 都 遍 以 然 **泛夏劍丞** 栗為京兆尹 者江 右 秘 書 詩 人也禮 娶孟 氏生子道通以松供職湖 重夫 人清節 奉所藏畫册十二幀歸 北財政廳娶魯氏生子道融 之以栗 時 名流題 女以

# 鸞適四川張氏孀矣

**林**紓日吾 友袁丑 生太 、史祖母左太夫人以花许翎毛名天下就养闺中閩人得左夫人養實

節於畫幀中矣正石谷斥南田以好爲花卉故山水中用筆微患柔脆然則花卉之筆固宜 之如拱壁其貴重幾過南樓老人今長夫人畫名如之具惲冰之神韻柔脆中見氣幹蓋寓 柔 風

## 会好打妄語也

脆而夫人風節竟流露於柔脆之間何

也問氣所運唯神會者始能測微世之有識者當不以

**南昌楊君若臣家傳** 

君諱念惕字和盛姓楊氏若臣其號也宋楊誠齋先生爲君族祖君紹其學故以文噪江右生

卢 時父感異夢故君少卽穎異慧倍常童治經兼訓詁義理未嘗區漢畛宋爲門戶之見再中 い得意抑抑為 幕 遊願 任俠尚義辛丑王寅間江右大水被災者多君族戚君出二千餘緡 副

貸之度及期莫償 修學舍材木露積 則召集諸 **頁**責者還其券而義聲被南昌矣生平大度不 盗取 其 - 矛噴逐之盗匿其材覆以茅菅衆御得其處爭想之 欲翹 人之過 資監

爲 京法政學堂畢業生孫十人曾孫一女三孫女二曾孫女 昌侵壤生北京大學畢業師範科舉人文官考試優等入選分發內務部 先烈則感憶之念當立平盜聞之泣而改行君雖未仕然有益于鄰里鄉黨者恆宿爲之備 林紓日余主大學講席九年辛亥之亂遷居天津始輟講而楊生緒昌卽奉君行述求傳於余 赴粤上游禮重明年已酉途嬰疾不起卒時年五十有九平日恆感噩夢君力闢因想之說以 近村塘渠中立石衡水水縮則別取塘水益之里中偶有火警水立具迨君逝後庚戌大火熱 根同也吾德不足以感而版之又莫能逮再聲以盜之名則是人終身廢斥汝曹第忍之念及 文有旁搜遠紹 而羣盗跧伏無敢逞者其應諸大吏之聘校閱試卷所獎拔多通才戊申母太夫人服闋就職 九十餘家衆 君君曰一木之值其力可舉也未必取諸吾債衆頗弗平君曰絕盛之木寧無枯枝然枝枯而 **無機卒時** 神 争日果副榜公在吾輩拒無立維之地 明不衰若至化焉生平著述有蠡海園詩文集若干卷學海珠船 二集中西學源一貫格言貫珠宦海遊民潷賸章江老民雜俎等編子二長緒 有哭失聲者君居鄉 里間 學習次緒蕃附生北 大府檄辞保印 一卷選輯 於

日で発展していま

一十元

生專累人十年未之應也嗚呼世變日急求如緒長之集尚古學且不可得矧君兼漢宋之經

學而發爲文章又豈時彥所能夢見後此茫茫古學之廢墜在吾意中傳成而先正 典型之思

王烈婦傳

日

往

來于吾胸

中不

能自已矣

婦氏劉名瑞卿適閩縣王生銳銳曾執業於余門為法國屈樂堡大學電科畢業生歸朝為

軍部科長其父若叔皆余執友也烈婦年二十二適王氏凡七年生女文錚男文修文鑑文

誠銳既宦立所入亦徼豐顧不謹於疾痁發寒熱數作而讇囈就醫天津法醫院 搔 廢寢食者二十餘日而銳卒不起於是烈婦死志決家人察其聲色潛備之再服聲 烈婦 成 扶提抑 見

得 不 死乃自 絕飲食强以 稀配 一神形昏滓氣息僅屬嗣父冕軒中將自滬上至京師省之以

烈婦乃乘人無備服 Lysol 藥水繼以白蘭地

酒酮雞

銳死京師趣之南下無觸或殺其悲

猝死人者力能腐腸胃烈婦以爲 無驗則引繩繆首以左端維牀柱右手力引之氣逆而 艦

人聞聲奔敦既而能辨 人也 一然脣吻被藥而焦裂中將飛函趣數醫至咸曰胃爛矣獨 許 君

答大學堂校長蔡鶴卿太史書 古來節母恆 我个子子 林紓日烈婦死事之烈古亦有之余份爲烈婦慰者慰其有子文修耳文修年五歲 遺譜以不及終事其姑爲憾劃其餘積供甘旨餘則畀其子女爲教養之費享年二十有 死哉又曩英語謂身造帝居以速死爲幸途漸惛固中夜類索架裝吐呭皆血夜越日死 芳者中將故交也鍼之數次濟以滌順操毒之藥微蘇顧家人曰我心煩懣頭岑岑也趣以 父死母隨外大父南下文修獨坐廊 何恃 一有佳兒烈婦之孝烈文修後日之有成余拭目俟之矣 者烈婦侍見某泣而撫之文修曰母 隅泪眼 向 日而悲謂父不我留而 存 丽 妹 汝 我今姨汝 矣唯汝言是聽鳴 阿 母又 两 吐 行 誰 踢 自草 八歲 顧 如 成 DP 鎗 我

謹誤跋 以遺民 身斧鉞其不死幸也我公崇尚 尾 劉應秋先生遺著囑 歸 之鳴 呼明室敦 爲題 氣節 新學乃亦垂念逋播之臣足見名教之孤懸不絕如鏤實望我

故

山嶼

時 殉

烈者衆而夏峯棃洲亭林楊園二曲諸

老均

脫

詞

書未

が梓行

無從拜讀能否乞趙

君作

短簡

事略

見示

當

飷

卿

先生太史足下與公別十餘年壬子始一

把晤匆匆八年未通音問至以爲歉屬辱賜

書

長道二二長

公爲之保 全而 護 情之至慰雖然尤 有望於公者大學爲 全國師表五 常之所係 國丘者外 間

之道必度人所能行補偏之言必使人以可信若盡反常軌侈爲不經之談則毒粥旣 謠詠 紛集我公必有 所聞即弟亦不 無疑信或且有惡乎關 茸之徒因 生過激 之論 不 陳雱有 知 救 ##

爛腸之鼠明燎宵舉下有聚死之蟲何者趨甘就熱不 中其度則未有不斃者方令人心 喪敝

已在 附和之者 無 n 救挽之時更侈奇創之談用以譁衆少年多半失學利其 中國 之命 女门 屬 絲 矣昉 清之末造慨世之論者恆日去科奉停資格 便己未有不糜沸 一廢八 股 麕 彰脉 至 而

īm

**犀復天足逐滿人撰專制** 整軍 備則 中國必强今百凡皆遂矣强又安在於是更進 解 必 覆

孔孟剷倫常爲快嗚呼因童子之嬴困不求良醫乃追責其二新之有憑療逐之而舊子可

日就 肥澤有是理耶外國不 知孔孟然崇仁仗義矢信倘智守禮五常之道未嘗悖 世而 又 浩

違忤 之以勇弟不 五常之語何 解西 文積 時賢乃有 十九年之筆述成譯著一 此 版親 **孇倫之論比** 百三十三種都 其得諸 四 人乎抑別 一千二百萬言寶 有所 授 圳 Ü 公心 未見中 7 漢

族當 在杭 州 持 閍 褟 避 禍 與 夫 同 茹辛 苦 而 宗旨不變勇 士也方公行 時 弟 與 陳 叔 通 恢惜

THE PER

公行未及一送申伍異趣各衷其是今公爲民國宣力弟仍淸室舉人交情固在不 能視若冰

七十富貴功名前三十年視若棄灰今篤老尚抱守殘缺至死不易其操前年梁任公倡馬班 炭故辱公寓 書殷殷于 劉先生之序跋實隱示 明清標季各有遺民 (其志均) 不可 奪 也弟 牟 垂

革命之說弟聞之失笑任公非劣何爲作此媚世之言馬班之書讀者幾人殆不革而自革 何

勞任公費此神力若云死文字有礙 斥希臘臘 丁羅馬之文爲死物 而至今仍存者迭更雖躬負盛名問不能用私 生學術則科學不用古文古文亦無礙科學英之迭更累 心以 衊古矧吾

齊 國 人尙 生於 一个日 有何人如迭更者耶須知天下之理不能 锏 萬無濟變之方孔子爲聖之時時 就便 乎井 田封 (而奪常· 建則孔子必能 亦不能 取 快 使 而滋弊使伯 并田 封建 夷叔 無

也衞靈問陣孔子行陳恆弑君孔子討用兵與不用兵亦正決之以時耳今必日天下之弱

乎潛艇飛機則孔子必能使潛艇飛機不妄殺人所以名爲時中之聖時者與時不

悖

流弊時

之祖 Ā 子然則天下之强宜莫强 其文治武 功科學商務下及工 於威廉以 | 藝無 柏靈 一不冠歐洲胡爲 隅抵抗 全球皆敗 循版 爲荷 衄 無措 蘭之寓公若云成 直可為 萬 世英 敗 雄

一日文章是二二年

ニトに

推孔子所謂 不可以論英雄則又何能以積弱歸罪孔子彼莊周之書最擯孔子者也然人間世一篇 人間 一世者不能離人而立之謂其託顏回託葉公子高之問難孔子指陳以接人 又盛

處衆之道 | 則莊周亦未嘗不近人情而忤孔子乃世士不能博辯爲于載以上之莊周竟 咆勃

爲千載以下之桓 魋一何其可笑也且天下唯 有真學術 真道德始足獨樹一幟使 人景從若

無文法之啁啾據此則凡京津之稗販均可用爲教授矣若云水滸紅樓皆白話之聖並足爲 **鐵廢古書行用土語爲文字則都下引車賣漿之徒所操之語按之皆有文法不類閩廣人爲** 

書之人總之非讀破萬卷不能爲古文亦並不能爲白話若化古子之言爲白話演說亦未嘗 教科之書不知水滸中辭吻多采岳珂之金陀萃篇紅樓亦不止爲一人手筆作者均 博極

不是按說 文演 長流也亦有延之廣之義法當以短演長不能以古子之長演爲白話 之短且

文矣矧于古子之外尚以說文講授說文之學非俗書也當參以古籍證以鐘鼎之文試思用 使人讀古子 者須讀 其原 書耶抑憑講師之一二語卽算爲古子若讀原書則 又不能 全廢古

**籀篆可化爲白話耶果以篆籀之文雜之白話之中是引漢唐之環燕與村婦談心陳商周之** 

與唐蔚芝侍 示覆唯靜盼好音爲國民端其趣向故人老悖甚有幸焉愚直之言萬死萬死 局使民生有所蘇息乃以清風亮節之躬而使議者紛集甚爲我公惜之此書上後可以不必 天下溺矣藩鎮之禍運在眉睫而又成爲南北美之爭我公爲南士所推宜痛哭流涕助成和 罕默德左執 林表率須圓通廣大據中而立方能率由無弊若憑位分勢力而施趨怪走奇之教育則惟穆 尊嚴嵩為忠臣今試問二李之名學生能舉之否同爲埃滅何苦增茲口舌可悲也大凡爲士 爲聖王卓文君爲名媛此亦拾李卓吾之餘唾卓吾有禽獸行故發是言李穆堂又拾其餘唾 擬不于倫斥袁枚爲狂謬不圖竟有用爲講學者人頭畜鳴辯不屑辯置之可也彼又云武曌 言仍令我爲鴃舌之閩語可乎蓋存國粹而授說文可也以說文爲客以白話爲主不可也乃 近來尤有所謂新道德者斥父母爲自感情慾于已無恩此語會一見之隨園文中僕方以爲 俎豆爲野老聚飲類乎不類弟聞人也南蠻鴃舌亦靡習中原之語言脫授我者以中原之語 順書 万 而右傳教始可如其願望今全國父老以子弟託公願公留意以守常爲是況

三人 新五二二十三

蔚芝侍郎同年足下汪頌閣書來寓公所著汪穰卿家傳粹美純懿作家之筆 也中謂吾清之

灌枝葉亡之病 亡亡於廢經悲哉言乎廢經固足亡清病 坐此耳胡羅曾左彭李諸公手握兵柄分據要害未有一人敢蓄不臣之心如 在執政之親貴少年狂謬剽竊西人皮毛鋤本 根 im

唐之藩鎮者正以人人皆通經耳樞近大臣如忠親王文文忠寶文靖倭文端亦洞明經意所

以上下無忤克成中興之治乃近人謂聖言幽遠不切於用至中學以下廢斥論語童子入手

家訓反父母愛勞之心爲寃抑一觸之如枯菅之熾烈餘光熊熊矣嗚呼易書詩禮及春秋之 但以家常行習之語導之已不審倫常爲何物一遇暴烈之徒啓以家庭革命之說童子苦於

有於國家 言童子 ·固不易知論語一 其 仍託國家爲言者逐時趨而侔己利耳且天下未有不得良師傅而 書無所不 包可以由淺幾深何亦廢之始基已不以父母爲然又何 可幾於道 者

今之忝爲人師 恆曲狗其弟子之意謂少匡掖之即拂其自由日爲詭御自周其立足之地此

喂鷹飼虎之厮僕寧人師哉師弟之倫旣悖故公之校生至敢以報章醜詆此意中事耳公唯 不爲喂鷹飼虎之役稍匡以正而所報已如此寧足怪乎嗚呼師道不立天下決無正人孔子

「乙を聞こし言う

黠者慫恿學生旣不承 教習之爲 其師 則态所欲爲教習亦但能退聽尙得自保否則噪逐 乏

而已晋斥之而已其去古所謂師嚴道尊道尊然後民知敬學遠矣雖 一然年 少氣盛之人苟無

人以慫恿之患亦弗烈一遇醜言怪節之士坐擁皐比詭御之計旣生養癰 家庭革命之舉近者尤有關孝之文討父之會吾至於掩耳不忍更聞闢孝之文如何着筆吾

之禍始烈因之有

曾

子大杖不逃孔子斥爲不孝孟子曰父子之間不責善道咸之問先輩之訓子也如斥奴隸 不之知至於討父尤極離奇雖然此事誰資不仍責在教習乎古之善於教孝者無過孔孟 至

有拳擊足蹴之事皆孔孟之所 用許觀孔子之教子也極寬詩禮之外一不苛繩孟子之子木

然無聞公孫丑問君子之不教子此君子卽指孟子之身孟子以不責善了 之則 萬無斥奴隸

之不 伸拳足之舉動世果如孔孟之教孝何必闢父亦何必討一自學堂廢經小學先斥論語學生 率者以爲嚴父無思視已且同仇敵積憤無憋一遇提倡討父之議則譁然以爲當理 m

孔孟處家庭及善全骨肉之道一 無所聞宜其囂然動也嗚呼孝果可闢卽先導其子以不 孝

父果可討是先種已身以罪根其人果不生子則已生子卽所以樹敵而崇仇異日一一 反諸

**滇中去都萬里而拳拳於一** 答徐敏書 其身 人然卽古人之言中乎道者因而推闡之則翘然出新意矣且古人行文之所必至者由之旣 之變化離合一一解其用心之所在至於行文必自協己意不依倚其門戶雖 以自立其幹然後泛濫載籍析徵去垢凡己意所不能定者則歸證之左史韓歐然後漸漸知 其身勿務苦慮勿覬速成知古人之從容遊行發言能皆中於理非況浸於經鑒別乎子則 其義法矣然非悉心尋究亦無以遽洞其微道在證時神與古會作時心與古離神會則古人 知之深而 徐君足下得賜書久所以未及奉答者以來書推崇過當讀之顏汗既念足下有嚮道之心且 類而竟不爾吾不知其何心也然則吾所謂責在教習者然歟否歟幸吾賢亮察 有子姓乃不用哀痛之言以啓道之一防罷席而苦馁袖手聽其所爲苟知廉 則直欲揮無淚矣嗚呼學生無識不足言也彼身爲教習多半年過三十以外度其人必 : 嗜之篤矣古文一道非所以炫俗而高世者也在嗜古者審其言之近道用以自淑 及复盟二二起 **曳之言至以十年功力誦讀而研窮之取道雖歧然於僕則** 恥亦當泚諸 不能力追乎古 可云 其 無

熟亦可自闢其塗軌不必跬步追逐韓之學盂無一似盂歐之學韓無一似韓卽會其神而 離

其迹荆公之進退蓄洩匪處不韓轉似既學韓矣則舍王不學亦可以王之艫冶固出自韓 氏

也僕四十五以內匪書不觀已而八年讀漢書八年讀史記近年則專讀左氏傳及莊子 化取 也其 至於韓柳歐三氏之文楮葉汗漬近四十年矣此外則詩禮一 一經及程朱二氏 之書 非凯 非和

篤嗜如 《飫粱肉他書一無所嗜來書論文取徑甚正文二篇骨力雖未道上然端直不 荷 可 奥

進道都下方苦兵川滇亦未靖暑中奉覆幸恕遲遲

## 答甘大文書

得書媿汗無似蜀中近數年來屢有致書稱道僕之所爲文知拙集頗流行於蜀中自疑或以

蜀方苦兵堯生傫然居榮縣適當兵衝想足下當能知其行踪今日適在何處堯生文高厲迥 此誤 人恆置 |其書弗答今得足下書已自蜀抵京且因趙堯生而求介於僕堯生君子人也全

卓似龔定庵而來書所舉之二姚及通伯又皆僕道義之友通伯謙德無尙每得一篇必走而

就商 於僕僕但有快讀不能於通伯有所益也來書列僕於四先生之中而推獎尤力謂足下

其以派名之實不知文卽其自命爲桐城者而亦不謂之擅於文也僕治韓文四十年其始得 之知文章寶僕有以啓之僕果足以啓足下耶古文之衰久矣然衰而弗歇者以每代必有 季一經易姓即不堪問南 尤無敢妄希爲惜抱冀流衍其傳今足下果欲就僕商量者可 **週矣由韓之道而推及左莊史漢靡有不得其奧顧以才力荏穉** 抱文字之所從出 始立古文之道轉從而衰亡友吳擊甫爲桐城適傳僕數造其廬則案上陳韓文一卷韓 太保鈞座紓竊覽列史有化家爲國者無所謂化國爲家三國入晉其君尚可自全至六朝五 Ŀ 仁行唐處之事人民咸戴故 二人提倡之惜抱之後傳衍尤盛遂爾成派古文固無所謂派襲其師說用以求炫於世門戶 陳太 名篇書而黏諸案冪之日必啓讀讀後復冪積數月始易一篇四十年中韓之全集凡十數 (保書 也摯甫桐城人又桐城之適傳胡以舍惜抱而趣 まで 管理一十一 ここ 北兩齊親支都盡實無餘地以處寓公我 七願無驚 m 諸陵報饗如故且籌 來相見 知韓而不 韓則 隆裕皇太后以馬鄧之 皇室經費供奉內廷 知 机桐城固 能韓滋可恨 無 所謂 也 者惜 而 派

殿珍品均份寶藏此特目前之安非復久長之計後來執政不必盡屬舊人老成終有凋謝之 則 聖祖 仁宗厚澤在民一亦秉政者多清室舊臣雖奪門變生亦未聞有移宮之識 故 淧

日彼黨人者家庭尚欲革 如 间 如 何 方今總內廷出入者爲 命則視舊君之處故宮又歲糜互帑此不待問而 世中堂其人爲太平宰相則有餘望其力支殘局紓 知其必行檔剪者 實 未敢

深信 fa] 者 皇帝既已讓政則 宮庭制 度不 能不力加撑節撑節之後 尚 不 知此局 至 何 田 地

據此一端糜費已不堪言宮省事祕逡照舊時故事爲數斷非草野微賤之所得知天下事逐

乃聞宮中趨走小璫尚有二千餘人明知宮殿深嚴不能不加防護亦難保不無頭須之事

À

崇儉党復傷 事所患以讓政之皇家仍建盛時 之用度則傷貨必矣試觀今日各署薪俸至 敷 情生費隨事廣若能省事費胡從廣管子有言儉則傷事侈則傷貨今日大政不屬

皇上

卽

月不發軍 中欠餉 索者囂然就此 兩事 m 觀則 皇室經費實危如 朝露若不 再行掉節 以 爲

**今議者何人我公師保之尊本不宜與及瑣事然** 天 家 體 制 所 關 不 惟寶玦王孫 有路隅之泣即宮中日用寧堪問 皇躬關係實懸諸師保之一言紓意宜 耶 當日 尚 有 臺 諫可 参末 議

止園記 分也春逾暖之分則成夏秋逾涼之分則成冬天適如其分而止示不過也夏冬則日至至者 老子曰知止不殆言盛而不自遏將致危也嗚呼老子其知天乎天之有四時春秋日分分者 用此亦所以存舊時之國體是否有當伏乞鑒納臨楮不勝嗚咽之至 資已盡亦不生後來史氏之問言果能節縮虛糜卽退處東周尙堪自立其餘變局誰則知之 書 正不可知爲今日計但求處順安常不至墜入窘鄉勿出禁中寶玩向市賈易錢以供御廚之 我朝之舉人卽當如孫奇逢徵君以舉人終其身不再謀仕民國計自辛亥已後凡九度恭謁 <del></del>
舒猥賤餘 二公皆心乎王室若能合疏痛陳尚有幾徼之望所惜梁文忠逝矣嗚呼節省特一末事大局 主之心而已今日忍無可忍故昧死上言明知積重之勢非我公一力所能挽回然倘有伊朱 **崇陵雖大雪彌天而衰老之年仍跪起丹墀之下不敢忘敬豈此報** 皇太妃痛陳事局之危一切煩費痛加翦除羣奄亦宜分別發遺至聽信與否則我公之 生本無置喙之地顧念九世農夫不曾蹈及縲紲此 子を養しいき 111-1 天恩也舒又身領鄉鷹既爲 恩亦自盡其犬馬戀

極而當止也極夏而不 止則爍金極冬而不止則墮指止之爲用大矣人而果知用止以完其

生則古來暴君驕王權相梟將下至貪汚之官吏寧人人自卽於刑戮蓋可止而不止卽所以

稔惡而滋禍在漢則疏廣受父子知之在今知者其吾友宋公鐵某乎公以名諸生起家至封

疆大吏近新歸自黑龍江灑然得某邸之廢園葺而新之用以娛老顏曰止園一日廣集勝流 觴余於園 一中高樹劉莅奇石嶢帱咸出天然匪人力所劉治積書聯楹日徜徉其間顧余曰吾

朱邸之遺其華續藻飾已乖山林之趣更澤之以詞翰失止之義矣公心不波之止水也名園 其止於是矣請爲記鐫之於石余曰畸人之汨沒於山水與俗士之沈浸於富貴無異也園爲

可止茅莢亦可止度公必不以是園爲已有日營營於花石亭臺之位置求多於是園而昧乎

止足之義蓋吾之信公深矣方今天下洶洶朝不謀夕夫子所謂於止得其所止者果在何所

是園寧爲終止之地亦曰知止仍屬乎公之心與是園無與也壬戌十一月二十三日林紓記

清朝議大夫花翎三品街湖北 試用道玉邑張公配顧淑人合葬墓誌銘

公諱念劬號勵亭姓張氏江南玉邑人也曾祖某祖某父子鴻以公貴三世均贈榮祿大夫公

邑南門之浮橋公尤一力成之南門者通廣豐江山常山之孔道也春水方生行人病涉橋成

承其志事贈公生時置義田於玉邑用資祠祭又營治試館於會城以館試士公咸左右之而

二日卒於里第享年若干歲不浹月而武漢禍作嗚呼公其終始爲淸室之臣矣公事親務攬

爲天下倡顧語新劫

平衆

面見遠黜於羣囂識梗而公莫勝遂引疾歸以宣統三年八月二十

生而 貧之中國不長利無以自生因悉其所得於日本者力求實業用長其利乃議立工廠於鄂中 戴花翎公以爲舉一而爲天下長利者謂之舉長舉長則被其利者衆所謂一者商戰也以積 巡撫瑞公疏薦遣赴日本考察實業及其政治學務歸朝由知州獎三品銜遷湖北 之光緒三十二年江寧藩司札委南潯鐵路協辦公廉素自勵未當受俸於公家明年以江 心世務尤重實業既以會典館賭錄得議敍知州適李公薌園有南灣鐵路之議公起而贊助 之金薤琳瑯楊升庵之金石古文後先輝映雖王元美之精博不能過也公薄科學不爲仍留 通經而尤嗜金石唐宋六朝碑版咸以重金收貯與歐公之集古錄趙明誠之金石錄都元敬 一田郭太夫人以疾殞嫡母陳太夫人撫鞠以長公清整有風操閑素寡言動履必中軌範 試用道賞 西

而 商旅咸以爲便嗚呼染不積則人不觀其色行不積則人不信其事若公者可謂善積而能

必人之信矣配顧淑人惠州太守蘭生顧公女也通文而工繡時有鍼神之目崇信陰隲撫誥

子女必以騁嗜奔慾爲戒一本於恭儉其賑恤邑中水旱偏災雖糜巨金無吝英女士藍司鐸 聞聲款附淑人亦就之商訂音樂之譜匯中西而一之蓋以其素習者融以新得也顧體 嬴 而

亦朱淑人出孫德芳德新均幼今將以某年某月日卜兆於某郷某原與公合葬公行應銘法

淑人亦能以德儷公因爲之銘曰

六書胚胎實祖河洛斥爲柔翰遂寡獵略公邃其能世日英博評駁旣當燭照彌灼橋捎秦漢

悉力匡建讜議見格惛憡引疾咄嗟易實蓋棺涉旬國命以革死當其時生盡厥鸤 寧取整鑿時屯猝薦頹運愈迫投筆奮起抒其項畫滄海一帆窮天無壁取助東 人為我將伯 附 公靈匹

凊 善士害先生廟碑

**恰處其質懷慇秉素如鼓琴瑟令門聞家** 

世之儀率

卜光於茲宜子孫吉

以報 合詞 生弟 宗郭之來自 平收智井殘骨瀝 清有善士曰 州 廟 文屬 八為郡 得安東敦 且 於心 死 之災焦悚至白其鬚髮三州 施先 歉 余嗚呼余既碑先生之墓矣宗愈宦達以美效著於所治宗郭 上之政府請嗣先生於其鄕用爲天下勸政府可其請於是先生子宗愈宗郭以廟 而 者固 仍眷眷於青田之災何其仁也先生既沒之三年宣武上將軍馮公江蘇巡按使齊公 縣 庵先生後生而忠孝父問苑公於庚申之變舉家殉難難前趣 生者固已昌厥徐 ħ. 諭 知其 重其 唐桐卿先生諱錫晉自光緒乙亥迄宣統辛亥凡三十有七年 訓 十有一為里萬 業 THE PARTY OF PERSONS ASSESSED. 、既開 不 血収驗既葬而 廟 旦又智品二二長 文亦無 於鄉也且余文何 士漸 敢有所遜謝謹按先生世籍常州清初始遷無錫系出明荆 人即不 向 鳴 旣 學 呼以微官具偉力蘇天下且不避艱險忍死而爲之以迄於疾 然 得食而安東 宗族鄉黨譁 廟 丽 重焉 先 於鄉寧無青史之名與父老子弟之啣感 生抱仁蘊義 然而孝子之心終不釋余宗郭凡五造余廬余慚 復澇 稱其孝先 山左亦 說天下 生豐頤廣顙通 飢先 三十四 飢溺若抒家 生及宗愈犯雪履 靖默溫裕能 先生出間關 涉經史以壬申恩貢 累初振徐 所振災區為行省 其盛德 文章天之所 冰忍 得 淮 不 海三 其 死亂 碑之 川 然 飢 則

罷於風濤 澎湃 之中 而 振 《事卒蔵》 庚 子復 入秦 川振 二州八邑之困 m 仁 和 相 國 爲 之助 請帑

金二十 以振 事於是長沙善化湘陰益陽衡陽淸泉六縣均存活然而先生之竭誠致命者則在於辛 萬 關 प्री 飢 民白 |骨竟| 再 肉 矣 及再 銓爲 長 洲 教諭 全楚大飢 長沙 張 文達素重 光 生屬

五日 亥江 渡 皖 江 至當 役災區縱橫 一塗訖振事入秋江漲發先生愈力疾視事金陵既 可萬千數百里先生徂暑弗息迨過金陵已惛固不省人積三日醒 陷 先 /生仍 奔走 無 派所惺怪 叉 然

朗 美 圖 肥 省 則 力 梗 其識 先生悲慨遂癯 惙不 起朔 韶 茚 尚以青田之災爲廑卒命宗愈集實

最

其羡

尚

数十

萬金收養孤兒以干計擬

事平拓南都

試院為

工廠聚貧兒教且

赡

之計

定而

爲 畢其事夫先生之躬任義振非悉資於人也必首捐巨金江皖之役以鄕井之急悉產質 倡 以義言之則廟食於其鄕也宜矣余觀古來顯宦例咸 有祠 m 先 生則教職 耳乃江 南 萬 金 之

文武 大吏爭爲之請 而鄉之父老子弟咸 惛慟 其役宗敬之若神 明焉 祠 成 m 齐 秋 之報 <u>ئ</u>رد 滤

有已時余重宗愈宗郭兄弟之請遂以其事銘曰

天篤善人胡待宦立仁腹其類 則 退弗 及湯湯 淮流 砰 磅下邑災聯徐海 大浸胡 **飛騎** 危 乘 堞

有

蒇

中

潮

刨 怎 子 聞 小善匪不 家 員何棣 脅祖 抽揚 東 珊學使賞 祥 文風爲之一 剂 儲潤 其文選拔得就 本生祖 變解 達章考位乾母江氏君少 組後主講 職 教諭 石 歷任萬州香山 龍 書院訓業 而該涉于書匪所不讀旣補 [廣州凡二十年所至搜英獵 尤 **)**廣然宿 知科舉之不 終 存 博 則 俊 士

稍假借故李氏一門親學者凡二十人炳成自謂尤被君之風訓日肆力於古文頗能 **窥其涯** 

創

辨

師

範高等及小學校數區省省然患化之縣人窳

而

不親學也其御子姪尤端

殿

助

勍

不

**挨君性至孝遭父喪哀毀骨立侍母江太夫人病衣不解帶者累月每逢家祭動輒欷歔蓋葉** 得 所 謂 追 養 而 繼孝者也鼎革後曾 出 丽 長議 會尋即韜匿 | 營小園以居有亭日亭亭瀹

孝類 書默 坐花間 一批鬚微笑終日不言嗚呼此昭子之不鼓琴也無成 無虧殆忘智以合真 矣

所著有灣西草堂詩文集冷齋 詩話及年譜若干卷己未三月三日卒年 八十有一 一配易 氏 先

議院議員次炳琛府貢 生日本大學畢業法學士部試法科舉人歷任三水澄海 南 海鹰 州 桂

君卒子二長炳焜舉人知府銜

江西

截取知縣日本明治大學法學士廣州地方刑

庭

推

事

衆

林南昌各廳法官孫二長與華日本明治大學畢業法學士次雲盛曾孫日瑩今將以某年某

THE RESERVE THE PROPERTY OF TH

## 月卜葬于某鄉某原余爲銘曰

休乎天鈞 而不封寂然容湛然胸是之謂兩行而造其宗嗚呼形蛻 而神存君其永安于茲宮

清榮祿 大夫署江西廣信府知府二品銜安徽候補道閩縣李公墓志銘

使妣氏林祖諱作梅候選員外郎妣氏何考諱端江蘇補用道妣氏沈三代封贈如其官妣均 公諱宗言姓李氏字畬曾號觕巢晚號償園先世家閩之石壁邨遷居會城 質祖諱 翼禧 鹽 大

封夫 人公少溫裕以雅量高人人樂近之員外公中年得家孫家方以鹺窩戚黨待以舉 · 体者

衆時 曾祖 就林太夫人健在公承重聞鍾愛顧清約自矢衣食未嘗逾度壬午領鄉薦癸未丁

太公憂鹺業適敗則攻苦刻勵若寒素不因盛衰易操也壬辰由戶部郎

中改官知府需

次江

右 丙 申攝 廣信 府 篆廣信者公外大父沈文肅公舊治 也赭寇撲廣信文靡城守夫 À 林 氏據

井自誓已 而接師至圍解信之父老尸祝文肅幷祠林夫人而公乃以外孫踵守廣信信民愈

悅而禮公如禮文肅也公奉母官舍追念所自出因名井曰誓井堂曰寶井堂公在官通簡不

倘鉤 摭而 下 無疑獄嘗臨鞫六囚鉛山令已具獄論如法 公日囚六而瞽其 謂瞽者殺人人

子ではは一二世に

ニート

ニーラ

乃不 之避是讞枉 |也飭再鞫而代者已至公終論折而平反之得不坐者三人在郡休暇恆集

勝流 進道員公勤吏事不廢風疋詩近義山於清初諸老取陳元孝吳梅邨宋荔裳故近體聲亢而 傷詠且 獎拔知名之士都 其 文爲 守信錄尋以舅氏 沈公瑜慶調發 藩迴 避改安徽 用 勞

悲當自言吾詩其亡國之音乎公兄弟四人次曰宗禕能畫工詞善擘窠書客死金陵而叔季

又繼逝 太夫人年高 公齋居悽咽不忍使太夫 人聞之幽海 內學遂日就嬴因夫 人鼓氏賢 而

喪方員 能 1-奉 外公生時 衰姑下督諸子甲 修 族譜 既竟公以 辰太夫人棄養戊申黃夫人亦殁於南昌寓所公哀悼 族 姓 日蕃乃自江 右 寓 書宗老采 摭 傳 志 仿壽 之餘 州 孫 益 復頽 氏 餘

姚邵 氏嘉興張 氏諸譜纂成其書世次井然故宅曰王尺山房藏書及書畫多幾連楹國 變後

懼失色公哂曰此亦數也於爾胡尤聞者敬服公生咸豐戊午年四月二十九日卒於民國六 喪失乃十存其二三公微喟委之於數不復咎惜嘗寶一古玉環就浴時侍者振衣而碎環 慄

年丁巳三月六日享壽六十歲簉尹氏子六長宜璋江西候 叉次宣 偏 陸軍少將又次宣鉞爲 朝陽 大學教員宣襟宣果肄業 補縣 知事 於滬上醫學堂女六長適 次宣 威前 郵傳 部主 陳 事

了文章是二二三

崧公殿符切勒則笞服疑似者二十餘人盡檻致之崧公下公證成其獄公得狀力平反之遂 出錢父老伏地至流涕弗起旣受郡事安寧州方以剽劫聞 州將諉過營兵以逃譴 總督

貴州按祭使明 出此二十餘人於死崧公愧公能疏薦公可大用擢迤南道途權臬事兼者藩司二十五年授 年遷雲南布政使又明年擢巡撫攝雲貴總督演桂接境游匪駸演邊公勒兵

分道擊卻之大出兵合桂軍乘機勦定而蒙自土匪復竊發連陷臨安石屏公集勒所部

扼

m

巡撫首正經界去插花弊習而印口團首呂嘉禮楊鑫者脅汙其衆行劫質有司莫敢攝錄 **殲之滇亂途平乃疏陳督** |撫||同 城非 便請裁巡撫公時方卸署督自撫滇也既得請移署貴州 公

令桂新被兵公寬其文法興學訓農勤工減稅與民更始且疏請立憲朝廷旣更官制嘉 翦其黨從寘二人於法黔民大服三十一年授廣西巡撫公所歷皆邊瘠日殫 心教養順簡 公治 牧

近時 績內召以侍郎充軍機大臣三十二年九月入直權郵傳部 黑龍江 新 置巡撫朝議將以某往公謂邊帥宜慎選重臣不當輕署以滋外侮 尚書旋授度支部 右 侍 而 郎 御史趙 仍贊 樞

啓霖亦疏爭褫 職公謂御 史得 **風聞言事不宜以** 此塞言路爭之不得逐 引 疾 臥同 列强起之

革紅差店攤賠及支應車馬諸積弊兩疏劾罷文武不職者百數十人而牙孽者夥亦以此不 卒出爲河南巡撫計在政地九閱月也公習於勤約旣治中州本其廉素以率下務綜核名實

久其位三十四年復內召爲倉場侍郎宣統初元移民政部右侍郎召對時論總督升尤劾某 巡撫既不報 而升允轉因是解職退復具疏斥某邸朋挺右其姻屬監國心善之三月充經筵

大行哭臨至哀崇陵既奉安公歸自陵下益病癃喘自是以來遂弛然不自惜以丙辰 講官椿學部 右 一侍郎卽旋改弼德院顧問大臣讓政議起公悲憤極迻移病居天津孝定皇后 九月六

日卒年六十有八遺疏上賞治喪銀五百予諡文直賜祭葬配饒夫人繼配張夫人傳夫人子

品蔭生法 三葆懷縣庠生出爲兄後次葆恆舉人直隸候補道署提學使又次寶鐸女三孫四人內炎二 部主事次志軾志轍志琦葆恆 解以 明年四月葬公於福州西關外文山 里捷報 Щ

東來乞銘嗚呼公至痛 在心久不以生爲樂矣卒之日余晨詣公公甫易實 哀哉十年見

知乃僅拊牀爲別耶因茹其餘悲爲之銘曰 

靖 南 州

仕

「うる品」こと言い

----

烈烈平終殞于國 憂國旣卒斬日頻衰僂望陵而悲舍死胡求嗚呼我公其張白雲之傳旣羨

一既封安於茲邱

清中議大夫翰 林院 檢討 前新疆道御史梅陽江公墓誌銘

公諱春霖號杏村字仲默晚號梅陽山人曾祖諱奮燮祖諱文波邑庠生父諱希濂同治乙丑

舉人公氣調英拔然操行純篤言必顧行少作言志對長老咸目爲偉器弱冠補弟子員六應 科歲試五冠其曹以辛卯舉人中甲午進士由庶吉士散館授檢討庚子京師亂遂南歸 壬寅

歸 朝充武英殿纂修國 史館協修甲辰補御史掌江南道歷新疆道兼署澄潘河南 四 川 諸道

監察御 史首 論都御史某公冒煙禁不 宜長御史臺聞者聳攝時項城帥直權傾天下 -公論列

十二事雖不蒙鄕納項城頗嚴憚之公恆太息擬之曹瞞宣統紀元攝政王監國公復具疏 劾

議 項城不宜處樞近防禍發肘腋直廬中值項城相見問姓知爲公也避去然公疏已入矣時朝 以中原 蕪梗革命之說四溢遂以親貴長海陸二軍意可以居中而統攝之公疏言二王年

事 ,未及不宜因骨肉屬以要政國儻不保家於何寄不報時發撫以賕賄內結驕王外聯鎭帥

疏論慶邸有老奸誤國語得旨斥遠詞館公慨然知時事不可爲矣途告養歸合臺爭之莫得 數得百之一耳勳章之授蓋於此時也公雖屏居然鄉黨之益知匪不爲 數萬畝乾隆時曾一潰決田不播種者七稔郡守某至以身殉於是莆之父老乞公董之公娟 歌寄其黍離之悲公旣以名德動其鄕里獄訟械鬭得公一言立解時梧塘之海隍崩淹民田 起蓄髮爲道人裝迨項城授以勳章公笑曰道人無須此也日從事花竹究心農圃暇則 養公母某太夫人耳目聰强年逾八十樂公忠蓋居貧益樂 圖並作序送之公歸 **醵二千金爲贐公作詩謝卻弗受歸裝但敝衣敷襲朝衫外無他物余送之國門寫梅陽歸隱** 公章七上監鹵震怒禍且不測公弗謝仍抗疏引阿大夫及卽墨大夫事諷監國也宣統一 者諸葛忠武包孝蘭海忠介居恆謂武侯論事以數余則以理孝肅無子脫然無累义值仁宗 兩月之力歲其事爲文告之江神潮三日不至隄成靡五千餘金較乾隆時盡官帑數十萬爲 綆謂早知有今日矣方公之歸也困甚而弟梅村甚賢而能家公配楊恭人日灌園以佐公之 一年辛亥禍作項城再握政柄逐監國公聞之登梅陽山巓望闕涕下如 皇帝旣讓政項城以禮 為匪不力生平 徴 為詩 心折 公不 年

コではおころだけ

明 **睿故臨事銳而無梗忠介歷事三朝有害必聽余則適際時屯亦不惜身以曲全大局** 耳鳴

呼清自孫文定外敢直言不諱者寥寥然公其光宣以來諫官第一人矣公以某歲嬰疾卒於

里第年六十有四歲配楊恭人先公卒子六長祖柔次祖芭宣統己酉優買二祖者邑諸生四

**和蕃五祖蒓北京大學工科學士六祖藝女三長適關潼次適楊逵潟三適黃耀桑孫十一人** 

宗 葬於某山祖純以狀來徵銘嗚呼方公寓京時余日造公則熟菌於小鼎中用以佐糜他 儲 宗 。儼宗佐宗俁宗什宗倜宗俠宗伋宗傳宗儉宗侯孫女七人今將以己未某月某 無兼 日卜

饌吾宗林志烜太史語余曰度包孝肅海忠介當日自奉正復如是蓋卽公所自期者用以稱

公也匆匆逾八年矣銘曰

掊奸不殞 創 其喝 屯詖交臻 孰則藥霸府既建皇祚削湔剔莫効容起瘼飄藏痛忍寧歸洛枯

淚焦睫看崩 剝 **瞑勿視反東嶽英英諾雛起鸞鷟豐阡廣墜宅忠魄遺芳萬**禩 永勿鑠

清奉直大夫學部主事閩縣問君墓誌銘

周 名松孫既沒之三年其女來歸爲余叔子婦然月必侍其母朝君槥於長椿寺清明中元必

夾路羅 憫其無學乃大出資淸獄中積穢病囚多蘇寡媒殗而就死者時倉儲久空君預購仰光米五 伸屈理枉獄因得直十里墩之民乃至今以生祠祠君也君之治邑如治其家日坐堂皇投恕 苟微惜其命者沈家天井之民糜爛矣邑西之十里墩緝私鹽者誣民爲梟因而殺人君爲之 井之民爲仇家所中言將揭竿倡亂大府以急檄趣君偵之且繼之以兵村民大震相聚自保 者合兩造自爲開陳之詰駁咸洞其隱淸積牘二百餘起行獄而憫囚虞荒而憫飢見孤 長二十一補弟子員己丑領郷薦壬辰成進士改翰林庶吉士散館授刑部主事丁馮太恭人 君單騎臨撫俾勿暴動道遇一學生遮馬首請勿前君曰此寧足爲亂爾恤吾死過也且至民 憂服闋補外令如阜如阜濱海盜窟於掘港公至以嚴威切法勒之豪暴皆熱服莫逞沈家天 山其子爾穌來請補銘余審爾穌貧罄未即鐫石而納諸幽故先成此文以存吾集而已君諱 造哭盡哀且病余宿聞其有劙臂合藥事心憫其孝以五百金歸君櫬且營葬君於閩之大安 景濤字松孫又字味 拜 、君開陳大義若父之詔子民皆感涕時官軍以舟來君止而遣卻之歸 練組 | 鈞元本生祖鍬元父作棟年未四十而逝母馮恭人躬萬苦字之以 語家 人日吾 寒而

丁で 事業一二一街人

45

千石實之如阜飢賴平糶以振又創立孤幼學堂得學生百數十人君曰余少孤不忍見此 無

父之兒終淪於昏瞀而不親學也君生平工詩能文然極講宋儒之學嘗曰惰者丐之媒奢者 盜之基雖居官而妻子皆布索君於公餘兼治岐黃之術令如皐三年上德通理因得連最 調

任甘泉未赴會 崇陵不豫韶徵醫江南 兩江總督端方以公薦大學士學部尚書奏署君學

孝子之侍疾於寢門者然每請善藥多腐朽列方咸 部主事入 、値同 徴者七人 君與 杜君鍾駿特邀宸眷賞御膳江 取 東朝進止一 **綢果食君處直** 日請脈於內殿聖容憔 廬日夕焦悚若

悴 既大漸君跪侍御榻見榻上陳貞觀政要一卷似讀甫及牛 東朝厲色斥言虛不受補非常供之藥不許進御而太監崔玉貴尤豪橫無人理 **崇陵問脈息君鳴咽不能** 崇 陵 聲

崇陵微 喟日余知之矣趣出列方是夕 帝崩於涵元殿君跪宮門請死得 東朝旨赦 勿 問

君旣 奉國 諱居佤痛哭酒伴 尤悲辛壬膺國 一變乃以醫贈 日益縱酒自戕遂於壬子九月十八

女一咸幼嗚呼君既葬之三年余始補銘非緩也蓋欲下筆 日卒於京 寓 則 年 四十 有八 也配潘恭 入子 爾穌 海軍部 科 員 輒悲度冥冥之中必有與余同戚 女即 余叔子 궤 孫

## 林夫人墓誌銘

之冬夫人以疾卒于

滬寓余悲伯訓

喪此良匹以書索事略將銘其幽辛酉正月事略

至乃

其

余友江 旧削不爲貧憂不爲禍怵余甚壯之乃其配林夫人尤刻苦自勵所操過伯訓 也 庚 申

賢竟缺出于吾所聞也夫人諱裔瑢爲吾鄕林竹坪先生仲女先生蓄德而壽年八十餘淸望

**泡於鄉黨夫人之于先生母視之蓋夫人五歲失恃先生躬自撫鞠一** 子三女環聚而食先生

賢先生讀 |右顧若哺雛焉越六年丙子先生簉室湯淑人至夫人方十歲執禮甚恭淑人歎息盛 之師 事兄煜受 稱其

吳江徐女士所編女訓及藍鹿洲女學日以禮自坊其孝友蓋出天性不關學也湯淑人之喪

弟志烜方幼夫人撫之等于釋妹淑人病榻之前夫人弗雕跬步淑人旣彌留夫人尚菱熏籠

為淑人溫足淑人感荷且趣之寢聲已而逝獨夫人在側耳越丙戌來嬪伯訓時庾 仙 太先 生

日十

民文章二二世代

春秋高陳太夫人尤罷而善病伯訓元配卓夫人子學煇方二齡夫人上事二老下撫學煇 也故學煇之悲感逾于所生夫人既來嬪一矢恭儉移無不完之衣庖無濫棄之食 猶

伯訓 干夜 中治文字冬爲熾炭夏則驅蠅子學棨旣生而伯訓出主閩清之龍江書院每蒞 其篇帙默處屏後聽之獨喜史記及歐陽文忠集取 講

精擷華日自諷

誦辛丑

伯訓

興

蠶 學于邑中 夫人 八日處蠶 含辨蠶種 而 學棨以疫殤于會城耗 至夫人慟 絕然自支戾 仍造蠶

席夫

人按

其撫

釋弟

不從至山水明麗之區翛然忘疲長樂高媿室自粵中出守梧州以書幣聘伯訓夫人力趣之

**舍無虛日見者不知有喪子之戚也庚子以後伯訓橐筆遊杭紹寧滬武漢京津問** 

夫

人人匪

役

行時學煇子元仁生五年矣夫人日挈之赴幼稚園己亦就女校習手工及保姆規則月必數

陰躬 書寓伯 布 素行 訓 中有窩貴辱身不如貧賤自得語梧 縣 出乃無車 夫人尤樂其貧謂取貨于民適以自殃其子孫決不 州見而激賞亦以爲出伯 訓 上也伯 爲也辛亥伯 訓既宰山 訓

權 寧郡 僉議 月以三百 金 供縣 官夫 人曰吾家月得百 金卽不餒請伯訓 峻 卻 其 半旣 而 伯 訓

歸長吾闽闽人之告余者頗有異同久之余始知伯訓夫婦之仍貧也則 事 咯 中 語伯訓果不

余欺矣近者伯訓傭轡于滬上賃屋數楹居母妻子媳及諸孫可十餘人且拓其廳事處嬌姊 清建威將軍提督銜補用副將閩縣楊公墓誌銘 嗜退樂貧乃出之婦 也因爲之銘曰 榻窗下懸鏡壁間映庭花以自怡此足知臨命之神明不衰宜其忍貧至死而無所怨蓋可銘 墓中子二學煇甬生女晚秋婉翠孫元仁仲仁叔仁季仁孫女順仁嗚呼吾聞夫人病 訓迎其歸 于志烜京 及甥客至語諸門外而伯訓怡然夫人尤自適其適不審其曾膺禕翟也庚申夫人病 用張吾圍 公幼 公諱用霖字雨臣姓楊氏福建閩縣人也祖諱桂英父諱孝昭均以公殉難故贈一品如其官 尚節 概重 滬余 寓 中尚背當時口授志桓之爾雅數章姊弟日相語家庭舊時 一然諾 時 以書詢 日文五品二二世紀 善酒 人吾今者始面其真行 而不 之乃于十二月五日不起矣年 及亂酣則縱論天下事咸 無世疵 ,神惟古親居必中禮動不 有經緯年十八充藝新軍艦爲學生 五十有五 四十二 一歲伯 訓極 之樂顧病 之滬 違新質此 日益 Ŀ 疸脊 萬 革 幽 劇 肼 國 伯 刻 疴 移 公

從許公壽 Щ [智駕 一、駛鎗敬之學日益 精 進補振威軍 艦曔官旋遷 藝新 一副官游陞至錢 遠 鐵

才謂 艦大副官公治事 進 而 不 ıŀ. 者 · 則亞洲· 之暇必讀書書積 之訥 爾遜也戊子署 其 臥 N 恆 右 加丹黃英人琅威理方教 翼中營遊 望辛 卯升多 **秋華艦** 將 加 副 將街 偉公· 公撫 一有文武 愛

所部 如家人疾病必自臨存以故士咸爲用戶午中日失和秋八月遇敵於大東溝公謂所 部

軍 日 「爲將」 較 不 必捷 軍 茪 然此 既接主者不習兵聚艦為 海即余死所能 死 者往餒則聽之衆皆泣日將軍誓死吾輩寧以生爲請 方陣 敵分行夾擊二舷之礮不 能趣敵定遠中國 火發 舉

公轉舵 挺立 指 遮 揮 其 不 爲 前受敵礟 動 敵 艦 然鎭遠礮巨且 旣 通主將 偉 公能 命 t‡1 徘 獎補 敵 少卻定遠遂得撲熄其 用 副 將 軍賞 捷 勇 色圖 八人時艦中積尸交前 魯勇 號鎖 遠 歸 畤 水 公

於敵手敵 涸 艦觸 礁 而 破據高臨下舉軍莫支提督丁公汝昌右翼總兵劉公步蟾均仰樂死公尚欲以 漏敵尾至管帶林公自裁公代領 其 衆趣修漏 罅 力當來軍 三 而 南 北 岸破臺 礟 陷

仰攻嗽 多題 諸艦 爲 魚雷 陷沒者牛矣公喟然誦 文信國 臨 命 詩 出 手 槍 啣 而 仰 發之腦 数自

鼻竅下垂 如 玉筯 端 坐不 仆見者神 之事 瞓 朝廷震悼賞銀八百兩 治喪贈提督街蔭一子孫

**眓若未殊嗚呼楊公萬夫之禦我昔偉公公乃高舉繼欲傳公索狀莫署公宜特將顧乃偏** 沈勇大慮孰步公武飲其虎氣窆此淨土雲那 魁帥仰藥倒鉞傾鈇公決死志恥伏遼條信國死宋踵者其余機彈貫腦死不 君諱有敦字嵩高先世有聲微軟問爲時聞家迨明始遷涇縣之龍坦村遂世爲涇縣人祖澤 清誥贈奉政大夫胡君嵩高墓誌銘 無變風度鄰艦旣煙飛彈集雨公立屍地轉舵橫據狀若當熊掌培弗露軍港旣裂衆咸爲 王符有言兵不中御巾幗滿朝首挑鶊怒禍反在內衞外胡據公當房衝神態軒翥積尸梗步 爲公補此銘也銘曰 請予基甲申甲 宿山公子夢騏來請補銘嗚呼余年三十已耳公名聞公殉難會以詩挽之前 夢騏將弁學校畢業生補陸軍少校孫熙燾海軍學校學生公以光緒某年某月葬於閩之栢 都尉兼一雲騎尉襲次完時給予恩騎尉罔替時年四十有二娶鄉夫人前卒續娶黃夫人子 - 午海軍 とうと見いいにプ 殉難諸臣傳而各家子弟乃不具草以至史乃弗就不圖七十之年乃 繩 繩來薦櫻黍 御鬚既 海軍總長劉 腀 而 福 視 魚

問父益貞均國學生益貞公營業於六安州之蘇家埠儲畇碩所業頗日增廣道光季年粵亂

君讀書 起踰衡涉湘 |里社譁言賊至益貞公倉卒挈君北趣道梗賊問 沿江 而下東南無完區曾文正公方督師躪賊徽寧問賊流竄四出 出父子遂相失君 初不審益貞公之

州

人成

避

戻

殉難 也 則 號痛 追迹於澗 谷問幾不免尋院南 北以 次 規復君歸皖 故產則 盡蕩度不 能 更從

里社 初 年 河南饑流民子女為人略賢至皖南北者日屬於道君憐之購得女奴於周氏撫之二年 讀 (書則於煨爐中理益貞公故業既娶朱宜人子女衝繁而皖中新喪亂 商業復困 光緒

忽 有 稱 女奴母 者造門索女亟君以爲旣出此 女奴於饑困中徑予之將不審其所 爲 地 A. 奴

以去君 得諸周 家亦 氏子當取周氏問狀 日益 則竄逸不可 迹詰訟久君操女奴券以周匿 居市麼課子自遭長子璧城次景 無左驗 脳 女卒品 次道 樹 !殤又 其 田

次毓瑞女二 ,酉領郷薦執業於京師大學堂而君竟以疾卒於光緒乙未十月二十九日距生道光丁酉 孫 四女孫八璧城修立好學氣槪沈遠應童子試挾數金徒行七百里卒獲 雋 及

享壽六十有七歲壁城 大學畢業歸將謀葬君以事略再拜乞銘於余君和悌美令晚年微飲

THE TANK THE TANK THE PARTY OF THE PARTY OF

嘯引 頌播 足以 餘 選得雲南浪穹縣甫之官安寧州以教織局激成民變大府檄公往平之命以兵行公曰愚民 叉別 阜陽 墟 酒 莫悉刑禍 積德 公諱某姓 人亂 酒 徒 其州 王公墓誌銘 嗣 半喜舉古忠孝事蹟警其座人每以益貞公殉難語輒隕涕璧城尤冥機愼道雅有德素 籌六千金行 如 萌以熄 衆 田 君 沃其 廢 非庶雄爲傑之比撫之立定猝臨以兵是長亂也乃進父老諭以利害懲首亂者 三氏雨人其字也世爲安徽阜陽人父咸陽公諱某以循吏名關中公少勵節行 門業乃不以余爲荒落屬之銘幽之文君行應銘法則又無 里咸陽公旣捐館舍遺資五千金公扶櫬歸阜陽 亂 郡 〈畬亂 大府亟賞其能署大姚縣公秉庭訓以平 中 平糶周轉活其州民無算而劉疙珞牛 是第二章 生不 公以鄊兵躏之于王市集大破之于是以知兵名于時咸陽公服闋 寧燔其居匪燔其居適充其閭子有令名德之輿鐫我銘詩 情悉理居官時 世脩者渦 而阜陽適大饑公悉罄其 4 之椎埋少年 可 有明經劉 推謝者敬爲 也乘阜陽 永志者為 五千 慰 銘 公謁 此 日 4-飢 金 聲 幽

短不 其贅 如右 婿兇毆婿懼 我 我存 削 禍 爾不 給其妻以爲臨質且死不 再醮蓋再醮非良婦 如以禽獸行誣若翁則吾罪得末減若事父日 也婦愚聳其官果以婿言誣明 經明經下獄公

橋 無 / 事大姚 梁立學校 說聲桑興水利平盜警民利賴之去縣之日以詩留別 多健訟又習于行財宿棄 李姓得罪以三千金求緩 其獄公峻卻 和者及於方外閨秀 之計 所 を無 此 修 足

公隨前督軍倪公往來潁城太和之間削平大亂時流言麻起謂不逞者將甘心于公公夷然

《其宦蹟矣旋以覃恩晉二品銜辛亥公歸里武昌適起事皖北之曹伏思亂者爭揭竿以

應

知

按獄

見劉

永志以爲

**恂恂** 

儒

也立平反之前令爲撫軍私

人力持

其獄公卒爭

而

得

永志乃幸

Ñ

戶安廬之後 朔 年 復隨倪公靖壽春正陽之亂事平 應公復 兼鳳 陽關 監督撫集流 以 亡詗察盜賊商族以安時 軍 事 裁判處處長駐治 東 正陽 鄕 土匪可六千 正陽者頹 州 餘 之

衆嬰城固 衆 旣 圍 壽春 守賊近五 復 以 別股犯正陽公仿古巡社 里墩公悉此 餘 衆進撲之所 之制 分區 羅偵合 無 前賊 鹽 | | | | | | | 其勇以爲大軍 及商 團警察 且繼 其 可 百 後 慾 餘

百

向

驚

噪犇然餘賊尙涎鹽商之家勾南堤大王廟住僧韓紹全爲之魁率潛發之期已定公徵得賊

**類城太和猾豎狎至鉏纇** 撓抗 以 祺 若魚喋餌 能足鏡猥豈尚毛摯飫爾腹爾惟力是字扚逆得奸詖險胡冀佞哀詐泣初不爲地渠憸宿狡 告歸民國七年舊曆正月二十五日以疾終于里第享壽六十一歲娶某氏子四世新濟 才兼文武者也余因就所聞見者爲之銘曰 且樵汲所資城 咸糜爛矣今但張疑兵賊必不敢輕進不三日接兵集城必無恙衆復請閉關公曰是示弱 白狼已竄入皖邊六安陷說者謂宜退保沙關公曰正陽爲皖北屏蔽吾一搖足則西潁 處夜中以壯士二十人擣其穴韓紹全就擒斬之以狥釋其餘衆八十餘人弗治人心蟲定而 寡勝衆陸贄曰力寡而敵堅則先其所易所謂易者先理內而擯外耳觀公處變而 女一適某公既虛世新介余門人胡生璧城徵文于余嗚呼公文士乃洞兵要前後擯賊均 周避苞苴以遠謳 公日 |雛耳卷甲 鳥可閉閉門不惟召寇適所以自取亂也于是賊果疑畏不敢進時公患作 誦日熾匪憯匪煩以殖以遂綜其美效悉曰民利民國旣建迺與兵事 縱轡以少覆衆聞者愕眙妖髡眩誘殘孽與 夷荒礪我武器壽春既寧正陽受治曹伏斗發虓闞麋沸 比 游徼猝發取 城當賊 之睡 鍞 定蓋 普世 東廬 寐 吻 也 乃

きるるところ

3 - 1

狼禍 入皖厲其 簉 | 氣機熬莫當扇攪且肆公張疑兵沿雉竪幟開關 俟 敵賊 始疑貳戢尾 飲 蹄

轉趨鳳泗不 頓一 戟不蹶一騎淵乎大愷卓哉神智功成則退銘在羨隧鐫碑紀勳 萬 屧 弗墜

清中憲大夫署潯州府知府陽原井君墓誌銘

余伯子 · 珪 宰 陽原得友曰井紹先慷慨重然諾邑居未嘗與公事珪禮諸其廬遂定交焉珪旣 先世紹先泫然述其尊甫仙槎先生之隱德

因 請 銘 於 余 尔按行狀 君諱 炫文字仙 槎 **付祖諱張** 궲 諱 元成父諱均均贈榮祿 大夫 君 少 孤讀

鯑

京師

紹

先

時

來存

余審其爲君子人也則詢其

察殞君感痛二親復亡其穉弟居恆酸楚不可自聊光緒十六年江浙大水君喟然日老 書穎異以名諸生食餼愛撫其弟應星長日啓導無復倦怠應星旣入邑庠 食 餼 如 其 兄旋 # 生 以

時 恆以 濟 人利物為 心今南中苦水吾當悉母所有賑此災黎因貨太夫人所遺衣飾可干 餘

木梓 金 施 通判 含被災之民並棉衣數干襲旣以光祿寺署正援例得通判加提舉銜籤分廣西潯州 二十四年權武宣縣 等攝 潯 州 府篆 欽 加四品街賞戴花翎庚子拳 匪 亂 乘 奥西 府

狩聯 軍 北 來君感念鄉 土 防為 聯軍蹂躏 因投劾歸然比舍已多避兵君爲撫藉之衆賴以安

瞽而 封典君 危難 黃金雖多不以淫費爲仁不以嗇用爲節 者則 葬於某鄉 先次應星 則人不信 橋邑東之神涉橋泰山尉之永濟橋君皆無惜重資修之嗚呼染不積則人不觀其色行不 為夷其崎棧其傾靡金錢數千點邑之人乃履險如平地焉至縣四之濟遠橋宣大間之神 亂不君以千餘金創高等小學新政旣行君復以二千餘金捐辦警務得 日生以光緒戊申三月初六日卒壽若干歲配某恭人繼配某恭人皆端淑有儀子二長紹 脱手 予槥至以萬緡之錢百畝之田 資者資也冬既盡則聚錢千緡集羣瞽於門君自授之鄰之病 平日嗇於自 其事 數千 某原紹先 前卒紹先行能蓋能繼君之武其理家也肅其接人也忠居雅仗 若君者其可謂善於積矣然而樂善之心終始無懈也有所謂給貧錢者 金 日ではは二二年 來請 奉而豐於濟人馬連盤者 無所吝余蓋知 補銘因爲之銘曰 之深而信 為井氏宗祠 在乎用 之寫 在襄山之陰峭壁深澗行人往往觸 協中 祭祀此尤君之宿 也既交紹先因之愈服 而 行合義 四十二 也君 者則 心若君者蓋谿隅 以成豐癸丑年十月 與樂貧 正宗 君之格德君已前 旨三代均獎二品 而 **价氣誼處** 不能 險而 子 所謂 再為 死 貝 積 泉 君 殮 初

舉寘全地 侈則傷貨儉 唯 先是程 則傷事君酌 在德爲粹名子踵武蔚爲家瑞億萬斯年厥聲勿墜永安君靈安此羨隧 以其中儉身侈義不家之殖而邑之利有施必普匪 生不遂災黎纍纍

鄞縣曹蘭彬生壙銘

古孝子之廬葉以生人暱亡親也鄞縣曹君蘭彬營生壙於父墓之側且築室名曰喬蔭山莊

銘幽之文不其俱乎雖然人之戀親第 變廬墓之迹日月過從蓋終身廬矣又不已復請銘於余嗚呼預凶事非禮也君健在余進以 知有親之恩何必自虞其殞君既不 以爲 区 余 則 深 佩

也 
祖名焕父雨岑先清仕至同知賞孔雀翎君少樸嗇而精健舍儒業而就貿遷年三十一丁 。孝因爲之辭曰君名顯英蘭彬其字 也籍吳而遷鄞 則 未 大將曹公彬

其

外艱商埠中享大名者乃無出君右旣精泰西語言文字互市不爲人所暫且爭服其允時 上木商雲輳 君 官董震巽公所事人無 異詞者垂十餘年裝公澄衷者首創澄衷學校 於滬上 滬

甫經 十餘年而 始 延雨华公董其 學校屹然山立學者益盛君之功也君生平 事葉公旋卒雨岑公肩任者逾十年 以濟 人利物 m 君 刨 距繼 爲宗如四明公所寧波同 其後計 葉公 下 世

忠問 滸 吉祥之室百歲來歸我爲子必 孜孜淑淑所以保身歟君今年四十有三去百齡且未半配唐夫人舉丈夫子三赤城赤厓赤 求友得其類矣君 士有起民畝間 幼而佇諝方 圭女七人字者三人余既重違君請想吾銘之入土者更須五十有七年耳不妨預爲之詩日 息至今稱君者未嘗不稱太夫人余同年鄭蘇戡曾爲之記今君復徵余文以銘 嘗自以爲功生母李太夫人恭儉不張壽筵君卽節縮其千金築石亭於曹家山以 志嚮蓋可見矣至於設醫院平道路置義山築塘障濟貧恤寡繕祠修譜君皆引爲分內事未 鄉會樂善義葬會經君襄助事無不歲似桓寬所謂順風易為氣因時易爲力者乃不知君之 奉 政大夫貤 良有獨致之詣力不必據勢而 重其質養氣弗<del>是</del>納靈於 身 封 經數十戰捍 一中憲大夫花 日文をは一二世紀 既徜徉里第盛集古人書畫用自娛適花晨月夕輒諷嘯其間 翎同 大難全城堡而不得錄 知銜 集事但觀光裕兩等小學校之設君獨力輸二萬餘金其 惟善是崇匪力弗畢黜凱懲怚葆此真率是豈幽 候選府 經歷若谷李公墓表 功而仕于朝則 叔末之恪惜爵賞宜 其素書所謂 其生擴嗚呼 便行旅憇 其 藏

士氣 之挫 而 H 卽 于頹墜也嗚呼余于束鹿李公若谷之生平不 期慨嘆繫之矣君之文孫

余受經于 1 3 學堂雲不 卒業 而 殀榗 則 觥 觥 有英概辛亥以後遂不相聞丁巳十月

(共祖 中憲公之墓表屬余嗚呼公之歿在光緒之十八年其 時固未覩滄桑之變也

公四世成 有德皇在鄉里間 曾祖 學綱祖愼言父亞之皆贈奉政大失公諱全有字若谷號惺

療品 張太宜 成日爲孝友咸豐三年洪楊以支師北犯趣天 人舉丈夫子四公其伯也張太宜 人既逝公事 其繼 母孫太宜 人禮 如所生視 諸

津走連鎖僧

王

낈

索

倫

勁旅

蹲

之

弟尤篤

縣人

於連 鎭 餉 匮 一公定糧 数百石 濟軍王以 狀 间 獎六品 街十 年 秋 (西兵犯) **闕盗賊日** 竊 發于 畿 輔

廷旨飭 直 园 練 鄉 阊 公集其鄉 里曉以大義 句日間 得聯 村 光士數千人捐貲市械教以 步 戊

粗能 放 軍 而土匪祁 根竹雄 小雲婁占魁合椎埋之夫數百窺擾旁縣自寧晉來犯公部署壯

士盡銳 狀 夜集 肚 撲之逐北三十餘里伏尸相望婁占魁僅以身免竄伏冀縣之邵 上再撲其集得 賊 于窖中檻置 而 之官 劉 制 軍 長佑 上其 功以 府 村圖 經歷 再舉公課 縣 丞 選 用 知 其 時

同 ĪĈ 逋 這 尚 未华 गा 捻 匠已大猖 于 直 北 渠率 張 西 珠 等以萬 騎 縱 横 南宮新

公行縣大獎公能將以官軍二千歸公統轄扼賊于滹沱河公謙讓未遑也已而滹沱 守尿孽膝禿子以千衆犯晉縣公禦之于魏井乃官軍已躡賊後公合擊之賊遂大挫直督劉 爲功時賊氛尙未靖旁縣咸築堡自固公首倡數千金集合衆力堡成衆賴以安六年賊宋景 侍仰德俊聯章入告而制軍崇厚亦奏請賞戴藍翎 月復悉衆來撲公狙擊其前鋒,以紅衣巨礮賊大靡以馬匹器械無算高陽相國及河 其要害以蹶賊馬募獵戶槍伺其罅近即蹶仆復合集衆團扼守于智邱村賊少引卻冬十二 之間且北犯束鹿鄰縣避亂者老穉咸投厝于公公旣拓室以居並發廩粟用贍來者伐樹梗 曾文正督直<u>亟賞公能令襄辦全省軍務公以母老陳謝然于鄉里之事雖犯疑謗無所恡以</u> 擊殺數十 恨公之屢捨賊必欲 恩自晉窺燕公整隊扼之于滹沱河賊 出私資禦之全活 賊賊不能 者衆陳侍御廷經爲公可大用得旨交直隸總督差遣七年正月捻 支遁去公拔出難民干餘入城制軍官文奏請賞換花翎然未晉一階也 逞爲快公分其所部 一選自晉縣渡河北寬二月八日道饒陽深縣復窺束鹿 爲 四整疾無聲近賊乃讙奮公首犯陣斃賊 加同 知 、街得旨俞允公累勝賊歉然不以 河溢公 匪 間裘 含 四 張 總

できまった

義倉提穀事力爭之于大府聲色皆厲而大府卒不敢奪其志嗚呼湘楚諸將憑身手以入兵

問竟有獲顯仕者公百戰之餘仍優遊鄉里間謂標季之有公道耶生平嗜讀書課子孫必勵

行崇節以詩書爲歸捐田百餘畝置義墊使寒窶之子弟親學李文忠公奏請以樂善好 施 飭

其自行 建坊公仍晏然不以置念卒時年七十有一歲子三汝舟廩膳生候選同知汝梅 乙亥

恩科舉人汝餘附貢生候選郎中出繼其弟後孫四柱筠柱輝貢生柱培其檉均候選同

知汝

餘之子八樾庚子辛丑恩正併科舉人度支部主事以覃恩貤封公中憲大夫次榕廩膳 生植

優廩 L 生孝廉· 方正栩縣議員兼保衞團長櫄榗 中學畢業生杓棟曾孫九炳辰候選同 知炳璇

書炳瑤炳琦炳瓚炳隨炳震炳巽元孫七公旣葬銘不余屬榗旣以石

表徵余

文略敍公之戰績俾知厚德之君子亦未當不以武節見也

炳奎

中書科中

清修職耶訓導徐君墓誌銘

美皐襲其先業鄕里稱善人君少穎異以名諸生累應秋試不售途絕意仕進援例得訓導隱 君諱 
祖首字書樵姓徐氏福建莆田人也祖學進子身至省會以貿遷致富享年九十有二父

文以郡試第一人補博士弟子員君喜曰一衿雖微然讀書種子有續矣性好山水聞余博遊 矣君裔于自奉布衣蔬食終其身然鄰里告貸輒不之卻其導諸子人授 資其浪擲 手足三人叔殀 君乃舉中亭新肆歸之葆元一身蕭然無復餘資族黨居間者恆腭胎覘君意嚮君長喟曰吾 讀書不問出入又子姓繁得肆中歲劃之羨餘不供米鹽衣着之費因而舉債葆元遂請析產 真曰葆元葆真謹愿虔事其兄顧早世葆元能賈遂與從兄振新析產 以故說者爭集其肆以微貽得金鉅萬美皐公繼之徐氏良賈之譽遂傾南臺 恆微覘意旨動適所需學進公初置肆於南臺售榛栗棗脩膾脯糗糒之屬恆橋揹其精良者 蕉竹中或彌日不去美阜公年六十疾動近瘺廢君日夕侍側母夫人亦患痰喘君躬侍二親 **居課子余讀書龍潭時與君鄰毗日過從講程朱之學君被長帔交其膝寝衣廣袖與余坐論** 南諸 山恆以 無爲 也當君讓產時余適北行聞 書索遊草且自尤其腰腳之弗健及君歸道山訃不時至余尙以書寓 而季存寧能以區區者絕吾骨肉之愛諸子賢決不須此脫不肖者多貲適以 而歎曰書樵所爲如是平日服膺程朱爲不欺余 而別營一肆于中亭君 一藝叔子宗穉獨 君 有兩弟日 君宗 稈 葆 能

支配二层

**9** 十

捧而大哭讀而焚諸君之靈座嗚呼四十九年之深交乃不能拊棺一慟其負吾良友爲 何 如

**穆業商次宗**稱以 也君有書樵漫草四卷越麓日記十二卷彌留中悉令焚之配王孺人繼配陳孺人子七長宗 郡諸生由福建高等學堂畢業奏獎拔貢留學日本法商二科學士三宗積

福建高等學堂畢業生奏獎優貢留學日本法政大學任南臺地方審判廳 推事 前 君卒四宗

穆英華書院畢業生供職閩稅關五宗秩早殀六宗穢福州英華書院畢業生七宗稼幼讀女 一孫七孫女十一曾孫一君享壽六十有九旣葬于某鄕某山宗稷以狀請補銘因爲之銘曰

僚而若愚聽摑鈔而不以爲疵惟荼之茹惟道之娛窆于茲銘之以林紓

馬遜庵生壙銘

海 城馬 遯庵 管生壙于馬家屯因余友成澹堪來請銘夫營生壙達觀也預凶事 非禮 也顧 達

姓馬氏曾祖有英公妣林夫人祖鴻典公妣劉夫人父慶陞公妣沈夫人本籍山左清初移 觀之人齊生死一彭殤寧以凶自諱避也因爲之文以歸之曰遯庵名忠駿字盡卿一字 無 悶

始 出關 隸漢軍廂白旗佐領下以農世其家至君始以宦顯初入盛京將軍裕公幕府積 勞以

知 府 趙次珊尚書開府陪京偉其才畫奏留本省補用奉旨特允尋以勳效連最得道員加一

窺擾陪 品銜 君 沈 京 總督增公遣君 一審有意略膽幹兼人且辯慧不爲 赴旅順 (與大質) 阿力克協夫議停戰君 人屈庚子變生于內列强麻起而 以誠 語譙諭至于累 北鄰尤慓銳將 日阿 力

僚稿 克協夫不能奪卒 藏 逃匿至百餘萬之鉅君 如議以歸于時君以使才名陪京矣辛亥之變吉林全省権 于 此 乃時受事 不事 糾 刷而羣吏感其 廉 誠 自 相 運無 催 勒 所控攝 無 復 逃 漏 庶

悖計竟無所逞論邊才者咸惟君爲第一 君以懷諼之足以迷國也媒蠍之足以害明也逋穢

商民

稱

便官帑以充黑龍江密

通俄羅遙

氣所及鐵路交涉動至訟鬩君機鑒强敏

弭

禍

無

形

之足成爲大梗也乃委謝名利 樂就山水于哈爾濱馬家溝住宅之東南五六里 地日馬 家 屯

裁 五 <del>-</del>f-·有三以 百 华 計 身 一親此壙 者尚 隔 四十 有七年莊子日聖人將遊於物 之所 不 得 遯 而

治田

百

一畝築遯

國以居顏

其齋日晚稼

軒

自號

日

無問

主人就園之西

南

隅營生擴烏

計

君

年

皆存 余以爲 不 得 逐者自 1然也存 者不 知所謂 也 盖 云视 其生為 亡不 以爲 存 视 其 死 爲 存

不以爲亡又何往 前 非存 故今君之生擴即 君之長存也君夫人解氏簉劉氏子四女六 m 晚

E

華秋雲則其侍人也余向見龍 眠寫四園雅集圖王晉卿一 一姬皆侍研 席惜余不 善蠢仕 女不

然將虛擬其髮影而歸之君矣誌成敬爲銘曰

知滅于冥極 則無涯者焉吾賊順一中道處真常德保身全生于是乎得隆乎封者此壽城

小

人代焉 君子息遺之後亂爲世千億

清處士甘 君紹堂墓誌给

蜀 中甘生大文少年英特其爲文也高騁敻爲乃無介而請業於吾門進之則辯慧能審古人

所以用心於文字問者蓋可 山水奇麗靈氣積鬱恆產隱德之君子如甘君 語也壬戌正月奉其镎甫紹堂君事略乞余補銘其幽嗚呼蜀 其 一也君諱培紀字紹堂祖諱道逃父諱家本

中

鼤 器之既長輟舉子業而行商姊亦適張氏顧貧不自存君爲買宅姊苦不育日以邱 有學尚 君少遭憫凶繼母陳太孺人撫之有恩意同懷姊則口授以語 孟姑丈周君朝珍甚 隴不 治爲

憂君曰歲時奠畷我自任之我死則任者吾子孫也姊百年之後復奚憂已而果爲 姊經紀 其

喪封植其墓卒踐平生之言君規檢嚴而 有沖操問恤貧乏惟力是視恆用立身行己之道医 北京了一

Ĺ

生已逝之繼室李夫人出乃不 私于所 生仍 致孝於張夫人則其 湖誠 盡禮于牧九先生 者 孟

矣禮 闰 爲銘 夫 人 姓張 氏榮陽處士 張 君 建勳女也居邑四之南 流 村 年十七來嬪宋氏 時 先

生方 肆 力於文史蔚 爲 詞 傑 m 夫 人亦 該 沙能為 之隱 閨門 豧 穆然 亦不 假 唇刻 日 息 息、 于 米

鹽井銼之計故先生得不問 其家事而 治文章 旣 m 先 生以 第 一人入邑庠 T Ė 中 州 大 無 鄭

尤槁乾宋氏故多田然亦累歉 者載道時復苦疫煙娺 而罄顧親族苦餒者仍醫集其門夫人哀之力嗇其所 死者相枕藉先 生於所識 者旣 爲 切脈處方起病 者 奉 者以 衆 然

而

夫人以盛 能之後 亦嬰疾以 就赢 始迄以光緒 四年 正月二十二日 四 時 卒年二十 有 迎 子 襄

瞻貧乏稱

女少真均 天以 此 之故 庚蔭乃益 悲共 母 也夫 人 · 婉恣有儀深 疾世 俗 之涼薄 旣 不 逮 事 其 姑

則盡禮于其 # 母王太夫 人人扶持 抑搔 侍疾至忘食寢王太夫 人 八亦視 之如 愛女 斗 後 恆 観 述

其懿行以示庚蔭故庚蔭之視 之宅心忠厚宜被戩 于天何 張 猝構蹇癘 夫人亦如震川之凄戀其母抒哀于 **瞑勿视冥冥者其可** 知耶 युष 其不可 略 芝中 知 其詞 邓 鳴 日 呼 鳴 孝 呼

矣夫人 人生前 好 吟詠 尤以 (唐之開 元大曆爲 正宗恆以 蜖 頭 細 害積 為 数帙 加之丹黃凡涉于

忠孝節義之什恆吟諷不去口庚蔭之生距夫人之逝已五年矣而夫人之母尙健旺酷愛其

外孫迨庚蔭隨宦隴右匆匆歸汴未及謁而夫人母日趣人具食以待庚蔭向 也今將以戊午四月啓夫人之攢與牧九先生合葬于王府墳之祖塋並其弟庚倉庚原 人述之猶雪涕 前來

乞銘余感其兄弟之孝且夫人行應銘法因爲銘曰

年之弗昌賢者之悼也賢

也嵩山峨峨汴水滔滔清泉白石奠此玄宅既堅既牢永利其孫曹 而獲聞又天之所以勞也德敷其子而致其孝孰謂非躬仁者之效

清中憲大夫邳州知州東麓王公墓表

制度 東麓王公之州留也諸子爲治凶具公詫曰服改矣汝輩將用何等衣冠殮我者諸子以前清 對公歎曰我固清室老知州也且易賽矣復顧諸子曰田橫之五百人寧無復仇之資 乃

騈 耶諸 子莫對公途瞑 此吾友劉少崧告余者少崧蓋少小受知于公長而 教育之者也 並

宜爲公辭公諱肇震姓王氏字生之東麓其號也系出晉太保祥太高祖者聘始 請余爲表公墓嗚呼公平日恆自稱亡國之大夫寧知清亡而公心固未嘗與之俱亡也 由 臨沂居費 在 法

とというところは

L

乃世 一爲費人質組淑濬公祖訓導公杞考興麟公官松滋知縣寇犯鄂松滋公自差次履新公

兄弟 均 在 圍 中城破見擄老僕黃登僞降乃以計出公公年甫十三耳松滋公亦歿于 住所E 公

櫬于松滋時公已以第一人入郡庠會賊發于蘭費之間號曰幅匪宣化公以忠義號召里中 依其世父殿麟公公方解組歸自宣化者撫之如子而公卒犯百險歸松滋公及母趙夫人之

少年擯賊於肇鼎陣殞公年二十一投袂起與旗山寨劇賊孫化祥相持者三年賊鋒莫敢逞

賊砦克之膽 而郡 縣成倚以為 力偉壯善以寡聲衆捻匪李成擁數萬騎過境賊火映發近百里公聚壯士百餘 重旋從蘭令長賡撲武得賊巢被創幾殆又以民兵百二十襲費攻嶮峻之

人夜襲之賊幾驚潰 愐 陳公國瑞適以銳師至賊平公自笑謂爲天幸也大府上其功以府經

歷歸部選用尋用閻文介薦得旨選缺後以知縣用加五品銜已已復用文介薦擢知縣遂依 外舅海 .曲丁公于鄂中以例指分江蘇任徐之睢寧令下車斬劇賊王狗熊而徐桂堂者仍廢

亂縣中適 中咸偉公能 有名妓願脫籍者公下令日孰得徐桂堂者以此妓偶之已果得賊公如言于是郡 既調 宿 遷河決飢民環籲賬局聲洶洶然公至令列炬開 門犯風沙立河堤上慰

153 WICH 11 1 MIN

1 -==

長 。聿德浙江候浦縣知事次聿恩山東師範選科畢業三聿壽山東高等學校畢業四聿 敍陸

軍軍需學校畢業餘皆幼母孫二人士壯士慶女五曾孫女三令將以某年某月葬公于村西

新阡余感公之節概及其治績又重以劉君之請因爲之辭署之石表

清贈奉政大夫東鹿李君墓表

嗚呼何束鹿李氏之多賢也古稱 其地仗義尙俠人習文武余觀于李氏而信矣余凡再表李

氏之阡屬者李君寶鋆復爲其本生考渭臣君來徵文然前表均敍武節卓然爲北方魁傑之

也 大夫 曾祖 (君少穎異讀書必洞旨要索經得奧擷史得綱百家之書咸捜討磔裂勿憚苦慮於是 · 訥增廣生候選訓導祖希聖太學生考全智己酉科武舉授武德騎尉三代均貤 封 か

蓋君之事母孟 文藻蔚發為 一時之冠以第一 一太宜人問以孝聞矣猶自弗慊則視于無形聽于無聲無敢遺晷刻之懈伯兄 人補博士弟子員君日文不先行吾當務實踐踐實 必躬孝悌

湘浦君溫裕有容君事之益恭其訓迪子弟以克己厲約爲塗軌務凝斂神志不恃科名爲浮

まで新聞にいい

兵法悉阨塞險要聰明蓋若天授當是之時北直屢有寇警若谷公度其鄉里之壯健可以爲

斬首磨公單騎逐賊賊攢槊以進公大呼陷陣賊咸辟易會援軍至圍解劉制軍長佑上公功 兵者結爲巡社已而婁占奎聚衆數百人撲寧晉北犯束鹿若谷公以鄕兵敗之于周家莊捕

以萬騎窺擾直東南宮新 奏請以守備 候選議敍五品銜于是東鹿軍鋒流寇咸惴縮莫敢遠逞同治元年捻匪宋景詩 河諸縣咸被兵衆以東鹿李氏兄弟爲劇賊所憚 爭攜 家 來就 婦 孺

不及至亂平始已公勇而寬裕尙然諾崇勤抑荒謂阿芙蓉之流毒中國壯者以靡學者以惰 **糨屬于道公憫其流徙則告之若谷公除舍舍之日發倉廥膳此避亂者公自巡視** 弗 令 有所

法所不逭嚴飭子孫勿犯雖躬席豐厚然不自暇逸秋稻既登恆率舊時巡社之少年較獵于

既煽古 原野雖 風 禮漸就夷沒而公於鄕尙行儺禮人人樂其和易時聚父老談里中軼事相與笑樂然 雪兼天仍怒馬獨出公蓋謂丈夫不自振刷疲其筋力懨懨 如沈瘵者可悲也歐風

遇非 卒于家享年五十有七歲配王宜人附子汝春優廩生候選訓導汝桐候選同知贈公如其官 義之舉則 凜然 必加 訓 迪雖 戚院勿憚 人以此愛而敬之光緒十二年正月十九 日 以疾

稱燕趙多感槩悲歌之士此昌黎送董生之微詞也公忼俠尚義而本之以孝友寧如昌黎之 兆選庠生女二孫四桂岑太學生寶墀貢生桂銘鳳生國史館謄錄議敍鹽大使寶鋆邑庠生 藍翎同 知孫女二會孫六炳琳炳瑜炳琨炳璋炳琢炳琮曾孫女六元孫一元孫女三嗚呼古

誼故樂述公之懿行武節以表之阡次

所云公之會孫曰炳琳者奉狀至吾家乞爲石表之辭而公從孫曆又從余授經者以通家之

清安州馮先生墓表

安州馮生肅恭孝友人也前此十年余主大學講席時生曾與弟子籍屬已供職于外交部而

部人成偉其能官也其世父倬甫公殁二十餘年矣生追憫先德且不忘教養所自以余通家

倬甫其字也籍直隸之安新縣居端村鎮少而該敏讀書尋虚逐微務得真際居恆落落有贮 因徵文以表其阡嗚呼滄海橫流中而生獨敦古龍以振叔末澆訛之俗何其孝也公諱汝緣

仲弟潤卿又以癃瘵死公以親邁弟喪乃與季弟謀自輟己業變業爲貿遷然得問 想然廉退縝密內而家庭外而交際咸衷以禮言笑不稍輕荷父牖雲公饒于財而 仍日流覧 體幹種慢

田文 新聞 111世代

えける

L E

卷帙用自娛適商業旣日隆起而牖雲公養疴于別墅公奔走定省雖 細事 必諮 m 始 行 然 其

教子姪也嚴毅無稍假借日以身爲率其韶子弟曰禮循隄防也弛防而潰害甚于洪水且爲

科名 而讀書其志尤極卑劣詩禮中固有大義通其義則修身涉世畢其內矣生平不御豐 腆

而 脊 親 則 備極甘毳 出 |納有制然親朋語以緩急則慷慨無吝容光緒二十一年七月二十二

公後次廟仁北洋法政專門學校畢業生女子子二長適王鴻敏次適王藍田孫二汞謙 日以疾卒于 連第<sup>1</sup> 元配 朱官 人前 卒繼 配張宜人舉丈夫子二長肅寬己酉拔貢生出 機潤 秉恬

公既 。葬倉卒中未有銘幽之文遲之又久始澂文于余嗚呼庸行之不磨而醜言怪節 者 恆 嘲

兄弟之孝亦公之能仁其子姪故生其追懷之思則馮氏一 門固足以礪世而磨鈍矣因樂爲 肅 恭

### 之文以表之

屏南徐君矎軒嘉表

嗚呼余身處中原蕪梗之時骾治蠹化者方倡爲夷滅倫紀之說利 者麻 起雖 悉力與搏莫之 其

身

力

致

肣 也 計 唯 有敍述吾鄉有至行而躬孝友之君子使狂僭騫義者聞而發媿焉則汾洋徐 君 饄

裔盟父居盛君有兄曰炳文官甌寧訓導君娶吳氏續娶胡氏君少而穎異與兄炳文共肩 軒者其行 足以 勵世矣君諱蔚文字揚墀姓徐氏霞軒其號也 出為閩 之屏 南 人曾祖 奇銳 祖 輿

父病 應府試見者蔚然稱兩 罷試 賉 歸蓋當署 而病 **种童也既補博士弟子旋以優等食餼應拔萃科再冠其軍旋得** 洩污及茵褥臧獲莫與 中帬廁喻之役君則親 収 而漁滌 之躬 矣以 侍

湯藥六十餘 日夜則露香告天而 居盛公旋捐館舍君哀毀幾於絕粒顧以 11 在 始稍 進食 自

請杖候老人意解始起雖兒女成行而曲意承歡厥狀猶孺穉也其事兄炳文尤謹甌寧訓 是絕意仕 進 以 衣 册 終其身母夫人端 嚴匡勅 理家 動協 軌範意稍不 懌君及胡安人咸膝 草 行

耳炳. 文任訓 君資在兄先顧遜讓請兄就職且曰兄得仕所以顯亡親吾終養所以慰慈母兄第行 **導年餘虧累滋鉅請於析產之日劃以自償君不** 可屏之爲俗凡身任家政而 能 可

介於豐裕 君處已約而得 者必 別酬之以 人恕苟利 (腴田 於人雖傾實 君曰兄弟同 無憚科舉既罷君遂創立簡易識字學校及高等 產共利焉 有別 也吾鳥敢 私 先 人之遺以自肥

Ĺ ;

飾得獎同 小學校各一鄉有二亭一日道日一日安邊歲久且圮君爲庀材修之晚清之末君以捐資助 :知未及仕遂構國變而君亦歸道山矣君生於淸咸豐丁卯年十一月五日卒於民

國己未六月念四日年五十有三歲繼配胡安人後君十日卒子四式圭式莊式周式廉式廉

爲胡安人出女二長歸楊氏早卒次未字孫三女孫二俱幼嗚呼盲者之閉目如寐喑者之閉

惟型其家亦足以型末俗矣故特書其梗概表諸其阡 者使之型其子弟則異日反諸其身亦適所自窮若徐君之躬行孝弟至於老暮而無變者豈 口 如 默 反倫夷常者之持論如新然覺而使視問而使對則盲暗者窮其以反倫夷常爲新理

清處士可園陳先生石表辭

嗚呼有明之亡遺逸之士或隱或見或被刑禍以死或廣授生徒著書等身或身死而遺書 晚

出 族自相愛護其感先清養士之恩甘蟄伏而不出世亦以遺老視之一 然 町 錄 而存其人十僅五六而稿死於山林者不計焉以禁網嚴而媒蠍夥也清之革命 無所忤故金陵可 園 漢 陳

處士抱奇壽以終其遭際如夏峯焉處士名作霖字雨生晚年盲其目自號曰盲和尙所學沈

後進競尚新學無可託乃自爲斯銘越庚申喆嗣詒紱與紓相見京師述處士生時常稱紓之 禮園記 爲入高賢贊取管寧陶潛司空圖顧炎武此足知其志矣享壽八十有四歲臨命自製墓銘謂 至夥顧蕭曠不事米鹽之末日遨放于山水間金陵近畿諸山麻鞋遍焉所著書二十五 自給三上春官報罷遂不復圖仕當道儀其宿昼禮聘修江蘇通志並主奎光書院講席 博恢富少有神童之目曾祖某以名德重其鄉世稱曰石渠先生祖豐之以名進士官中書父 詒祿 處士之不 行能為其類因以阡表屬舒嗚呼世變之亟乃有六朝五代之末所不經見之亂民戾士囂宜 葆常爲名孝廉未仕故處士年十五補博士弟子員光緒元年領鄉薦時金陵新復處士授徒 一百七十四卷富哉言平顧以孤介之性值權綱漼弛盜賊橫放之時 一代之完人處士其可以瞑矣 治毒 輕屬人以文乃身後 日文夏里二二世 而舒適爲處士表墓則果氣類相感而然乎處士子四人詒 五十 則託於詩歌以抒其 有 種都 得士 紱 清 悲

禮墩 者昭 通 李君勍風兄弟築此以娛其親耀庭太先生者也地曰鵝頂大江自西來與涪江

樂勍 合重樓合閣均在雲際巴渝之勝槪也先生事親爲孝子殺賊爲健將迨老則翛然一隱淪 風兄弟之養屛居此園江氣侵曉而起修白 一道仰合於松篁欄楯迴曲窈而 深繚 而 也 復

遊人乍至往 往困於奧綠 而不知 返山 石 器 問 中醫然乃見池光芙葉送馥溽暑爲卻 凡樓觀

亭館可十餘處則皆匾而名之獨角山樓下俯涪江爲全園關鎖之筆天碧在襟雲片入檻俯

視風帆沙鳥皆平過樓下翛然不復爲 人間想矣嗚呼方先生遇回亂舉家伏寬於仙 人洞 洞

涪江之勝 固以仙名然賊火向下燻灼幸 則 洞之仙固不 如仙其樓矣先生會以鄉兵破賊鄉 而不死則苦疫而僻惭家人且盡其半以視今日憑斯樓以納 人服其 武節既逝勍 風 兄弟即

營兆域于兹園而 海 內 詩 流 過渝 必憇 其園凡投贈題詠幾盈牛腰恨紓獨 未嘗至 耳前 此三

年勍風以圖見屬余苦亂未之應今冬復以音來爲圖而歸之迴念漢回之鬨在園之未成乃

汕潮 今日之創 林氏建立太師 渝者 尙 為回乎不知兵烽曾近于是園否余問甚惜先生之不再起與一 公廟記 角兵力也

堅公之取長林爲林氏猶李氏之以食李木子爲李氏唐高祖 湖發源 吾林氏先祖太師公爲殷宗之懿親剖心而死于獨夫之朝公子堅公逃長林山遂以爲氏追 所在則見之林賢所著元和 姓篡而後 人以為吾林氏為周平王庶子林開 朝博士林立 無議之者 之後 何 設 為 議 也

于衞輝或疑墓之有二叉安知 南之衞輝府去城十五里衞爲殷墟則太師之葬衞確矣顧有人于偃師得銅盤銘篆文少 及長林之非 吾聞皇族 以以陳林 偃師之刻非好事者之所爲耶夫偃師 爲牛陳爲有 **媽之後林則太師之後皆聖裔** 之碑 可以贋爲 也 太師 丽 則林 荻 在 異 開 河

之案以 之說決屬臆造則鄭漁仲亦疑吾林氏祖長林 爲能 一滋可笑也近者余聚徒講學于 京 が林 之非 生修 初 無 確證直 來 與 諦 席別 考訂 家自街其淹博翻古 余 歸潮 將集資建 太 人 師

廟于汕 皆 河源于祿公東上之則溯源于堅公吾輩知崇堅公爲始祖則凡氏爲林者皆伯叔兄弟 頭 昭 報 本 反始之意賢哉修也吾祿 公之後子姓繁衍至十餘萬宗譜 至不 可 考 實 也 則

處 猶大帥將百萬之師隸尺籍者胡能 和 集則 守法棠棕 之華緊緊相 附 nij 生不 皆稔其姓氏知 有其根株 華义焉附堅公者吾林氏子孫 為大帥 之卒徒衝鋒 陷 陣 則 所 同 託 命 羣 m

大学二十二章

ュー

生者也心念堅公則不能不念太師公之盛德而遺其後修之集資建祠可謂知所本矣紓老

先烈也所願吾同姓之英臣亦本道而崇德無負太師公之遺澤斯則今日立祠之本意也戊 而不文伏蟄京師于世無一長之足錄獨保守其遠祖之遺訓不敢爲惡以取戾卽防其玷我

午十月裔孫紓記

山居課子圖記

余居京師得友三人日宋鐵梅日成澹庵日徐敬宜皆吉林人也之三子者咸貞整有道素過

從甚歡余恆虛敬宜果爾我生於宋季與明初者當終身不復相見宋時燕雲十六州尙屬北

於是相與大笑合者敬宜以鄉人集舉而長吉林所謂長者卽前之巡撫也敬宜德動於衆仁 朝而明固有遼陽松杏然所謂果勒敏珊延阿林者不歸明之版圖則余與君又何投契之有

被其州以州人領本州事吾問 知敬宜之必有洽於吉林人之心也然敬宜生吉林長吉林我

世伯驗修太先生义爲吉林之耆德郷人儀太先生之沖操器望其必以禮太先生者禮敬宜

矣敬宜既以孝行名其州嚮督以山居課子圖見屬余苦於鉛槧未之應也今敬宜且別我而

しなどとなる。

歸吉林想東至至昌時山居常髣髴其月影燈光愴然而思其親矣吉林之山在古爲肅慎山

天而翳日吾問去知當日讀書之在何所度其地必有清泉美石佳木因以意爲之重在課子 海經稱日不成後的魏始日太白金則日長白清仍之草木多白然興京之納魯窩集則高樹幕

## 不重山居也

## 九謁 崇陵記

**紓以庚申十月二十日破曉趁車祗謁 崇陵易車於高碑店過淶水毓清臣及張君聘太守** 

供文忠象左方有小扉通文忠墓既至以隻雞斗酒奠諸墓下嗚呼臣不先君紓此來爲謁陵 遇舒於車次同至梁格莊過梁文忠種樹廬已爲人賃居途入文忠墓廬廬即文忠之葵霜閣

來不宜私奠朋友之菜顧文忠精靈實戀戀 先皇者蒞墓告謁陵之期冀吾友精靈偕我三

水聲出亂石間 人共朝陵也既奠而悲是夕輾轉不復成寐五鼓起肅冠帶嗽不可仰既登車 蓋橋圮而水漫也主祭琳國公預戒執事以辰至乃假牲積庫靜候已而 嗽 止近 神 國公 橋 闡

遣騎延紓及清臣君聘相見於西朝房國公年二十餘喟曰余此來奉勅來諸君之來蓋爲天

THE PERSON AND ADDRESS OF THE PERSON ADDRESS OF THE PERSON AND ADDRESS OF THE PERSON ADDRESS OF THE PE

ī. L

31 Awa 15

良來也紓凄然莫答禮成國公送紓輩於廡下更前垂及玉階紓進曰此饗殿之前墀也公止

嗚呼天潢中乃有謙下如公者 先皇帝之澤未泯矣紓至此凡九度而祭品日形其縮陵戶

臣 且多飢色九年中頹替之狀皆足增人之悲矧神橋一圮三年弗治後來益不堪想矣七十賤 一來已逾分矧能爲無窮之憂亦公所謂遂吾天良而已因記之寄示清臣君聘二君子於淶

#### 水

番禺梁文忠公種樹廬記

種樹盧在梁格莊之西 行宮之東小屋三楹老藤交其簷則吾友番禺梁文忠公廬於是爲

人子奔 先皇帝種陵樹者也方 ,其親喪之禮旣至項城以邏騎日尋迹其所在語當事者不聽入臨公自席婁於逆旅 先皇帝賓天時公在南中聞訃括髮袒見星而行望國門而哭用

葉宿於 中夜枕塊而哭哭凡九日哭天子之禮也旣 行殿廬次廬居二年日泣告諸當事者趣起陵復輯萬金爲倡且冒 而 梓宫奉移至梁格莊公以 麻衣犯風雪復席 風雪至陵下 語

守陵衞士以臣子之職人皆爲動已而陵工告蔵公朝衣荷歸親植一 二柏於明樓之下柏青葱

議賽嗚呼公生平厚我我乃不能報公竟貽此無窮之悲也雖然廬邇公阡歲再朝 發宮此何可也因述公生前相得永福寺後官地一區自定其窀穸之所既語郎中而不 風 不能止余以勿悲聞李公將奏請以此廬永屬梁氏余悅其可以歲至是間也因爲之記 之廬謁公之墓禮所謂有宿草不哭余亦弗知其能禁與否然君臣朋友之義卽有禮在亦終 其公于紓悚然爲之告諸陳太保及朱伊二師傅請如李郎中議已而李公來言公家憚 語紓曰公家問不重堪與言然地蹙而村囂匪惟無神道不足以碑且人家炊煙日綿亙及其 矣公遺命葬骨於廬之東莊人叢葬處也守陵郎中李公遐齡不及知其事既葬乃大悲奔而 高三尺許臣紓智以瓶水跪灌其根則公所命也嗚呼公今已矣紓再至陵下廬中不復見公 雨恩勤圖記 CHIEF CHICKNESS CONTRACTOR STATES OF THE STA 陵宿公 及語 遷葬

で置二二世

劬

如犯袋風懣雨而

圖

為唐企林大令用變風鴟鷃詩意斷章取義囑爲賢母謝太夫人作也太夫人極母氏之勤

全其家企林兄弟哀其母爲子姓勞瘁請製是圖然圖者圖其迹莫圖

其

毎

亭

ドト

〕則仍爲萬山風雨之中母子一廬情話使觀者知賢母之心可也嗟夫紓亦喪母之人耳

見孝子思親未嘗不爲心痛矧太夫人在新孀之下分遣諸子就學家無餘贍實家日叫囂於

其門太夫人僕然不爲之動是直堅坐於饕風懣雨中矣觀其訓子之言曰人患不自立橫逆

於今日聞者慚 之來無較也及企林兄弟咸得祿養宿迶 不可仰鳴呼此光風霽月之言直開舊時之陰晦仰見寥廓矣迴念亡母陳 一清而太夫人語資家日幸諸君雅量寬假 孤孀 太 至

孺人身處貧罄之日親黨中有加以嘲斬者太孺人如不之聞及不孝能養轉爲其家手葬三

企林出宰良鄉時太夫人曰循吏以善爲程尙有無心之過須知仕途中造孽易而積善難若 **棺焉蓋慈母望子心醴務樹德以培殖之固無計乎排媢之來今證諸謝太夫人乃益信矣當** 

由官致富則直自到其先德卽以八珍奉我我心戚也以故企林歷任煩劇均著風節企林

兩弟日勵日凱勵爲吉林和龍稅捐局長凱為陸軍測量局科長咸以積學聞於時 太夫 人年

七十卒於津宮而企林之來求圖時念母之容戚然余心憫其孝也旣爲之圖並述其所聞 記

#### 之圖後

理耕課讀問記

上で言葉二二世に

ブト

之靈蓋天相夫人有以活此州民也及臨元調署榆樹雙陽諸縣夫人恆隱屏後 聽訟 偶得 縆

賢臨元之孝余又何靳此區 **瞭必使臨元反覆訊鞫務得實而止以故臨元事母猶師尤欲得余文以表彰之嗚呼以母** 區者而不爲之辭臨元家上谷與定興鄰定興鹿徵 君父子節 Ż

林壑吾圖固不必悉力以求肖也

鄉也

一城外景物吾圖雖

不 得

其髣髴

然田

家

風

味 म

想象

而 得

且爲圖

藉以彰母之賢至

山

## 秋室研經圖記

出始定今名晉皇甫謐就經中分素問 有內經即 周禮天官太宰以經邦國註經法也釋名經徑也如徑路無所不通可常用也故儒 為法而 利於常用者漢書藝文志載黃帝內經十八篇不稱素問後漢張機傷 九卷鍼經九卷與漢書十八篇數合後此靈 藲 有六經醫 头

卽 唐王冰 改九靈之名爲靈樞杭 世 駿引隋 書 調九靈別為 書駁之聚訟紛紜 均 考 訂 家 之

出

或

言與醫道無涉夫張機醫之聖也旣宗內經猶 習儒者之必宗六經吾友浙西陸仲安先生以

醫名京師治內經絕熟余耳其名未之奇也前年第五子璈病癛隱而且堅先生曰危候也治

ヨズ重品二二世紀

ントニ

所學而清望轉因而減此寧謂之知其不可而先止也耶武侯之澹泊知止也其能有爲者遇

靜誰則足以劫脅遏抑之者則宜乎泊園終稱爲公之園也園之大不能過三畝花焉竹焉 昭烈也故師侯者當師其止不當競其爲公積書連楹名動海內身膺疆寄終泊然 一歸于恬 石

焉 水焉 朱闌曲折徼徑通乎深綠公堅坐讀書吟嘯其間其視擁重兵積厚貲用以熏轑天下

者吾不必較其優劣但權以勞逸公終以澹泊勝矣雖然余意仍望公之爲而不樂公之止今

爲泊園之記且媵以圖者重違公意也

一六合十齡童子賊中尋弟記

林紓曰天下孝友之士有中必死之法而卒遂其不可償之願而獲全其間若有鬼神陰爲之

是也錫之爲道光時人長余過十歲不宜目之曰童子顧不稱童子則天賦孝友之性於人者 相理終不可卒度亦僅委之於天而已如吾所聞六合十齡童子吳錫之冒萬死於賊中尋弟

氏童子有兩弟日嘉炘嘉佑敬夫爲邑諸生文采鴻麗江表之士多與納交率知名者咸豐二 不爲奇故仍稱以童子誌奇也童子名嘉祺字錫之世居江南之六合縣父永寬字敬夫母巴 告以零弟

而

來李復驚

日然則

岩非

吳

(氏兒耶

何

面

目

之捻

既窟宅於滁

童子行乞將至滁夜中遺失道髣髴有白毫光導其前往往恆得道饑則擷取未熟之黍菽食

亦偽立官府不復遮殺行旅童子行乞滁中經年

日忽遇

一士流

於市驚

覓陳尸 請尋弟堅不許則竊錢四百而出巴夫人再失其愿子痛乃尤甚然無如何也時捻賊屯滁州 顧父母念兒甚巴夫人尤痛不欲生日就癯惙童子曰弟亡母决不生求生吾母者必得弟再 及隨在糜碎賊酋李大受適以衆至童子遇之於關山道舉家伏叢莽間賊過嘉炘竟不 必取道來安經滁州越關山道始達時劇賊 其三子夜縋 在敬夫夫婦大悲以嘉炘決冒賊刃以死賊中恆以槊貫嬰兒爲戲嘉炘甫五齡定不 赭 寇陷金陵六合屹然孤懸江北為賊之所必爭顧乃死守以阨賊衝城且下敬夫夫婦率 無 五 一歲兒形 M 出避賊於池河鎭鎭故有田則童子曾祖慶元公別業在焉 如 嘉炘者知 未死也既至池河收遺田五百餘畝幸遠賊鋒因恃 四眼狗以十萬衆躪皖北河南捻匪應之蠭氣所 池河屬皖之定遠 免顧遍 耕 知所 而 食

似敬夫耶士流氏李爲敬夫友陷賊爲記室童子得父執途遲 若弟固 在此 矣先是嘉炘失其父母及其兄弟時方五

一輪作兒

情

て一三

唏 向賊求面其母爲賊將衞姓所得樂其幼愿而白皙恆以自隨賊中咸目曰衞氏兒也時 衞

方以能軍見賞於巨酋立躋偽職深以得兒爲祥出紅錦裹其身縱之遊行於賊中李以鄉音

固稔其爲吳氏兒也及聞童子言則爲請之於衞衞以李方爲記室暱渠師重違其請遣嘉炘

與童子相見於壁門之外抱提大哭衞亦憐之資遣以歸兄弟突至拜其父母父母怪駭 如 接

作也廷璽兄伯震私其妻子於道州無復友于之愛廷璽不忘其兄閒關求之顧長大非童子

夢寐於是鄕里譁噪以爲吳氏兒果得弟歸矣嗚呼黃藜洲之萬里尋兄記爲其六世祖廷璽

年也若錫之者固一童子耳以天賦之厚孝友至性空前絕後吾友趙次珊尚書方修清史余

雖 不文固將以此記請附孝義之傳因先具草還諸其家錫之娶汪氏無出以嘉炘子榮華嗣

# **今有孫五人矣閩縣林紓記**

## 南湖舊隱圖記

江陵距三峽之口介重湖之尾爲大江上流重鎭古稱衣冠藪澤所謂南湖者城南之水會縱

橫百餘丈視吾閩西湖得十之二而杭穎二湖彌不及矣然明漪絕底湖心有田居者便於漁

BOXED COM

**;** 

凡數十百次不復一似越乙酉始與先生喆嗣芸漵太史同事吳航謝枚如師余亦適得先生

松鶴 一小幀卽以歸之先生長君樾殺大令比來京主大學講席得黃祕書秋岳騖歎其文詢

假緣澤自極掞麗乃吾鄉特出之秀私 之則笏山先生文孫也秋岳古近體詩鮮榮修盪偉爲詞傑雖海內老輩不復能過駢文亦不 自歎息先生善人之果有後也先生家傳爲吾師謝先

生手筆 秋 其居官之能聲乃余得秋岳書言傳中詳吏事而略藝文頗以爲憾然余 曾聞 韞 山

畫先生欲索歸賊手韞山先生止之嗚呼天下性之所嗜寧復計及利害以一量之故幾輕其 先生言兄弟東渡遇賊于澎湖先生藏明板杜詩及石谷臺册于積薪中賊酋覓得之去詩 取

性命此足知先生篤嗜風雅之酷矣先生善松竹寫竹石秀勁師與可飄灑過天池生余恆謂

吾鄉老畫師寫竹足以 肩隨先生者唯 一謝琯樵琯樵落筆 如風 雨乃殉難清漳 **计余至都** 問 Ż

善竹者竟 無 人 知珀樵 而先生與鹿定興相國友善 都 1人士間 或知之然終不 如 余知 先 生之

深也余不善竹畫松則私淑先生四十年今太史家尚有先生所遠互幛二松夾立一鶴中翹

於魄 力中標以神韻絕作也嗚呼覘先生風節者可於畫中求之矣

韜光庵在西山之麓於志乘無考蓋非勅建者庚子之亂圯于兵燼吾友吉林徐敬宜因其舊

呼淺者之載物幾何而浮者之燭理又幾何也世之蘊才智而不自檢攝灼之而立熾磯之而 **址築潛廬居之潛之爲義見於易復見於詩有深沈之義蓋深者淺之反而沈者又浮之反鳴** 

不善者惡之敬宜夷然行其分之所安及遇讒而歸仍夷然行其分之所安也喜憎不形升沈

有悔去深沈之義遠矣敬宜以鄉人之請歸長吉林吉林之善者好之

立反于出處之際動輒

山諸公集于西山之別墅顏日潛廬余始恍然敬宜于未長吉林以前固已潛矣潛雖伏矣亦 如一予甚異之私心頗謂其能潛辛酉六月敬宜招同陳太傅及周少樸張乾若宋鐵楳成竹

孔之炤蓋其應鄕里之請炤之時爾其不可常炤又歸之于潛可謂無悶矣廬之廣不能三畝

蔭以松栝週以扶闌遠望城闕在煙雲渺靄問玉泉諸 山咸拱揖闌楯之外敬宜神字蕭 閒 然

語及鄉井恆太息不言乃至今日橇關烽火絳及天地白骨蔽野以一家之人爲主客之搏敬 坐視不復能救將歸咎于潛之不幸乎吾則謂與其不可救不如仍還吾潛或且潛龍其有

宜

一用之時乎用爲之記以勗之

一蘇園記

闽江 有村日蘇琯村陳氏聚族居之數百年去海濱四先生之古靈不十里山幽而俗醇吾友

絜庵尙書長於是村旣通籍遂舍其遺產二萬餘金歸之陳祠爲歲時報饗之需陳宗賢之然

重樓邃閣之制松槍中書舍三數楹拓餘地以藝蔬果之屬怪石四五離立篁竹間樸野仍如 尚書子姓繁多仕于朝因築室于宣武門之東治園四畝名之日蘇園不忘其鄉也園之構無

村居尚書年七十有 **晨起扶杖徜徉見園丁之灌藝弗力則亦自理其瓶鋤其伉健雖老于** 

兩以此親貴大臣弗悅言者摭他事論列之因罷去尚書夷然長日舍樹藝灌漑外無他營亦 **圃事者不能過夫以尙書之幹濟長於理財而精于剔弊其營東西二陵省官中金三百餘萬** 

不時出游若尚書者亦可云善於養晦矣夫畏亢悔而貪榮之欲不滅此抱朴子之所惡

行 今日武臣方用奇括天下之財盡入數大帥之橐中京朝官林立幾餒而仆無所謂 其貪尚書知、之甚深故蕭然以老圃終在亢海中尚不自知而寧知今日所謂榮耶方尚書 築亦 無所

罷所

欲

致

中

固

爾

佛計

TIT

而吾國

盛時議者頗有異同余獨堅信其能廉天下唯廉者始不以退隱爲僧今尚書日遊憇于此園

蓋真能隱矣且真爲不畏亢悔之人矣因樂爲之記

致其

冒爲之亦其志也亭在邊遠其山川之形勝不可得詳但就鐵楳名亭之意余爲闡發之亦以

見鐵楳之築斯亭非苟然也壬戌五月林紓記

箴宜女學校碑記

清原 任荆 州將軍祥公以庚子之亂憂憤卒遺命不立嗣以愛女繼識一 女士治喪女士旣終

士爲 喪卽舍宅建箴宜學校义舍田六百畝園九十畝典易釵釧佐之十年中糜金錢 年亦五十矣而校中造就者衆吳下彭君翼仲爲余言其事請余充講席明日女士偕 一萬餘 圓 其 女

女弟子駱樹華來見女士語及雜乾時事誦孫文定三習一弊疏聲琅琅然余大駭異而樹華

亦拜余門下以校長隨學生聽講殆奇女子也逾年女士病革余省之見樹華慘悴如憂其母 越日女士卒余臨弔而樹華暈仆者再至同臥尸實抱尸而哭余責樹華若有老母在今如是

異日 何 以處 母 喪耶 女士 既逝而族衆來爭校產羣責樹華樹華堅決啣其亡師 遺 命力支此

校罄其所積以充校費衆鑒其誠且服其義箴宜之校得至今存者樹華之功也樹華爲女士 卜葬臨穴慟絕居喪百日哀毀骨立自是日喘喘如病癥結其教學子也必崇儉約衣飾偶爾

校中事 人時必命易之雖甚病亦必升座講演寒暑無憚講堂奉將軍木主以女士附祀日是以 世也女士無家而樹華亦不嫁以 可千餘言示余余歷歷知之俾別爲刋 身殉校事嗚呼難矣王戌冬女弟子白群華錄樹華 刻 但就余所見者爲之記俾學生之執業者 崩 | 曜日 敍 知

# 遯園記

此澱濁之世尚有女宗也癸亥正月圍縣林紓記

乃乾

體剛健絕

馬君忠駿治園於馬家溝名之曰遯易九四好遯君子吉小人否曰好者喻名利之足以蠱人

之以遯喻自克之君子也嗚呼今之能自克者誰也君獨

明於盈虛生死之理

遯而 不已且營 一生壙於其間示終遯之意易上九所謂肥遯也寬裕自得曰肥莊 子曰生 生不

時逈矣園之制有晚稼軒在叢樹中其前為无悶亭四週皆田萬綠上下春秧既布徼風徐動 生正以求生過急所以不生今能寬裕自得則不期生而自生生擴雖成 其所以須此 境者爲

君自挾瓶鋤旣耘 而灌見者寧知其爲高世之君子也陶潛暗酒 而不能田 工其詩敍 田 事 . 甚詳

時 時以 死生緊念讀其共遊周 家菜柏下詩雖以酒開顏然份 岌岌於明日之事 所云明日

然

者數不可知也是終有死生之見亙於其懷今馬君園遊觸目即兒生壙非倉卒之過柏 下 也

適 物有所忌 其 入乎 削觸 余既爲之圖以相隔 之而 成慨若明於生死之分雖日觸之寧復有亙於懷所謂肥遯之君子 千里虛構初不 能肖今但闡發其肥遯之理肖之以吾文癸亥 馬 君

### 御書記

正月林紆記

謁

先皇帝御書貞不

絕俗四字頒賜臣家犬馬啣恩九頓伏地鳴咽不

止伏

念

宣統十三年冬 皇帝行大婚禮臣紓恭繪四鏡屏以進 皇帝顧太傅臣陳寶琛以臣紓 十

此為漢臣范滂稱處士郭泰語也謹按易疏貞正也釋名貞定也諡法外 內 用情臼貞 贱 臣安

路雖九死不復能報草野微賤義义不能妄上謝表僅望闕泥首而感涕今年清明 所得證然取正於聖賢之言堅定其義利之辨或庶幾焉 皇帝憐臣衰老 親 加聖訓勗 因復 匍 臣 末 匐

破格之恩感念 陵下見松柏蒼翠春氣映發欣欣而向榮竊 皇帝 式追感 先皇於無巳矣前此賜臣煙雲供養春條臣謹以 以爲 先皇遺澤潛滋於草木 者如 从此况舒 天章名 身 被

記 表於道曰清處士林紓嘉示臣之死生問與吾清相終始也宣統十四年三月十五日臣林紓 其樓日煙雲今之御書則供之堂上嗚呼布衣之榮至此云極一日不死一日不忘大清死必 莫測其窮湊而不謂之沓貢巧獻媚集于余前暮色漸起流雲入洞燭光爲飲食後靜臥聞, 嚮其高矗天微 **蒼碧無復塵壤從崩榛綬藤中一經蛇蜿下趣台子橋泉脈淈淈出橋下左次怒石斜起而** 周歷而經余所至均便于奧者也辛酉五月三日溪行至大荆越謝公嶺趣靈峰道腰奧漸 余無濟腙之具恆恃奧而行雁宕之山高而險者無若馬鞍續而興亦可達故雁宕之山雖 十七級始及洞 記雁宕三絕 自來意其爲 聲達曉矣 飛泉也右爲伏虎洞天光豁 雨新過苔綠益濃橋之正面則兩壁箝合而 口卽靈峯之羅漢洞 日で を動していま 也高樓四層上及峯牛石壁陰溼雨沫濺及闌楯不 然余與同遊者列坐楹軒洞 中裂髣髴有臺殿樓閣歷三百七 外諸峯登降拱揖 **攄**而 知所 泉 北 未 入

初 四 日自 靈峯智靈巖浙 四蔣季哲營樓奉母家于靈巖之屏霞峯導余前 絕壁四合天地 純

綠 余 婚 然 如 入夢寐石之穹 然而高深 伙 m 深 或 rļ1 窪 而 廣者若潭石 受水 侵囓 漸 成爲 剖 瓠

聞 形其空立 :水聲萬竹梗道不知所窮竹中突見天柱峯高 而 隆者若危墉積雨將崩下駭行容然竅必出泉隨石經產興夫踐石 可數百丈與展旗拳對時 如主客其 而 過 Цì 逐 則屏 步 必

巖寺 霞嶂 也左爲卓筆峯 作青紫色橫 万天半 有飛流下 其長與諸峯臂接 墜雷 噴雪濺余 而遠引縣延可數里以外篁竹之杪出殿角則靈 知為 小龍湫龍湫非奇卓筆奇也举自 地 拔 起

幾齊 天柱其旁羣峯 一雜立 如 摴 **蒱誌皆有名時余已造靈巖寺外石級宛轉入篁竹** di. Įij 蔣 Æ

燈旣 之屏霞廬見矣登堂拜 上萬 。蟲交撲以山中積陰連旬樓空不窗蟲趨光而 丹季哲延余宿危樓上不 雨 時間 雨 入同遊者更易履襪備明日往觀大 聲則 樓後飛泉滲漉 下 墜深 池 夜

#### 龍湫

嶺背石 明 臼爲 端午節 凹 厏 馬鞍形鑿石 晨起飲 卯酒 爲 階級 即登興行 其銳峭處則纍小石爲着足地 四里至馬 鞍 员镇馬鞍嶺一 名 石 下 視羣山 城嶺爲東西谷之中界 如 兄孫環膝起伏

帛狀 泉也 經久慵 不爲瀄 深紫 代乃不可紀 高下相距可數百丈余下奧踐小石逾領脊過經能仁寺寺乃無僧出觀大鐵鑊委荆莽中年 維丁巳四月後死弟林紓 祭丁 宿 百丈以外出坎尙攢積如叠鱗甲漸下漸廣亦漸模糊聚億萬細點紛落澗中澗水寒碧受瀑 靈曰嗚呼余年二十是歲識君破屋陰沉饒蚤與蚊君方獨酌意態嶙峋通名甫竟抗聲論 于 側 山盆深泉亦喧 和 屏 如 汨之聲 屏霞 霞廬 轉 軒 而 視 文 不能狂也泉下石亭久圮莫修有臥 道經燕尾泉即溪流自龍湫來者沸白濺沫分二股落大石間 峯 同 其背則 遊 নার 曲折盤石 集日 者 汉若估 豗 高 夢旦鄭 盈耳由連雲嶂近大翦 謹託其門生陳贊文以淸酌時羞之儀致祭於吾友和軒丁先生之 而 森 帆 過 飽風故又名爲 如 稚星李拔 漸成篆紋其視燕尾泉之崩騰狂逝乃大異蓋巖 納 発中龍 可及蔣季哲與余爲五 湫 碑 之來澹若 刀峯卓立雲牛峯 州 則吾 風更跳溪石百餘步見大龍湫 一輕雲願 鄉梁退庵 雲横 有裂紋雲經其簇作 人王戌五月林紓 中丞紀 而 泉直 遊碣 山 耳計 中 S 既 高 厲 也是日 人 之當 秭日 補 快翦 記 派尾 在二 復 泉 分 文 歸 亦 力

指斥牧齋亟賞劉蕡高吟杜詩飄飄凌雲旁人議君飢或涉旬不務苦慮得酒輒 陳余 達

君素輕 足稱吾友心契迹逈 死 視 命若帚所貴自適胡天胡 し恨不 能酒 不酒 亦趣日從君後 壽 我聞 君言興會飈舉委命於天 介 時 病 肺 區 血 盈斗 坐而 日必造 待 死竟不 君自午達 能 酉 死

**今且七十君竟先我但有啜泣台江精舍佳竹美石秋夜月明人息蟲寂彼此單衣** 西 凤 動 壁

用自娛適方廣嵯崎綠陰若織洞天深邃石扉百尺夜行逃道虎嘯叢棘四更到 剔燈論事辯曲引直君發奇語震若霹靂古獄沉冤立驗白黑我輒喪膽佩君宏識 寺明月在 間 亦 Ш 行

笑謔 水簾 間 下天 出 運明 山翠四塞鍪僕斗病伏如蜴蜥 僕愈諱言非 疾自是山游日益 僧言神譴 爲件九度石 伽 藍之力君怒惰言豎髯 鼓履巇若坦 背僧 出 如 肉 戟 用 我 以 鸸 佐饭 伽 盏

僧 聞 4: 腥 合 +-閉 眼 君 爲 絕 到 噴酒 滿艦 東際 樓高 松勢 蜿 蜿我 自作 畫 君强 署款 韋 曹 互奪

亦不告我躬自悲歎昊天不弔我構家難乙未十月余丁母 彼 此 詆 調余負狂名動忤 稗販庸品 斯濫 斥我 風漢 君 獨 不然抗 憂病 辯 妻侍母亦以瘵休仲子再夭 侃侃 聲色俱 属指 造

我痛 欲踣七日之中君十臨 **弔忍淚慰我** 語必中 要如冰沃炭滅我內 燒如付善藥令我自

辛亥清亡君每書來如癇如狂詈彼凶冷斥此狂猖誓言必死將蹈沅湘我以爲激導誘百方 己亥正月余客浙西看梅超山款竹西溪每得君警輒索吾詩既得吾詩君輒軒眉庚子亂稔

君託雛孫悲凉滿紙我垂古 稀仰恃天咫一 諾無變唯力是視卅年撫孤四五弗已後此茫茫

君終引決江流洋洋嗚呼痛哉七十有三年並夫子一生力善收局以此病子癃瘵未必不起

誰則知耳惜君遺稿散落披靡精爽弗滅詩特末技我必傳君製爲私史識君論述記君踐履

冥冥萬年交誼無己哀哉尙饗

# 公祭江杏村侍御文

維戊午故曆之四月三日愚弟陳寶琛林紓謹以時饈之饌再拜致奠于故侍御史江君杏村

梅陽梅陽 之靈曰嗚呼龍比得名晚夏末商節抗龍比鮮有不亡竟免于亡 有君名動九閶翰林起家世儀文章既涉霜臺讜議始昌 聖恩洋洋骾言正識 崇陵上賓薄海惋愴受 世稱

結死黨君首論劾辯暢激壯道子喑畏元翰悵惘廷旨切責斥君狂戆君感 命監國唯攝政王手定王儀君疏特詳惟時諸貴甫脫褓襁乳口論政戲音引吭乾兒義孫互 國 恩即蹶猾起

當塗之鐵攻踣項氏退顧南山進備東市下筆凜然震憎 神鬼司 馬稱疾 永寧內徒彌 天 大禍

機兆以此當斷不斷頹運斯圮三州連帥奸比侶據懷諼迷國非賄莫飫君發其奸照燭計數

七疏不餒王曰庸絮還爾鳳池趣君之去君念梅陽梅花怒開老母倚門盍歸乎來流水抱村

舉目蕭 寥金風 鐵 雨瞑然化去上與天語嗚呼哀哉綿亭峨峨涵江欲波南望祭君傷如之何

花撲杯蘿蔓深深一徑蒼苔奉母讀書優哉悠哉滄桑之感一慟萬古老作冬耶願乖杜甫

落

桂旗掣風驂螭駕鰲神絃之曲代以離 騷尙饗

祭林文直公文

維年月日林紓李宗言謹以時羞之饌致祭于清侍郎林文直公之靈曰嗚呼文山疊山唯死

壯歲白 是求文山授命柴市高秋疊山賣卜橋亭優游匪優匪游唯死是求抗節弗貳公實其傳弔公 簡 四臺漁剔抉摩冬蟄聞雷凶回旣懲檻塞立 |開宿奸擯公引爲身災南韶之守謬語

知公召自連帥奉敕襄行同平章事衆呴漂山恣爲姦利鼎湖之變摧心置地孱王枋國空山

推悠悠南行首著吏節化及鳥蠻土石蒙烈以夾儕敍開藩陳臬旣秉節

鉞誠

貫

金鐵

先 帝

廷

甥館

引虎漢水如沸金風鐵雨旣建宋台遂開霸府我公悲涕首疾心腐拂油析津遠此撅豎徵書

**秋** 数 在門逃骨脫罟上接夏峯下侔青主咤隣竟歲唯勝及壺至痛徹心旣惙且獲我再謁陵公爲 匆匆 五稔遂悼黃鱸嗚呼哀哉公之精英萬劫不磨公之涕淚倒海傾 河唯我知公魯陽

丹誠庶幾來格尙饗

不戈今為哀祭杯酒相過弔公生平來明

去白匪瑕匪玷是日完璧痛哭奠公紙

錢

陌鑒我

祭沈敬裕公文

維戊子之十 一月愚弟林紓卓孝復高而謙謹以時饈之饌致祭於誥授光祿大夫敬裕 公之

不面公官江左牢盆手握 **饢日光緒** 内 戌 我 始識 公行館深沈交簷槐桐驚座豪談酒波鳞紅氣蓋中原萬 日與艱 瑣夜深燭 跋 無 廢 唱 和 江 漢 湯 湯帥 者南 皮撫接義故賞公 騎為 空五年

雄奇新寧差品尤極延推文襄移節橐筆相隨簡齋石林藻采紛披獨臂松古萬 香溫酒熟魚肥行館分題句飾章絺正陽編出韓矩杜規鴯胎戊戌晚又遇難風高柴市月凉 蓮欲茗澀

愛女毀殉悼此嬰婉死義寧寃抱忠奚怨仰懷文獻 Tr 衎 執憲許國 一心醲斷布愈健庚子

慘變盜發神京閒闥陰風出沒鬼兵萬檣北趣號曰義征聶馬所部槁若死莖下顧吳皖 荆 如 迎 雨 勢萬木無聲公籌互保告之忠誠閩粵景和羣師 **<b><u><b>敛盟残喘以蘇危局**</u> 弗傾決劇 上盼

剸繁由是知名尙功錄賢位以不次入尹畿輔吏莫舞智張趙三王同 科異致 一輔囂豪 椎埋

問寧適· 若戲葅戮匪難殲之非義載礪威器厚爲之備廣開戍邏調集武吏節樓隆秋風掣帥幟京畿 一中時忌遷晉轉學遂藩西江赣民不慧畿翻鄱陽吳師討叛厥聲洋洋公曰么麼沸蜩

及螳鷩爆何爲作此張皇文告一聳瘞盾埋槍旣守贛撫受代遄至饞涎川流奔慾騁嗜公格 弗避陰嗾臺諫途干 吏議褒琴及書翛然北來江亭月上蕭寺花開詩躍寒缸 愁沒

深杯旦夕招我遇輒意解笑謔 無問語 雜贩稗南 皮入閣搜獵 中外公仍歸然亢不請丐公道

其貪狂訐

所存天章錄拜藩條既握節鉞旋賚我戲寨主以窮爲怪公日匪窮卽 窮何 害天 禍 有清辛亥

變起公隱滬上舊髯抵几跡追白雲氣遏蒼水退尙咎心進忍蒙恥我遊江 再見我公休矣彌留經月得書四紙書無他語頗思荔支亦復念我愴懷暌離公子來時 南相見悲喜嗣 我方 是

謁 陵 衣冠凌寒午夜踐冰嚴霜凍膝鼻涕垂膺小病既蘇來唁公子主客失聲愴胡能已鳴

其瞑乎安此毅魄尙黎 呼哀哉文肅廟堂遺書欲壁命公報國聲出金石公果不負以死自畫世多雌黃史有黑白公

## 祭高子益文

維己未九月愚小兄林紓謹以庶饈淸酌致祭於子益六弟之靈而告之曰嗚呼道義之交卽

死寧止兄弟及我同臻暮齒居恆別我 逝萬里猝一 把握循隔日耳揣貌擬容幾燭 腠 理 惟

以國外市直不見容遂去京邸曉泛渾脫南渡瘴水獠羞活臠踐蛇犯虺旣蒞監司艱鉅誰委 衰之虞强健則喜 景廟末年入朝之始參議尚書與聞國是國旣卒斬戕胥用嚭邪陰涌 趯

相見冬晚失聲而哭燈昏行館匪撩君悲情不自筦轉相慰止餘 奉勅過嶺媿室已矣赤日聞雷震及肺肝急淚奪眶心痛若刓幽痗既深容色槁乾奉勅 淚猶澘明日宣麻尙 害左丞 裏行

外力 排 山日肆憑陵彼固橫猾君亦方骾狎弄虎兕如聽蛙黽外交以靖積歲 無梗愛女贅壻

賀容殷盛 明年外簡遂寄藩條仍趣炎方山水迢迢舊日瘴衣腥膩甫消物換星移言歸海上愛弟作隣 粉侯在門女構奇病讇囈間作惛固 沈瞑吉禮成凶立畢其命君幸 作達 )神子堅靜

しっていまってに

11

門宇相向招邀老猛碁酒遨放忽膺使命持節羅馬積思幸遂喜極成訝促膝傾談恆及中夜 余方忤俗日肆嫚罵君憂吾禍動色驚咤綱紀戒行餞君荒祠殷憂被顏若構深悲長跽抱我

**泣涕**連而 謂 余老暮餐已成絲何爲任氣斷送頭 皮病驅遠出再見何期 生平至契非爾 莫怡

此行懸懸含爾誰思嗚呼哀哉我心碎矣幾拚殘年願代爾死媳室知我我淪肌髓汝心尤厚

我成 越出常軌聞過則悲聞善則喜苟非骨肉何遠至此交徧天下誰則汝比嗚呼哀哉汝竟棄我 孤立所餘夢旦海 上就食會少離多詎常接席夢亦契我語若樂石每得箴言寶如拱璧

**麟鳳佳名海** 佐以佳腊飽 :藏所錫三年聚首無間朝夕風埃不避車鈍巷仄造門大呼穉女走匿燖 食猫 博互相娛適天禍 君家竟罹不測命懸庸醫尸返故宅病妻欲僵 面 魚煾肉 無 人色

弱妾投缳死僅瞬息見豈能忍止又無術嗚呼哀哉愛國之心淪入黃土歐西之役力主用武

忠不見錄尙復誰語天下方亂南北齟齬窀焉穸焉卽君寧處我旣寡歡四盼誰侶欲抒積愫 既吐復茹水月寺門舊君對宇車過腹痛幾欲撾戶嗚呼哀哉日夕悲君遄增我老以詩代哭

伸我懷: 抱俯對 繐 帷仰觀蒼昊髣髴魂來歸此靈座既哭且奠靈其鑒我哀哉尙饗

吾友海 大別 帳殿堅請獨對此座可惜語見風槪 聖力彈驕王無畏恐猲胡 駭爲誰氏公則浩然長劍天倚旣留淸祕鯁亮是矢再劾時宰遂忤聖旨旣弗黨順糾剮以起 嗚呼我公在天爲日星在地爲河嶽於法宜誄顧劉勰有言賤不誄貴寶則公旣視我爲布衣 維宣統已未 清番禺梁文忠公誄 釀濫用威器挑邊如狂客兵東蒞林立萬檣 北辭魏闕南渡瘴水廣雅建節伸以禮聘蓮節梅候擘箋分詠公爲永叔張則文禧庾嶺峨 馩 交則余之誄公特朋友之私誄 海之南天統貞臣美髯偉貌德粹學 嵯嵯以義友忠相從節麾公匪阿尊廣雅錄德道義之契淪貫金石琴臺初花漢水既 鬾 時與吟席公旣陳臬我過武昌公方引疾款我東廂蘊義懷忠發聲 **番禺梁文忠公以疾卒於京寓其友閩縣林紓行哭弔諸其廬而公未大殮也** 達在猖立儲議定孱王仇洋 非破格也因揮涕爲之辭 。醇英年對策遂職太史首忤權相抉其瘢疻同官愕眙 兩宮動容理密旋廢孰則知公首定大計 天子下殿關路阻長我公麻鞋奔赴行在泥首 漪瀾 Ē 徐剛狠若虎倀 制敵使鬼 瑯 瑯自 龍馭 放國以 陳 既 面 汐 迴 峨

三文を建一二世紀

1111

公皇祕殿腸斷欲僵 繼以上陽公抱苫塊來蒞國喪邏騎四集張吻 梓宫奉移西駐梁莊公仍麻衣結廬其傍三年陵工實助實襄大署陵 如狼勿聽哭臨肆 其權强

碑天骨開 張手種陵樹槍柏成行紓也小臣戀恩感涕八度隨班謁陵如禮公曰來紓汝灌 柏

樹 帝后 神靈必且資汝抱褒跪淋雜以淚 雨公既嬰疴癯惙獨處今年陵下樹廬乏主 明 樓

霜嚴 日大難 惲莽瞞語必宗經動皆合古世昧威寶乃曰酸腐匪酸匪腐源本忠孝耿耿赤心巖巖道貌吾 神 嗚呼 橋 月 層泣告 ,哀哉公之風節無忝諫官公之詩筆直掩後山公之變善自攄肺肝公之癉恶 先 皇配公蠲愈爛尾燦箕公竟高舉目昏淚盡我 小 如 刓 君子 道 丧 無 來

年七十遇公輒拜公書盈寸時發異采前此三年曾徵吾畫永願庵深萬松成籟以我劣筆爲

帝制猶行公處講筵詮釋羣 公壁疥署第 流萬目駭怪知己之感累劫無殺嗚呼哀哉我公生死無 經待 漏五更騎馬禁城生藐新法死戀舊京北 玷 吳南 大清九鼎 梁羨隧所營 旣 遷

諡唯公克勝懿行嘉言請俟碑銘 魂 依 先 帝 東 西 一陵 . 皓月在天鬼燈不青稼軒道隣地下爲朋喆子侍衞 先業 其承文忠嘉

鳴呼 ·余同 年摯友 畬 竹李君 歿經 月矣君未殁之前 五日紓視 之析 津 神 木 色 朽 服 裘 m 據

榻

微瘳又明日卓子芝南來言君已不起余大戚即趁車造弔則君未大殮也嗚呼前此二十五 茵褥污染作深黝色則 進藥棘胃所嘔噦而出者也 在勢爲殆越三日得其季子宣鉞書言 疾

年匪 假讀 日不就君兄弟時 且盡今聞其書及實軸成 高媿室周辛仲方雨亭咸無恙聚談恆王夜 無 存 m 君亦奄然逝矣君三弟均不 中君 永年 兄弟 君 積書連楹余 石年獨六 十綜

攝廣信府篆迎 先 世 亦未 有 修 長及君 |養我年伯母沈太夫人于郡 者然 在 朋 友 追 想數聚之樂爲 中廣信者君外祖沈文肅公舊治也當赭寇 日則又甚促矣君 旣 含鹺 業服 官 撲 江 城 右

時林夫人以劍授公自據庭井而坐賊至則入迨賊退城完君蒞郡因銘其井曰誓井額 其堂

訓簡 **寶井堂紓** 日 愁愁 然鉛 續為 之圖 山令將死囚六人至郡獄均殺人論 且記矣而信之父老因文獻而禮君君 抵者然囚 之視信民亦敦寫者故舊 中 有曜 目 **人君** 日人乃 誠 見劃

而 不 知 避 郭 是獄 こで、日間に、こう 必 一枉飭鉛 山令更鞫之未報 心而代者 至君指 1 1 陳寃 韶 之狀卒得原

洗

者

於瞽

三人君處郡日淺然愛禮 人士經所賞拔多英博之彥旣去郡通問之書仍相屬於道君家 世

忠厚太年伯光祿公善聲被其鄉里別業中有所謂光祿岭台者一時名輩恆集而爲詩鹺 既 敗岭台別屬君仍日招詩流結爲支社月恆數集君詩近義山喜爲悲亢之音其過金川 門 業

詩 雖 陳元孝不能過也國變以 《後居海 上經年乙卯仲子宣威將築樓於析津迎君入都已 而

屬矣因忍悲而爲之誄曰

訛傳兵警遂遷析津以待樓成

而不期君之遠逝也長君宜璋以墓銘屬余君生前固以

此

相

弗滓其天神與化居箱綬胡樂解組胡吁禰祖以仁植產唯書晚益親道納睿於愚渡海 北來

流連郭墟心惡俳嬉潛蟄弗出收視成瞑退反吾質短榻親燈尺案受日霞想雲思飲入抱膝 屏富絕貴真日 「遺逸危行言遜唯君詔我悠悠蒼天义弱 一個貞方云逝孰遏吾過誄之以文

### 用代楚些

冒母周太夫人誄井序

母誄耶且少不誄長矧以紓之不文焉足誄母之賢顧二十年來廣生與紓爲道義交去年 矣夫以吾友之孝遭賢母之喪其呼籲如何可陰繪其慘狀而得之孰非人子紓其能泚筆爲 Ŧi.

廣 月紓遊雁 生輕擲 宕遇廣生於道途尙殷殷詢母眠食廣生日健甚乃垂及七十之年而告終則 官而乞終三年之喪也母氏周爲吾閩賢太守周公季貺女太守博 極羣書兄弟 宜 平

太夫人年二十六而孀析產時得二百六十金舅都轉公方官粵東憐之足成千金太夫 皆顯宦廣 生稱 為五周先生者廣生少穎異周氏諸舅咸曰阿靈有我家性阿靈廣生小字也 人逡

依都 試 則太夫人銳減至六十錢蓋萬苦矣廣 :轉於粵東廣生六歲妹吳夫人甫四歲太夫人日劃百錢供饘粥及廣生歸 生歷縣郡院三試皆第 補博士弟子員甲 如皋應童 午領 絕

於京寓 怘 中 京 師 廣 生 商 書高於屋也紓絕意仕進廣生以太夫人健在不 部立廣生考上第補平均 司主事 迎養太夫人於京師 能不圖祿養王子簡甌 於是紓 始獲朝太夫人 海 뢺

監督罄其所得且假諸妹壻吳君用處以八千金贖歸徵君巢民先生故宅先生爲有明 遺老

舒戲稱爲二百年前壬午同年而同志者也太夫人旣歸如皋戊午廣生量移鎭江 網 鎭 江

上の登品に一門

稱 北 府 有 金焦之勝廣生遂奉太夫人至眞江未幾忠作先是危病者二均其女孫景珠景 珂

淮安關 刲股以 進不 太 樂 夫人仍留居鎮江辛酉十 而愈至是廣生乃齋戎禱諸 月卒於鎭江宮廬亭壽六十 観音洞明日 疾間時人咸以爲孝感 有 九生平惡聞 也廣生既 人過 家 調

m

人即有議論亦中止之其居鎭江遠輒施槥施冬衣及米廣生在淮安每有善舉 必告 太 关人

不貮婚 所謂養志也廣生嘗欲請旌母節於朝太夫人曰朝廷所以旌寡婦者謂其可嫁而 人之常節 人子為信既晚且求旌以勵我此其初心何居滋輕我矣斥不許嗚呼母 不嫁耳 之 夫

言爲歷古節 .母所未言者也宜紓之五體投地矣敬爲誄 日

內睦外肅早苦孀 祥 符籍 地 周爲冠族昆季通貴滁潤 單京 卿不祿一子一 優沃篤 女唯母之穀 生祥女憨素韶淑碩人頎頎林風謖謖來嬪於冒 既 殫 推語 H **議** 鞠 日食百錢遑議旨蓄

翛然無冀俊 妙高板輿奉母蒞自如皋襲醫擷奇其樂陶陶母愈儉抑安匱違豐天錫龐褫莫敢榮通 而知足子抱豐藝森厥頭角躋敍淸途 雅有智局 京口春深江 水滔滔閣隱 松寥

在年宜 修於體 非 權忽構赢悴營寮俱窮始尷終越條爾告終嗚呼哀哉臨命之言豈特金石

臺聳

**翛然**卻 於柳 年已痛哭陳述於樞近之臣發其悖計顧乃居積薪之上而不知君雖欲涼剔抉摩求舉其議 爲文以告之曰嗚呼君才之大實北溟之鵬其振翼也若垂天之雲水擊三千里顧 維 自伸 之所謂元勳者勒崇垂鴻視吾神州循培塿為恃其慓銳肆彼殘齕君實與此輩同學前四十 之積雖未卽於天關然亦不復逍遙矣圖南之不終其責在風寧復在鵬之翼耶嗚呼彼東人 而莫可嗚呼此宜君之抱疴伏息懨懨於鄉里間也嗚呼當塗篡竊神器之時乃籠檻及君君 告嚴幾道文 孀守常節於世胡白唯有名心始邀恩錫子果愛母勿尙沽激德符中庸論乃奇闢泥首陳辭 上之靈席 一祖曆之王戌正月後死友林紓及其門生陳希彭以時饈之饌致奠於吾友幾道嚴君之靈 州蓋自方也柳州君子人也昌黎永貞之行意屬夢得於子厚無與至爲之誌墓爲之碑 其千 腔之寃不 金不 署勸進之表顧乃以中國不宜 15 THE 17 11 能敵萬衆之口 而吾獨知君者以君假吾柳州之文手加丹鉛知 共和 語竟竄名入黨籍中使君 抑抑 乃無 君之屬意 無 厚 回 風

也吾恆謂屈平之騷谷風也柳州之騷氓也谷風之怨響抗而長氓之怨聲咽而悲讀柳州之 羅池無一 語及於叔文蓋知柳州深矣吾文去昌黎萬里寧足雪君之寃然君之心柳州之心

騷其沈憂凄黯淚與聲俱而 君丹鉛其上吾未嘗不以悲柳州者悲君也嗚呼君今已矣臨

之中亦苟延殘喘而已轉不如君脫然塵壗之表之爲得也君著述滿天下而生平不能 翁耳寧自期爲君子之玉至所謂利於走趨者或時流憐余老悖無能恕之游行於長安人 一月尙以詩壽予七十有佩玉利於走趨 一語蓋用昌黎之文以況余嗚呼予長安寶畫 盆 海

其長此至可哀也既瀝酒於與復為悲歌以降神日

望仙宸之次寥兮披瑤煙於絳霄縣龍鸞而上徂兮託巫陽 而難招神下盼而長吁兮知尨亂

兮後死者胡以自聊略董道而仗正兮世方目爲儒梟類麏廳之弗息兮寤駭憊於夜晝幸夫 鉤裂之不可以終朝毒燎備爨兮天半絳其芒熛四海渗涸兮雜犬禍與詩妖哀穰至之無 期

君之蕭問兮居帝所而騰嘯揚桂旗於靈風兮亦羅池之降廟請再拜而伸奠兮冷霎輝乎夕

照佝變

estographs, yngystyddore, had xalastanan achaddoredd

夫人心國力障

外

海靡

金四

萬

出

魚

沸釜幾六百衆

쁊

脱岸圄·

在義非子爲仁匪

胊

浙

東

再

飢

ヨズを品一二世代

槁苗及黍購米萬屯載自江滸霑漑旁縣鄞爲之阻夫人戚然曉以大義善鄰是寶胡斬其 施

每值饑儉惠無弗至三澹浙東深仁孰譬聖曰富教母審其利力創四校師徒講肄越人賴之

夫人建表塔鐙其巓夜行以安不手能 學日以粹滄海灝溔潮來漲天嶢礁劍挺累覆大艑落伽峨峨浙之鎭山萬帆所趣觸 前仁播 數州名垂 萬 年獨不喜兵佳兵非瑞何 險 謂 武 小 怒 寒

孰名威器尤黜申韓惡其毛驚藝業可尙何必舞智子姓宗之咸蹈軌迹六子皆賢富有才畫

徵五拔出奮其健翮鈴謀冠時名重尺籍孫曾七十維天所錫大耋既屆泯然乘化賢聲所播

震及朝野列諸史乘榮我中夏

高子益哀辭

嗚呼吾子益官至卿武年垂六十內膺朝委外握使節任職廿年 多所医建在法宜 誄 何 爲 哀

子益自是其已乎其終與吾不相見乎既決我於中道胡爲日拐 之嗚呼吾之哀哀吾之私交也凡其德績美効 埋幽 有 銘紀 質有史吾辭一不之及矣鳴 其肝膽以示我吾心不 爲君 呼吾

碎吾淚不爲君蝎舍吾媿室外何人能致我悲愴至此耶君之奉使於羅馬也吾方構狂病激

凡五視 居乃叫 年其顏色甚威夫朋友之墓有宿草則不哭吾不之慟子益又寧敢慟然其隱悲媿室之心則 衞攝不能病也嗚呼夢旦南下甫十日君先決棄夢旦矣悲哉悲哉方君之構疾也五 矣子益安能不以我爲兄者自媿室之亡每歲生日吾祀之春覺齋七年矣子益與祭者凡二 談片語疏 媿室忤奪髯抵几聲震屋瓦而君與夢旦蕭閒若無事似媿室有獨具之見而余亦非 朝吾年母程太夫人於鑄龍堂日蒙賜食媿室夢旦及君咸聚飯吾或三數日不歸間 奴僕驚咤試問天下非骨肉之愛曾如是之忠怨乎嗚呼吾之寸心爲子益死久矣三十年 訐驚爆君則感容若憫吾死臨餞嗚咽互相抱跽泣諫勿爲老狂以自困吾悲慚至不敢仰視 矧其夫人亦量絕而咯血斗 也夢旦於此二年中三至京師子益竊竊語我疑其憔悴吾曰君但自保其躬夢旦明達善 计七日 如 君縊 解即數笑 於車 單車至西醫院門外御者言主人已殆余失聲哭諸院門之外尾尸車 中舌出 如 恆狀太夫人聞之亦視以兒輩之爭棗栗微哂弗怪嗚呼太夫 餘令奉尸入新居即夫人意也然亦懨懨矣嗚呼吾其能 | 矣遇救而免嗚呼婦人殉夫正也顧此一男及三幼 女者 日中 人子 曖 將 丽 無證 論 造新 如 事 而 之 前 何 余 封 與

行三翼元月

此斷腸之狀耶夫義能便其朋友哀仁能使其妻妾死友愛於兄弟在君特常節 爾吾不恆 哭

子盆 者蓋防夢旦之悲也然余心中積淚殆成瘕矣因爲辭以哀之曰

病若雷車之蟲暴兮余心嬳憵而若撞胡君子之弗年兮壽康乃穀之狂童日焦悚而若有思

帷深兮寒月白哀樂變兮換今昔送君行兮吾將何賴以自怡强自支属而忘懷兮輒夢囈 **兮殆國憂之內訌藉楸枰以將朝昏兮久陰腜其隱痛羸病劇兮秋風高喪車歸兮諸雛號** 而 繐

成悲魂歸來兮揚桂旗羗不留兮真棄我而 如遺

陳太保壽文文 用 騈 醋 附 錄 築 末

夫入海 少帝經筵天予修齡七秩啓老臣壽寓此吾鸰螺江太保暨王夫人七秩雙慶紓所以難 但思存宋寶孤忠不腐之丹忱遷鼎尙復宗周特萬古未開之創局國非小腆九重留 己

於言歟公蓄地負海涵之量具鉤河摘洛之才史道游爲文信國符身韓昌黎出陸宣公門

先世以名臣作循吏去官留載道口碑攀從用碩學掇 巍科罷朝聚滿牀牙笏公體道爲用 蹈

理則 和顯豈徇人貞不絕俗始以侍講 充日講起居注官南 省五 墨 職近霜臺東極 星光朝

1												
	毆打太監之獄	宋廣平不按月將	風采乃綿宜者以喧	廷折不阿過拾遺	且謂示弱所以驕	東禍先胎公以馬政	手授從都督蓋力	坊左庶子仍以伊	人旣喪心一字不	類同謀之僕固視	見劫於敵塞垣喪	帝座翱翔青瑣追
エトン ちかれ 1・1 34412	兩宮霞怒刑部嚴譴玉	按月將之罪據典憲以爲言孔	喧呶奸雜之行為盛京	之求禮雖錄武安之法	突厥要盟無由弭吐蕃因	浮海爲挑邊孟	從都督蓋力爭天德防蹙國以厚克	犂西漢之事上疏	爭富弼公先痛	董晉之訶回紇蓄縮宜	地使命失辭籌邊未築	<b>翔新青瑣追陪赤墀雖謝表自引爲狂愚而</b>
	琳公曰殘氣不	孔左丞伸明李位之宽	京都統富陞所劾廷議	阿過拾遺之求禮雖錄武安之績終嫌趙孟之偸勳貴亦稍	番因而坐論戎機嚴彈	珙助元之非計拚飛維鳥	以厚廚廷非坐棄邾城但劃	力陳謂一方不宜割棄全	哭再疏請斬王倫雖抒鯁訐	且慚較趙昶之喻鼠仁	桑壅門附庸竟成甌脫	
1-1	剛宦官於物爲陰類悖傲自辯朝廷	%非中旨所得奪自是復有護軍	<b>嗞並富陞斥之公復疏爭其不</b>	亦稍斂其冒猥近習爭相驚以	而坐論戎機嚴彈邊帥通侯無憚爲抗疏之彥昇	飛維鳥大梗將成莫赤匪狐小人難恃	江遂淸夷患也然而北氛稍戢	一同誤自司徒九曲最屬肥饒拱	之誠無救黨親之錮旣授左春	風裁早貶褫落實甚控攝無方	乃崇厚者不斥無禮於沮渠轉	召對不勝其欽矚矣時崇厚奉使以東事
	日辯朝廷	没有護軍	争其不可	尹相驚以	<b>屼之彦昇</b>	小人難恃	北	<b>層肥饒拱</b>	<b> </b>	<sup>投</sup> 攝無方	<b>が沮渠轉</b>	以東事

r .

處此 有常 刑昔鄧 宏因 衞士忿爭斥廝養 之恕詞 無準寶軌戒家奴外 出矧宮省之門 籍 秦嚴

我 朝以寬大爲思執法亦 書寓諷姚崇十事宏直一人雖端簪理笏非東皋子之夙心而羽義翼忠實 聖明所恕得 旨 |勿問公直聲既震疏草日多湯若士因星變

房元齡之素志在大政力加匡建特 陳言程伊川以說 重綱 維於敛王少所包荒初非紋切彼琦善者有誤國 室

無聞難 恩之罪 儕欒 得 報 社 功崇德之祠 而楊某冒 爲之請豈 函札 干 連 樵蘇 帥 以 私俎豆及奸臣之鬼公謂廟食非稱妄擬桐 忠貞 鄕 武 修 節 桌

者耶露章既上輿論稱平一時寶吳張鄧諸公亦各體純淑之姿躬高 明之量惟官是視 直道

m 行 刺 舉 一無避 一言直犯天顏撓屈不聞萬手爭抄疏草駸駸臻孝文之治幾幾成元祐之風

**矣光緒甲** 牙旗三丈自 申高 廬敗盟馬江受敵公以內閣學士禮部 出行邊乃渚 中 本 可備 曹而 江 流 助 侍郎 逆加 奉 勅 草宋而 視 師江南華省五更暫辭 風 力摧軍公方集

內值

采 漁 《榔左右 石 諸 將之援師 新鯉跳波蘆濱縱橫野鷗分界停艇子於闌干以外輕着潮痕落橋花於禁袖之間 m 適丁魏國夫人之凶耗 自是長侍椿 闡 漸辭楓陛矣築樓 江濱名曰滄趣

復就石 改步 是小 專藩 宫師 時宰欲以除害墾菑之任屬資忠履義之躬因有山西巡撫之 非復黑頭大定且相隋公海內徧行赤氣紹聖元符之末國老全非豬突豨勇之軍兇鋒 甲申迄於己酉息影近三十年幾幾以虀粥送終久久與漁樵爭席矣迨太元再起安石 飛瀑三層破空靑而下茶戶供其雉兔山僮撈得魚蝦公自諸子遞及百家撐胸可五千卷由 巾梵響挾入窗之墜葉或悠悠經月或兀兀窮年林泉之願庶其償矣山水 於承宗福過魯公尺組未加於希烈此則名存斗籍生作福見之應者歟已而 微占臘信夏池藕稔冬閣梅酣公於此養詩心增琴趣焉顧季鷹旣遂蒓鱸而幼輿仍耽巖石 雄 移 一鎖之鋒難

雖設

公親持

虎節

往試

豺牙

但有

舌挺常

山

笏揚

秀實

乃忠

如義

度冒

氈 傅 鼓國 光問局 方十道之宣撫未行 Ш 「聽水第二齋成焉 師巖營聽水齋 翻 新中 時 趣便公不 而三晉之亂萌已兆廷湊擅誅宏正 一區因間 溪見底· 取石城之節豈答臨河之杯蹇蹇厥躬依依王室久之漸臺 施樓就泉展席鶴巢近戶僧影排雲仙氣撲對月之綸 上蘸銀雲萬竹成屯中開碧巷廣坪百步藏濃綠 一希彩狙殺懷仙留後 命未到官 之貪仍未已也於 廷旨改授毓慶 皇帝讓政玉 之立 方熾 之中 Ш 不死 帝 旣

謹作序代我公生傳 雅量相高我愧山濤之家客今日者設帨偕懸弧並慶直蜚聲爲天下聞家能文與蓄德同稱 下維和承慈以遜七言詩句聊當家書百畝村田常煩主計以答拜爲禮世傳樊氏之女宗用 王祥因碩德被選功名延朱雀之諸孫潞國以大耋受封冲淡葆黃花之晚節而王夫人者逮 秀夫出入宮廷道左訝先朝冠履從容山水畫中繪道老鬚眉旋以實錄告成拜太保之 之衣冠頓渺高廟之戶牖無驚正衙不飮牽機無憂讒之徐騎省厓山幸存塊肉仍講學之陸 命